



5,004/1

B.I.P

18

# ANALECTA

AD

## ANTIQUITATES MEDICAS

QVIBVS

ANATOME AEGYPTIORVM ET HIP  
POCRATIS, NEC NON MORTIS GENVS  
QVO CLEOPATRA REGINA PERIIT  
EXPLICANTVR



ITERVM RETRACTAVIT  
RECENSVIT ET TESTIMONIIS VETERVM  
SCRIPTORVM CONFIRMAVIT

### CHRISTIANVS GODOFR. GRVNER

MEDICINAE DOCTOR

BOTANICES AC THEORETICES IN ACADEMIA IENENSI  
PROFESSOR PVBLICVS ORDINARIVS, FACVLTATIS  
MEDICAE ADSESSOR, SOCIETATIS  
LATINAE IENENSIS SODALIS.

---

Φίλος μὲν ὁ Πλάτων, φίλη δὲ καὶ ἡ ἀλήθεια.

Aristotel. ap. Alexandr.

---

VRATISLAVIAE

APVD IOAN. FRIDERICVM KORNIVM SENIOREM

MDCCCLXXIII.





SERENISSIMO ET CELSISSIMO  
PRINCIPI ATQVE DOMINO  
DOMINO  
CAROLO AVGVSTO  
DVCI SAXONIAE  
IVLIACI, CLIVIAE, MONTIVM  
ANGARIAE ET GVESTPHALIAE, LANDGRAVIO  
THVRINGIAE, MARCHIONI MISNIAE, COMITI  
PRINCIPIS DIGNITATE HENNEBERGAE, COMITI  
MARCAE ET RAVENSBERGAE, DYNASTAE  
RAVENSTEINII CET. CET  
TERRARVM VINARIENSIVM  
ET ISENACENSIVM HEREDI  
RECTORI ACADEMIAE IENENSIS  
MAGNIFICENTISSIMO


DOMINO SVO LONGE  
INDVLGENTISSIMO





DVX SERENISSIME

DOMINE INDVLGENTISSIME

uaerenti mihi iamdiu, DVX  
SERENISSIME, qua po-  
tissimum ratione animum  
CELSITVDINI TVAE  
deuotissimum publice declararem, perop-  
portune venit in mentem libellus hicce  
meus, quem NOMINI TVO SERENIS-  
SIMO iam nuncupare audeo, tenuem il-  
lum quidem, nec tanti tamque praeclari  
PRINCIPIS oculis dignum, at certe gra-  
tae mentis et reuerentiae summae testem  
idoneum. Habent enim perspectum atque  
cognitum optimi quique, SERENISSI-



ME PRINCEPS, quantus TIBI inſit  
litterarum ardor, quanta doctrinae mul-  
tiplicis praefantia, quantum denique ad-  
verſus homines doctos ſtudium, adeoque  
non ſperant ſolum, verum etiam confi-  
dunt, fore, ut etiam aliquando, cum ad  
gubernandam adminiſtrandamque rempu-  
blicam acceſſeris, viam paternis maternis-  
que veſtigiis impreſſam ſequaris, omnem-  
que vitam, quae ſine litteris et bene fa-  
ctorum conſcientia degitur, miſeram at-  
que deperditam quaſi reputes.

Accedit et illud, DVX SERENISSI-  
ME, quod nuper, exemplum Celiſſimo-  
rum TVORVM maiorum illuſtriſſimum  
ſecutus, eximioque TVO in litteras fa-  
vore ductus, non dedignatus es academiae  
noſtrae preces ſubmiſſiſſimas, ut RECTO-  
REM eius MAGNIFICENTISSIMVM  
TE appellari quam clementiſſime patere-  
ris. Quod omen ut huic muſarum ſedi bo-  
niſque ciuibus eſt eritque longe fauſtiſſi-  
mum, ita etiam ego prae ceteris ſummum  
felici-



*felicitatis meae fastigium mihi attigisse  
videor, quod huc delato et CELSITVDI-  
NI TVAE non ita pridem repraesentato  
mihi licuit gratiae TVAE splendorem et  
clementiae singularis magnitudinem ad-  
mirari, eiusque memoriam sempiternam  
ad lares meos asportare.*

*Accipe igitur, DVX SERENISSI-  
ME, DOMINE INDVLGENTISSI-  
ME, hunc libellum ea, qua soles, clemen-  
tia, eumque gratiae TVAE principalis  
clypeo munitum quasi et securum a ma-  
leuolorum telis esse iubeas. Etenim si  
bene sentire recteque facere satis est ad  
principum bonorum et TITO simillimo-  
rum fauorem promerendum, non vereor,  
ne me consilii huius optimi conscientia su-  
stentare possit.*

*Faxit deus immortalis, CELSISSI-  
ME PRINCEPS, ut, cum numinis hu-  
ius prouidentia TE ex SERENISSIMA  
AMALIA matre nasci, atque EIVS sub  
auspiciis ad magna quaeuis facinora con-  
formari voluit, diu saluus, incolumis,  
faustus*

*faustus fortunatusque viuas, et onustus  
omnibus illius gloriae spoliis, quae salute  
cuium musarumque fauore continetur, sis  
Augusto maior, Tito melior, Antonino  
sapientior.*

*Ego vero, quantum in me erit robo-  
ris, neruorum atque virium, DVX SE-  
RENISSIME, efficiam, vt litterarum bo-  
narum et medicinae studiis hac in acade-  
mia nauando operam RECTORI nostro  
longe MAGNIFICENTISSIMO, id est,  
TIBI, nunquam displicuisse videar.*

**CELSITVDINI TVAE DVCALI**

Ienae

D. VI. Calend. Mart.

MDCCCLXXIII.

deuotissimus

Christianus Godofredus Gruner.

PRAE-





## PRAEFATIO.

**I**n ea opinione semper fui, medicum perfectum absolutumque omnibus numeris fore neminem, nisi qui in historia medicinae bene versatus sit. Fieri enim nullo modo potest, ut cui per angustos vitae cancellos, quibus circumscripta illa est, tuto liceat per se quorumvis morborum originem, naturam, causas, signa, medendique viam perspicere, nisi velit identidem labi, atque hinc in turpissimos errores incidere, aut, *EX PLINII* <sup>a)</sup> sententia, *experimenta per mortes agere*. At vero si fata nostrae artis et praeclarissimi eiusdem inuentores, correctores, et emendatores, vindices, statores, coryphaei, non latuerint medicum, bone deus! quantum utilitatis atque commodorum exinde in eum redundare necesse est.

Est enim haec historiae pars, ut cum *Io. Henr. Schulzio* <sup>b)</sup> loquar, *quasi inventarium quoddam, et descriptionem fundi cuiusque disciplinae praebet, ex qua discas, quam quisque particu-*

a) Hist. Nat. XXVIII. i.

b) In Praefat. ad Histor. Medicin.



## P R A E F A T I O.

*ticulam eius diuersis temporibus accuratius coluerit, et quo modo cultam aliis tradiderit; iine successores parta tuiti fuerint, an amiserint, contenti paratis et acceptis fuerint, an ampliora acquisuerint, vetera subruerint et prorjus ab integro noua condiderint, an labem minitantia tibicinibus quibusdam et substructionibus munire, vel noua incrustatione commendare satis habuerint; quae singula in quauis disciplina recte pernosse adeo iuuat, vt vere videamus illos, qui talia requirere non curauerunt, nec ipsos eam recte intelligere, nec sine confusionis et errorum multiplici periculo de vlla re iudicium ferre posse.*

Haec sane, si qua in disciplina alia, in medicina sunt multo verissima. Continetur enim ars nostra tota, quanta quanta est, vsu et experientia: Cui si accesserit ratio, tunc demum vera errorisque expers est. Iam vero cum illa non heri atque nudius tertius inuenta sit, sed statim ac labefactata hominum valitudo fuit, sensim pedetentimque processerit, donec in magnam hanc multiplicemque formam abiit; mirum profecto potest esse nemini, in tantum accreuisse inuentorum, experimentorum, opinionum, placitorumque multitudinem, vt sine pleniori historiae huius cognitione non possis vbique in caussarum inuestigatione certus esse, aut feliciter aegris manum admouere. Tunc enim hisce instructo tibi praesidiis facile ad perspiciendum est, quid quouis in morbo fecerint atque senserint cum veteres, tum recentiores medici, aut qua ratione scopuli euitandi sint, ne iis imprudenter adhaereas.

Neque



## P R A E F A T I O.

Neque mehercle ullus errandi metus est, in morem D E M E A E apud T E R E N T I V M <sup>c)</sup> velis te componere. Si enim ille:

*Inspicere, tanquam in speculum, in vitas omnium  
Iubeo, atque ex aliis sumere exemplum sibi.*

*Hoc facito — hoc fugito: — — —*

*Hoc laudi est, — — hoc vitio datur.*

Haec enim sola res impedit, quo minus ex auctoritate magni cuiusdam viri vnice pendeamus, aut simus partium studio vlllo modo dediti. Etenim si scias, quantum sit, quod veteres medici prorsus nescierint, recentiores vero aut observando inuenerint atque adiecerint, aut etiam nouaturiendo corruperint potius, quam emendarint, tunc non poteris non mediam, eamque tutissimam viam eligere, adeoque artis nostrae inuentores admirari, colere atque laudare sic, vt virum probum decet, nostros autem homines non spernere, modo pomperia eius recte curarint proferenda.

Porro habet id commodi curatior atque penitior historiae medicae scientia, primum, vt legendis omnis aevi medicis, iustum vtrisque possis statuere pretium; deinde modum, quod quaeque doctrina inuenta, exculta, demonstrata et mutata identidem fuerit, satis intelligere; denique veras virorum bonorum et praeclarum HIPPOCRATIS magni exemplum frequentium imagines coram intueri, quasque in eorum societatem descendere, nulla seculorum serie aut iniuria hominum prohibente. Qua cognitione si probe instructus fueris, nulla pro-



## P R A E F A T I O.

fecto morbi forma vel dici poterit, vel commemorari vnquam, quin eam animus assidua magnorum medicorum lectione praeparatus, subactus et munitus quasi facile superet.

Digna sunt haec ingenii humani monimenta, quae nullo non tempore legantur, relegantur, et quasi memoriter ediscantur: Dignae sunt res atque placita, quae litteris consignata reliquerunt, scitu atque commemoratione nostra: Digni denique laude omni et gloria ii sunt, qui magno cum labore, diligentia assidua, studioque multo haec omnia hinc inde dispersa in vnum quasi corpus collegerunt, percensuerunt, diiudicarunt, et in vsum medicorum quasi propinarunt.

Contigit ( fateor ) perpaucis esse tam felicibus, vt omnem historiae medicae ambitum emetirentur, atque quaeuis praeclare facta et dicta proponendo ante oculos, magnorum omnis aevi virorum nomina et famam ab oblivione vindicarent. Videtur ergo nec spernenda illorum diligentia, qui singulas praeclari huius operis partes sibi sumunt pertractandas, modo in indagando et inquirendo nihil vel auctoritati, vel praeiudicatae opinioni dent. Immo vero si dicendum, quod res est, illis certe anteferendi sine dubio sunt, quippe sine hisce praesidiis prius quasque solitariis perfecta historia medicinae nulla est. Elaborandum in hac illaue parte prius est sedulo, et tunc demum velim magnus aliquis vir existat, qui, spretis tot improbi laboris fastidiis, posthabitaque maleuolorum hominum invidia, vltimam manum atque limam operi toti admo-



## P R A E F A T I O.

admoueat. Id quod vt breui accidat, et in artis nostrae commodum eueniat, ex animo opto.

Interea vero ne plane otiosus videar aut utilitatis publicae minus curiosus, ea me incessit lubido, vt, quae passim in legendo meo HIPPOCRATE animaduenteram, et ab magnis viris illustrique loco positis intellexeram aut prorsus negligi, aut ex praeiudicata saltem opinione diuinique senis auctoritate explicari, ea sua quaeque luce collustrarem. Est ex hoc genere, ni fallor, magna illa quaestio, *Aegyptii et HIPPOCRATES Cūs corpora humana insecuerint, nec ne.*

Qua de re cum nuper in censura Hippocratica <sup>d)</sup> meam qualemcunque sententiam obiter declarassem, factum est, vt multi, iique auctoritatis et doctrinae haud contemnendae viri, hanc diuini HIPPOCRATIS manibus illatam iniuriam male ferrent, maximeque omnium philologus quidam Gottingensis <sup>e)</sup>, qui SCHNEIDERVS esse dicitur, stud. et seminarii philologici sodalis, idemque ille, qui nuper quaedam in *Anacreonta* magno cum contemptu aliorum, in primisque PAWII, scripsit. Poterat enim ille ac iure suo debebat censurae nostrae maculas detergere atque diluere, modo verae essent, nec inuidiosius prolatae. Poterat HIPPOCRATIS et Aegyptiorum anatomen defendere, modo suis argumentis non destitueretur.

Sed profecto idem illud est, in quo non satis sibi cauit, eaque re sola demonstrauit, se in

\*\*

3

histo-

d) Cens. Libror. Hipp. c. III. §. 57. p. 184.

e) Philolog. Biblioth. Band L. Stück VIII. n. 3. p. 417. seq.



## P R A E F A T I O.

historia medicinae veterumque medicorum lectione hospitem ac peregrinum esse. Qui si nobis cognitionem sermonis graeci permediocrem, linguam balbutientem, aetatis iuuenilis leuitatem et inconstantiam, librorum bonorum penuriam, et id genus alia, exprobrasset, nihil profecto fecisset, nisi quod dudum et ipsi praelenseramus, et professi eramus publice. Etenim, vt bene HORATIVS<sup>f)</sup>,

*Nec scire fas est omnia,*

nec primitiae semper sunt omnibus numeris absolutae. Age igitur, quot falsa suo ille iudicio admiscuerit, videamus.

Sunt vero, vt paucis vtar, quod HIPPOCRATES HOMERVM *ipsum* mea quidem sententia breuitate superet, atque GALENI<sup>g)</sup> testimonium, quod ego ibidem adduxeram, ille nuspiam extare profiteatur: deinde *voculas atque*

f) Carm. L. IV. Od. IV. v. 22.

g) Sic equidem dixeram ex fide atque auctoritate Galeni, loco ipso infra scripto: quem etsi nunquam inspexit, tamen audacter negandum censuit. Sed vere extat L. De Comate c. 3. p. 196. T. VII. ed. Chart. suntque verba, ni fallor, haec: Οὐ γὰρ ἦν τῶν μακταίως τὰ ὀνόματα ἐπιτιθέντων ἕτος ὁ ἀνὴρ, ἔτ' ἀνοήτως πρόσκατοι τῇ καταφορᾷ τὸ, νωθρὰ, ἔτε φησι, ὥσπερ Ὅμηρος, ὑγρὸν ἔλαιον, καὶ γάλα λευκόν, μηδενὸς ἐνεκα διορισμῶ. καὶ γὰρ πᾶν γάλα λευκόν, καὶ ἔλαιον ὑγρόν· ἀπ' ἐκάστη λέξις καὶ συλλαβὴ πᾶσα πρᾶγμα τι σημαίνει παρ' αὐτῶ. Non enim erat eorum, qui frustra imponunt nomina, vir iste, neque stulte adiacet cataphorae hoc, scilicet, pigra, neque dicit, sicut Homerus, humidum oleum et lac album, nullius determinationis gratia. Etenim omne lac est album, et oleum humidum; sed unumquodque vocabulum et syllaba omnis rem aliquam significat ab eo. En certum et indubitatum SCHNEIDERI iudicium scilicet!



## P R A E F A T I O.

*que res inuidiose in malam partem trahat, et pro arbitrio transponat<sup>h</sup>); carpat praeterea ve-*

\* \*

4

*hemen-*

b) Huius generis sunt, quod ex *Galen*i testimonio *Hippocratem non semper breuem esse* dixeram. Hoc quidem (fateor) verum est; Sed quod eandem ob causam, si qua res bis terue multifariam repetatur, quosdam libros reprobarem, minus est. Diuersas enim et abhorrentes a se inuicem sententias, si quae in illis leguntur, vrgendas iure meo censui. Deinde adhibui nonnunquam vocabulum, *infamis*; id quod eum tam male habuit, nihil vt supra. Sed, pace magni nostri iudicis, non meminit tum, cum haec scriberet, *Horatii*, Carm. L. II. Od. XIV. v. 18. apud quem est, *Danai genus infame*; et L. III. Od. XXVII. v. 45. *infamis iuuenus*. Similiter *Ouidius* Metam. IV. v. 285. *Crocus* — unde sit *infamis*, et L. V. v. 148. *Caelo genitore infamis Agyrtes*. Porro est apud *Terentium* Heaut. Act. V. Sc. IV. v. 14. *flagitiis infamem fieri*, immo vero et apud *Ciceronem* Orat. pro *Cluent.* c. 47. *homines vitiis infames* cet. commemorantur. Quod si de hominibus atque floribus valet, quidni etiam bis terue dici a nobis potuit, *liberatiociniorum multitudine infamis*, quia haec procul ab libris *Hippocratis* magni genuinis abesse iusseram, aut etiam, *libro huic ea inurenda est nota infamiae*, quia cet? Tertio alicubi voc. *uxoris cura et consuetudine* vsus sum ad epistolam aliquam Hippocraticam reprobendam: Id quod delicatulus noster iudex more suo in malam partem interpretatus est. At vero sine dubio iterum oblitus erat, hanc *consuetudinis* vocem in vtramque partem apud Latinos dici, adeoque si vere *Hippocrates* *Dionysio* haec iussit; *Ἐπισκόπα δὲ ὕμνος καὶ τὰ ἐκείνους.* Attamen et illius res inspecta! necesse etiam fuit mea quidem sententia, qui *Dauus sum*, non *Oedipus*, consuetudine mulieris i. e. societate honesta, vteretur. Neque etiam τὸ ἀκόλαστον, quod feminis natura sua inesse dicitur, idque sedulo ressecandum, quam vero vocem nos iterum non satis intellexisse videmur. SCHNEIDERO optimo per graecae linguae inscientiam scilicet, tolli villo modo potest, nisi talis morum inspector atque censor cum muliere viuat. Tandem *Coi* senis *μυθολογῶν*, quod Ionibus est, *ferunt*, *aiunt*, minus perspexisse videor, quoniam haec per *fabulam* explicueram, et more suo,



## P R A E F A T I O.

*ipsum mea quidem sententia postulare videbatur; quod interdum auctorem alicuius libelli Hippocratici et laudarem et simul reprehenderim<sup>1)</sup>; deni-*

*ut Galeni verba huc ex versione adscribamus. Quae-  
nam fuerit Chiaae crepidae forma, inquit ille, non satis  
patet, quoniam neque Hippocratis seculo in usu erat:  
atque idcirco inquit, ad eam formam, quam Chiaae cre-  
pidae habebant, cum potuisset dicere, habent. Constat  
autem infantibus, cum diriguntur, id calceamenti ge-  
nus maxime idoneum esse, quod ad vnguem pedem ex-  
cipit, et carnem non comprimit: Ad quam rem specta-  
ntes, parare nunc idoneum calceamentum poterimus, quam-  
vis cuiusmodi Chiaae crepidae fuerunt, non requiramus.  
Et Text. 12. l. c. Pueri ubi tuto ingredi possunt, calceis  
utantur licet, quos Hippocrates ἀρβύλας appellat. Est  
autem calceamenti genus cauum, quod arte pedem uni-  
versum exquisitè usque ad talos complectitur cet. Deni-  
que de cretico calceamenti genere haec Text. 14. p. 435.  
leguntur. In Asia nostra, et non minus in Creta, nunc  
calceamenta in usu sunt, quae ad medium usque crus  
pertinent, in quibus fissa pellis est multis locis, et ab  
utraque parte, dextra scilicet et sinistra, aequaliter ex-  
tenta: extremis partibus foramina habet, per quae tra-  
iectum lorum partes pellis incisae inter se contrahat. In  
aperto autem est, huiusmodi calceis pedem cum uni-  
versa commissura, quae ad talos est, contineri atque  
adstringi. His autem utantur apud nos venatores po-  
tissimum, cum feras sectantur, quandoquidem in asperis  
atque inaequalibus locis non solum currere, sed saltare  
etiam coguntur. Eadem causa Creteneses ad talium cal-  
ceorum usum impulit ob vastos insulae montes atque  
asperitatem. Haecenus Galenus. Vides ergo, L. B. Fœ-  
sum, an Galenum auctorem potissimum secuti simus.*

- 1) Haec ego de auctore libelli, De Insomn. c. III. §. 36.  
p. 137. ut reliqua taceam, praedicaram, nimirum eum  
fuisse a superstitionis lae alienissimum, omne vero, simul  
adhibuisse ingenii acumen, et ratiocinia haud pauca.  
Prius certe, si quid video, laude omni dignissimum  
est, posterius vero ex scito et sumptione nostra dedecet  
diuinum Hippocratem, qui, Galeno teste, cuncta δει-  
σέματα procul abesse iusserat, adeoque hunc librum re-  
pro-



## P R A E F A T I O.

denique quod vitia operarum<sup>m)</sup>), tanquam inscientiae nostrae documenta, magno cum clamore extollat, et prae ceteris de anatome Hippocrateae me aliter sentire male fert, etsi (ingenue fateor) mea verba vel non intellexit satis, vel saltem intelligere noluit.

Ego enim PAVSANIAE aereamque hominis tabe confecti effigiem, nec non sceletorum apud Aegyptios usum sufficere ad demonstrandam eorum anatomen diserte negavi, aliter ut IO. HENR. SCHVLZIVS<sup>n)</sup>) ceterique historiae

probandum atque tollendum censui. Caue ergo, o carum capitulum! ne in posterum alios indicta causa damnes, aut saltem incautis lectoribus fucum des. Laus enim et reprehensio hic certe locum habere possunt, iudicis vero est, ni fallor, semper verum sectari.

m) Sunt hoc ex genere, ἄρδεν pro ἄρδισθαί, et omnium maxime c. III. §. 58. p. 191. locus ille Homericus, qui libro *De Articul.* legitur, et *Vestiar.* excidit. En nostra verba, ut operarum vitio prodierunt. *Habet hic liber plurima, quae alias occurrunt, similiterque illum de bobus apud Homerum locum*

Καὶ διότι λεπτότατοι βόες τηνικαῦτα,  
*quem etiam L. περὶ ἄρδων memini me legere. Et in not. Hunc etiam versum ab editionibus Homeri exulare cognovimus. Ecquis est, qui hic quaedam deficere non intelligat? Nonne potius, modo rite memini, quae olim descripseram, sic legendum sine dubio est: Similiterque illum apud Homerum locum*

Ὡς δ' ὁπότε ἀσπάσιον ἔαρ ἦλυθε βρυσὶν ἔλιξιν,  
*quem tantum per τό, τε Ὀμήριον, innuit, sic, ut etiam illico hisce verbis progrediatur: Καὶ διότι λεπτότατοι βόες τηνικαῦτα cet. Scanlionem saltem hexametrorum graecorum dudum in schola Gorlicensi, duce ac magistro Geislero meo, didiceram. Neque etiam notula nostra eius opinioni fauet, si quidem haec verba in libro *De Articul.* ne leguntur quidem.*

n) *Histor. Medicin. Per. I. Sect. I. c. III. §. 16. p. 27. maximeque in Spec. Anat. I.*



## P R A E F A T I O.

riae medicae scriptores voluerunt. Quos si legisset magnus ille aduersarius, aut saltem obiter inspexisset, fieri profecto nullo modo poterat, ut in nos tam iniuriosus et inhumanus esse, nobisque adiudicare, quae ne per somnium quidem cogitaueramus. Deinde SCHNEIDERVS nullam temporum rationem habuit, quod HEROPHILVM posterioresque anatomicos testes adduxit ad HIPPOCRATI famam suam vindicandam. Eo enim tempore superstitio hominum non tanta fuit, quantam Coi senis aetate fuisse certo scimus.

In eundem errorem incidit, cum Aegyptiis semper ac vbiuis ad conuiuas admonendos vera mortuorum corpora fuisse adhibita perhibet, atque HERODOTI, PLVTARCHI, DIODORI SICVLII testimoniis vtitur, quae eius opinioni non, nisi ex parte fauent, ut alio loco pluribus demonstraui. HERODOTVS<sup>o</sup>) *saltem* expressis verbis *lignea simulacra* nominat, et DIODORVS SICVLVS<sup>p</sup>) vera corpora *tantum a diuitibus* exposita fuisse auctor est.

Vides ergo, L. B. quae fides tali tamque proletario iudici habenda sit. Ego certe, cum tot tamque duras iniurias legerem, miratus sum iuuenis huius immodestiam dicam, an petulantiam, qui veris falsa, mala bonis adiungenda existimauit, modo ceterorum famam laederet, fucumque daret lectoribus. Venit tunc temporis in mentem illud apud TVLLIVM<sup>q</sup>):

*Nunc*

o) Histor. II. 88. p. 118. ed. Gale. vbi adducit νεκρὸν ἐν σορῶ-  
ξυλινόν cet.

p) Biblioth. I. p. 82. ed. Rhodom.

q) De Orator. III.



## P R A E F A T I O.

*Nunc ad honores adipiscendos et ad rempublicam gerendam (adde, ad iudicis munia obeunda) nudi veniunt atque inermes, nulla cognitione rerum, nulla scientia ornati. Hinc enim factum est, ut voculas iudex noster studiose sectaretur, re non satis, ut fas erat, perspecta, idque, ut cum PETILIO CVRIALI apud TACITVM<sup>r)</sup> loquar, quia apud eum verba plurimum valent, bonaque ac mala non sua natura, sed vocibus aestimantur.*

De reliquo tanto tamque praeclaro iudici gratias habeo et aio, quod me tam duriter admonuit. Cautior enim et in legendo, et credendo factus sum, siquidem CLERICVM et SCHVLZIVM posthaec haud raro falsos deprehendi. Neque desistam, quae demum cunque manca, mutila vel non satis accurata sint, corrigere atque cum HIPPOCRATE meo reliquisque auctoribus denuo conferre, et fortasse senex tandem meliora dabo, quae iuuenis infeliciter aut saltem inuita Minerva, ut huic iudici grauissimo scilicet et perspicacissimo visum est, aggressus fueram. Porro habebit et res medica suas illi nec opinanti gratias, si qua in re illud argumentum, *quod in anatome Aegyptiorum et Hippocratis versatur*, melius atque plenius attingimus. Sin vero aliter, tunc etiam SCHNEIDERVS solus, quantus quantus est, culpandus erit. Qui nisi mecum tam inhumaniter egisset, nunquam profecto ad improbum laborem taediique plenissimum me accinxissem iterum, par-

tim



## P R A E F A T I O.

tim quia facilis in re coniecturali, nec satis definita errandi metus est, partim quia multi sunt in HIPPOCRATIS veneratione nimii, adeoque cum eum corpora humana infecuisse pernegarem, dura quorundam iudicia pertimescenda videbantur.

Quicquid vero iniuriarum subeundum sit, L. B. aut telorum venenatorum excipiendum, animus est nunquam perhorrescere, siquidem, vt apud SENECA M TRAGICVM<sup>s)</sup> est,

*Caelestis ira, quos premit, miseros facit,  
Humana nullos.*

Verum et si quid pro vero habuero argumentis suffultus idoneis, publice profiteri non verebor in posterum, ita tamen, vt nulli a me fiat iniuria, et si forte recedendum a vulgari communique opinione fuerit, amica certe mea erit dissensio. Nunquam enim temere labar ad opinionem falsam, aut aliquid adsciscam, quod vel experientiae, vel disertis auctorum verbis repugnet, aut tandem res comprobabo vel reprehendam incognitas: id quod a viri probi persona cum maxime abhorret.

Collegi certe diligenter omnia, quaecunque in veterum atque recentiorum scriptorum monumentis extare animaduertēram, adeoque si qua firma et satis certa de Aegyptiorum et HIPPOCRATIS Coi anatome videbantur, ea ingēnue protuli et quovis modo corroborauī, probabilia vero et falsa more meo, i. e. non, nisi argumentis idoneis fretus, tollenda et subruenda

s) Hercul. Oet. Act. II. v. 441.



## P R A E F A T I O.

ruenda censui. Neque profecto illud boni fenes, quos maximi facio, male ferrent. *Nam si eos docuisset aliquis <sup>t)</sup>, quam vim habere diceretur nostra opinio, desinerent irasci; ne nobis quidem succenserent, cum didicissent, id tollere nos, quod nusquam esset: quod autem satis esset ipsis, relinquere.*

Similis ratio est, si de mortis genere, quo *Cleopatra regina periit*, quaeritur. Dixi enim hoc de argumento medico, ut medicus, atque studio deditaque opera omittendum putavi, quidquid non presse huc spectare videbatur. Videant ergo iudices, ne, si qua deficiant, statim nos acriter moneant, quasi piaculo sit, tantas tamque praeclaras res obiter attingere, semperque velim meminerint, me, quantum in me erit, superflua et a proposito meo aliena deuiaturum, at vero bene vel male facta non item, modo a vero non abhorreant. Ego enim similiter ut ATTICVS apud CICERONEM <sup>u)</sup>, *intemperantis esse arbitror, scribere, quod occultari velit*, adeoque viri boni esse, quae vere sentiat, suo tempore publice profiteri.

Testes saltem, si opus erat, adduxi locupletissimos, qui quaedam notatu digna de *Cleopatrae* morte memoriae prodiderunt; contuli omnia fideliter, et tandem aspidas solas putavi accusandas. Accedit, quod si qua de venenorum natura nobis succurrebant, ea breuiter ex fide auctorum veterum repetimus. Etenim singula loca hinc inde dispersa colligere, recensere, atque

t) Apud. Cic. Quaest. Acad. IV. 47.

u) Ibid. L. I. r.



## P R A E F A T I O.

que demum iudicare, quae cuiusque veneni vis sit, aut cui potissimum plantarum nostrarum illae respondeant, id nimis alienum a nostro fuit proposito, quia neque Graecorum atque Latinorum rem herbariam scribere placuit, nec voculas ex more quorumdam hominum aucupari. Spero tamen non solum, verum etiam confido, fore, ut in posterum aliqua id genus spicilegia foras dare queam, quae quicquid veteres de cuiusque plantae natura et viribus dixerint, in se complectantur, iisque quasi via pandatur ad materiam medicam, qualis priscorum fuit, feliciter absoluendam. Sed haec haecenus.

Id vnum peruelim, L. B. ut, si quam argumenti mei partem aut leuiter attigerim, aut prorsus a vero deflexisse videar, aequo feras animo. Etenim, ut bene comicus v),


*Tuum est, si quid praeter spem euenit, mihi ignoscere:  
Paruum successit, quod ago: at facio sedulo.*

Ceteros vero, qui quae carpant, vbiuis vident, idque saepe numero, ut aliis multo perspicaciores esse videantur, equidem curare nec volo, nec possum. Nam w)

*Quid cum illis agas, qui neque ius, neque bonum atque  
aequum sciunt?*

*Melius, peius, profit, obsit; nihil vident, nisi quod lubet.*

Quare vale, L. B. mihi que, si tanti tibi videor, fauere perge. Scripsi Ienae cl<sup>o</sup>l<sup>o</sup>cclxxiiii.



## I. DE

v) Ap. Terent. Andria Act. IV. Sc. I. v. 54. sequ.

w) Ibid. Heautont. Act. III. Sc. I. v. 29. seq.



I.  
DE  
AEGYPTIORVM VETERVM  
ANATOME.







I.

DE AEGYPTIORVM VETERVM  
ANATOME.

---



Cogitanti mihi saepenumero prisci aevi felicitatem, qua, quicquid praeclare excogitatum a maioribus est, aut laudabiliter gestum, summis ab iis efferri solet encomiis, quibus antiqua sola placent, venit in mentem subuereri, ne hac in re plus tribuant amor et partium studio, quam per rerum gestarum veritatem liceat, aut argumenti dignitas postulet. Magna sunt (fateor) veterum nationum merita, si ad ista tempora animum appuleris; at vero hodie maximam partem perexigua, nec magni hercle momenti, si tot tantorumque seculorum inuenta, quibus posterius gaudent et tantum non abundant, ad illa bonarum artium doctrinarumque rudimenta et tyrocinia conferas.

Hinc profecto ii, qui haec vndiquaque in compitis atque compluviis crepant, inter pocula ad rauium vsque extollunt, cum in se ipsos viden-



tur iniurii, tum in seculi nostri gloriam omnium maxime inuidi. Bene enim, vt omnia, SENECA<sup>a)</sup>: *Veneror, inquit, inuenta sapientum inuentoresque; Adire, tanquam multorum hereditatem, iuuat: Mihi ista acquisita, mihi laborata sunt. Sed agamus bonum patremfamiliae. Faciamus ampliora, quae accepimus. — Multum adhuc restat operis multumque restabit, nec ulli nato post mille secula praecludetur occasio aliquid adhuc adiiciendi. Sed quorsum isthaec? Vt modum et in laudando et vituperando seruemus, neque praeiudicatarum opinionum lenociniis abrepti huc illuc trahamur, scopulisque imprudenter adhaerescamus.*

Tanta enim, vt hoc vtar, semper fuit et est etiamnum *Aegyptiorum* apud plurimos auctoritas atque veneratio, vt, quicquid nugarum protulit callida sacerdotum cohors et credula quasi per manus tradidit plebecula, magna cum animi laetitia excipiant, ornent, illustrent, atque studio deditaque opera ad posteros propagent. At Aegyptus belli facinoribus fortissimas quasque nationes superauit, et pacis artibus prae caeteris exsplenduit. Scio. Magna in laude apud omnes sunt Aegyptii, *quod genus hominum constat*, auctore A. GELLIO<sup>b)</sup>, *et in artibus reperiendis sollertes extitisse, et in cognitione rerum indaganda sagaces.* Scio. Fuere philosophis graecis auctores atque duces ad litterarum bonarum studia; Scio et illud, neque nego, doctrinae melioris semina ab Aegyptiis repeten-

a) Ep. 64. p. 186. T. II. ed. Lips.

b) Noct. Attic. XI. 18. p. 160. b. ed. Aldin.



petenda esse; id vnum tamen cum HERM. CON-  
RINGIO <sup>c)</sup>) nego et pernego, hanc eorum scientiam  
tantam fuisse, quantam vix et ne vix quidem no-  
stra aetate cogitando adsequi possis. Hoc enim,  
si quid video, veritati reliquisque testibus idoneis  
prorsum repugnat, quicquid contra dicant RIO-  
LANVS <sup>d)</sup>), OLAVS BORRICHIVS <sup>e)</sup>), ceteri-  
que mirificae huius sapientiae admiratores.

Haec enim omnia innituntur aut Aegyptiorum  
sacerdotum narratiunculis, quorum fides quam  
vana sit ac lubrica, vel ex eo licet colligere, quod  
eodem, quo Sinenses, fere modo ad famam ma-  
ioris gloriae consequendam origines gentis suae  
ultra mundi initia extenderint; aut etiam exteris  
debentur hominibus, qui quo rudiores ab his lit-  
teris erant, cum in Aegyptum concederent, eo  
maiori clariorique luce omnia coruscare arbitra-  
bantur, quae per sacerdotum leges cum profa-  
nis communicare licuit. Hinc, teste HOMERO <sup>f)</sup>)  
Aegyptus

Πλεῖστα Φέρει, ζείδωρος ἄρσρα  
Φάρμακα, πολλὰ μὲν ἐσθλὰ μεμιγμένα,  
πολλὰ δὲ λυγρά.

*Fertilis Aegyptus rerum, medicamina mixta,  
Optima multa, simul deterrima plurima, gignit.*

A 3

Hinc

c) Introduct. in Medicin. c. 2. p. 82, ed. Hal. et Hermet.  
Med. c. 2. p. 3. seq. ed. Helmst.

d) Anthropol. I. II. p. 75.

e) De Hermet. Aegypt. et Chem. Sapient. c. 1.

f) Apud Galen. Introduct. c. 1. p. 360. T. II. ed. Chart.



Hinc illae Aegyptiorum in medicina laudes apud PLATONEM<sup>g)</sup> et PLVTARCHVM<sup>h)</sup> praedicantur. At vero si rite memineris, quam curtis cancellis natura ingenium humanum circumsepsit, et quam mancae ac imperfectae sint primae artium disciplinarumque formae, facile conficitur, nec diuinam prorsum esse vniuersam Aegyptiorum sapientiam, omnibusue numeris absolutissimam, nec doctrinae huius partes melius faciliusue, quam hisce nostris temporibus, excultas fuisse.

Quarum in numero prae ceteris est ANATOMIE, quae, dici vix potest, quantopere a multis extollatur, et nihilo tamen secius, si veterum scriptorum monimenta gentisque ipsius superstitionem consulas, ea aut nulla omnino est, aut nobili sane illo doctrinae nomine vix digna. *Osiris* et *Isis*, quanta apud Aegyptios eorumque cultores nomina! Quanta eorum in ciues suos et omnem terrarum orbem merita! Ille enim, pacis artibus clarus, Aegyptios cum maxime terram aratro subigere docuit, TIBVLLO<sup>i)</sup> teste:

*Primus aratra manu sollerti fecit Osiris,*

*Et teneram ferro sollicitauit humum.*

*Primus inexpertae commisit semina terrae,*

*Pomaeque non notis legit ab arboribus.*

*Hic docuit teneram palis adiungere vitem,*

*Hic viridem dura caedere falce comam.*

Huc

g) In Vita Platon. ap. Diogen. Laert. L. III. p. 168. ed. Meibom.

h) L. Brutor. Sollert. p. 974. T. II. ed. Xyl.

i) Carm. I. Eleg. 7. v. 29. sequ. ed. Heyn.



Huc accedit, quod et inuentorum medicinae cor-  
 ryphaeus habeatur, vt PLINIVS <sup>k)</sup>, HIER. MER-  
 CVRIALIS <sup>l)</sup> alique litteris consignatum relique-  
 runt, et apud THEONEM <sup>m)</sup> πρεσβύτατος βα-  
 σιλεὺς πάντων Ὀσιρις appelletur. Sed de hac  
 medicinae gloria quantopere olim decertarint na-  
 tiones veteres, optime norunt ii, qui eorum mo-  
 nimenta diurna nocturnaue manu versant. Hinc  
 fortasse fieri potuit, vt apud PLVTARCHVM <sup>n)</sup>  
 μέγας βασιλεὺς ἐυεργέτης Ὀσιρις, nec non  
 alio loco ἀγαθόποιος nominaretur, etsi, si di-  
 cendum, quod res est, hoc nomen potius a  
 bene merendi studio ductum videatur, quam a  
 medendo, quippe, auctore DIODORO SICV-  
 LO <sup>o)</sup>, multa πρὸς εὐεργεσίαν τῷ κοινῷ βίη  
 fecerat.

Idem illud de *Ifide* valere videtur, quae ex  
 poetae mente

*Prima dedit fruges alimentaque mitia terris;*

*Prima dedit leges,*

eaque medicinae, et in primis anatomes cogni-  
 tione gauisa credebatur, vt etiam per quietem mi-  
 seris aegris adesset, et quamcunque corporis labem  
 insanabilem feliciter tolleret. Sic enim DIODORVS

A 4

SICV-

k) Hist. Nat. VII. 56.

l) Var. Lect. II. 18. p. 47.

m) L. de Musica c. 47.

n) L. De *Ifide* et *Osirid.* p. 355. T. II. ed. *Xyl.*

o) Biblioth. L. I. p. 13. T. I. ed. *Rhodom.*

SICVLVS P): Φασὶ δ' Αἰγύπτιοι τὴν Ἰσιν  
 Φαρμάκων τε πολλῶν πρὸς ὑγίαν εὐρέτην γε-  
 γονέναι, καὶ τῆς ἱατρικῆς ἐπισήμης μεγάλην  
 ἔχειν ἐμπειρίαν, καὶ τὸ σύνολον πολλὰ μηχαν-  
 νήσασθαι. διὸ καὶ νῦν τυχεῖσαν ἀθανασίας ἐπὶ  
 ταῖς θεραπαίαις τῶν ἀνθρώπων μάλιστα χαί-  
 ρειν, καὶ κατὰ τὰς ὕμνης τοῖς ἀξιῶσι διδόναι  
 βοηθήματα, Φανερώς ἐπιδεικνυμένην τὴν τε  
 ἰδίαν ἐπιφάνειαν, καὶ τὸ πρὸς τὰς δεομένους  
 τῶν ἀνθρώπων εὐεργετικόν — κατὰ γὰρ τὰς  
 ὕπνης ἐφισαμένην διδόναι τοῖς κάμνουσι βοηθή-  
 ματα πρὸς τὰς νόσους, καὶ τὰς ὑπακέσαντας  
 αὐτῇ παραδόξως ὑγιάζεσθαι καὶ πολλὰς μὲν  
 ὑπὸ τῶν ἱατρῶν διὰ τὴν δυσκολίαν τῶν νοση-  
 μάτων ἀνελπιδέντας, ὑπὸ ταύτης σώζεσθαι,  
 συχνὰς δὲ παντελῶς πηρωθέντας τὰς ὁράσεις  
 ἥτινα τῶν ἄλλων μερῶν τῆς σώματος, ὅταν  
 πρὸς ταύτην τὴν θεὸν καταφεύγωσιν, εἰς τὴν  
 προὔπάρξασαν ἀποκαθίστασθαι τάξιν. *Isin mul-  
 ta sanitati hominum pharmaca inuenisse Aegyptii tra-  
 dunt, utpote quae scientiae medicae fuerit peritissima,  
 adeoque multa sollerter excogitasse. Quam ob causam  
 nunc quoque ad immortalitatem elata, sanatione homi-  
 num maxime gaudeat, et in somnis, si quis opem  
 expetierit, manifestam numinis praesentiam promptam-  
 que indigentibus bene merendi facultatem exhibeat. In  
 somnis enim adstantem aegrotis remedia contra morbos  
 subiicere, eique morem gerentes nec opinato conualescere.  
 Multos etiam a medicis propter morbi difficultatem de-*  
 spera-

p) L. c. p. 22. cf. De Iside, eiusque sacerdotibus *Caelius Rhodigin. Lect. Antiqu. Ill. 12. p. 125. ed. Ald.*



*speratos ab hac salutem accipere, plurimosque oculis prorsum captos aut alia corporis parte mutilatos, si ad deae huius opem confugerint, in pristini vigoris integritatem restitui. Hinc IUVENALIS <sup>q)</sup> more suo, i. e. lepide ac perbelle;*

*Decernat, quodcunque volet, de corpore nostro*

*Isis, et irato feriat mea lumina fistro.*

*Dummodo vel caecus teneam, quos abnego, numos.*

*Et phthisis, et vomicae putres, et dimidium crus.*

*Sunt tanti?*

Hinc tot, PLATONE <sup>r)</sup> teste, carmina *Isidis* nomine insignita; Hinc tot tamque memorabiles apud IAC. SPONIVM <sup>s)</sup>, THOM. REINESIVM <sup>t)</sup>, GRVTERVM <sup>tt)</sup>, aliosque inscriptiones in deae huius honorem ab aegris prolatae; Hinc tanta tabularum votiuarum multitudo, quas omnium optime his verbis TIBVLLVS <sup>u)</sup> expressit:

*Nunc, dea, nunc succurre mihi! Nam posse mederi*

*Picta docet templis multa tabella tuis.*

Hinc varia apud veteres medicamenta *Isidis* nomine famosa, quale illud emplastrum est, cuius

A 5

passim

q) Sat. XIII. v. 92. seq.

r) L. De Legib. II. p. 652. T. II. ed. Steph.

s) Itinerar. T. I. p. 97. ed. germ.

t) Syntagm. Inscript. Antiqu. Cl. I. Inscr. 132. sequ. p. 167. sequ. ubi plures id genus inscriptiones leguntur.

tt) Inscript. Antiqu. c. I. p. 82. ed. Commel.

u) Carm. I. El. 3. v. 27. sequ. p. 15. ed. Heyn.

passim SCRIBONIVS LARGVS <sup>v)</sup>, GALENVS <sup>w)</sup>, AETIVS <sup>x)</sup>, PAVLLVS <sup>y)</sup>, meminerunt. Hinc denique ei pars *Sueuorum sacrificasse* apud TACITVM <sup>z)</sup> dicitur, confirmavitque illud CL. SCHWABE <sup>a)</sup> non ita pridem plurimis, etsi, vt in rebus fieri solet coniecturalibus, SCHIRACHIVS <sup>b)</sup> in quamvis aliam sententiam ingressus est. Sed hac in re, ni totus fallor, omnem dubitandi materiam ea, qua solet, doctrinae copia suetisque dicendi veneribus sustulit TRILLERVS <sup>bb)</sup> venerabilis, atque simul bene docuit viam et rationem, qua haec *Isidis* religio ex diffitissimis locis atque regionibus ad Germanos aut peruenerit, aut saltem peruenire potuerit.

Nihil iam attinet multa de *Harpocrate* ac *Mercurio Trismegisto* dicere, quorum in humanum genus merita tantis inuoluuntur tenebris, vt non,  
nisi

v) Compos. Medicam. c. 76. p. 228. Coll. Steph.

w) Method. Medend. VI. 6. p. 153. et Meth. Med. ad *Glaucon*. II. 10. p. 385. T. X. ed. Chart. L. Compos. Medicam. per Gen. III. 2. p. 712. et iterum L. V. 2. p. 773. At vero formulae eius descriptio plenior. L. cit. c. 3. p. 780. T. XIII.

x) Tetrabl. III. Serm. I. 45. p. 497. et iterum Tetrabl. III. Serm. III. 12. p. 747. Coll. Steph.

y) L. De Re Medic. VII. 17. p. 677. Coll. cit. cf. Sueton. in *Vespas.* c. 7. vbi similia de *Serapide* per quietem visa adferuntur.

z) L. De Situ et Morib. Germ. c. 8.

a) Comment. De Moniment. quibusd. Sepulcral. Sachsenb. p. 90. sequ.

b) In Act. Litterar. Klotz. Vol. II. P. II. p. 191.

bb) De *Iside*, Dea salutari, et medicis sacra, olim ap. Sueuos religiose culta, v. in Opuscul. T. II. p. 341. sequ.



nisi hoc pateſcat, fuiſſe eos viros magnae aucto-  
ritatis, meritorum laude conſpicuos, et in me-  
dendi forſitan arte haud inglorios, eamque ob rem  
digniſſimos prae ceteris habitos, qui in deorum  
numero ponerentur.

Sed mehercle, tantum abeſt, vt iis, quos  
adhuc commemorauimus, magnam medicinae ac  
anatomies gloriam velim attribui, vt etiam hanc  
prae ceteris circumſcribendam cancellis ſuis per-  
exiguus, et tantum non ſacerdotum commentis ac-  
ceptam ferendam eſſe exiſtimem. Nam, auctore  
MARCO PALINGENIO <sup>bb)</sup>,

*Sacerdotum qualis ſit vita modusque  
Fallendi ſtultos, quis non videt? —*

Omnis enim Aegyptiorum medicina ex ISO CRA-  
TIS <sup>c)</sup> iudicio inuentio et excogitatio ſacerdotum  
fuit, et ſolam ſine dubio ſpectauit victus rationem.  
Hinc forte ii, qui apud STRABONEM <sup>d)</sup> *συγγρα-  
φοντες τὰς θεραπείας* dicuntur, non, niſi ob-  
uias in fanis ſanationes collegiſſe videntur. Fac  
vero, habuiſſe eos quandam artis ſcientiam, mi-  
ſera illa et lacera fuerit neceſſe eſt, quippe apud  
eos nefas fuit formis mali variis variam medicinam  
adhibere, ſed omnia, vt auctor eſt ARISTOTE-  
LES <sup>e)</sup>, *κατὰ γράμματα* fieri oportuit, aut  
vt

bb) In Zodiac. Vit. Sagittar. v. 617. ſequ.

c) In *Busirid.* p. 535. ed. *Wolf.* vbi plura ad hanc rem  
pertinentia referuntur.

d) *Geograph.* XVII. p. 801. ed. *Xyl.*

e) *Polit.* III. 2. p. 467. T. III. ed. *Du Vall.*



vt apud DIODORVM SICVLVM <sup>f)</sup> dicitur, κατὰ ἔγγραφον νόμον. Huc accedit, quod ipsi, teste ARISTOTELE, lege prohibebantur, post quartum morbi diem aliquid mouere, nisi vellent capitis periculum incurrere. Ex quo instituto non potuit non fieri, vt Aegyptiae medicinae conditio post multa secula eadem, quae olim, esse videretur, nec tantis mehercule digna encomiis, vt multis recentiorum videbatur. Nam vbi aut nulla, aut superstitiosa saltem medicina est, ibi mortuorum viscerationibus locus nullus esse potest.

HERODOTVS <sup>g)</sup> enim, cum quaeuis Aegyptiorum inuenta particulatim recensuisset, omnem disseccandorum corporum rationem prorsus neglexit, quid? quod eodem ipso loco, quo singulos sacerdotum ordines descripserat, anatomicorum ne meminit quidem. Ἡ δὲ ἰητρικὴ, inquit, κατὰ τὰδε σφὶ δέδασα. μίης ὀκτὼ ἑκάστος ἰητρός ἐστὶ, καὶ τὸ πλείονων. πάντα δ' ἰητρῶν ἐστὶ πλέα. οἱ μὲν γὰρ ὀφθαλμῶν ἰητροὶ κατεσεάσι, οἱ δὲ κεφαλῆς, οἱ δὲ ὀδόντων, οἱ δὲ κατὰ νηδὺν, οἱ δὲ ἀφανέων νόσων. *Medicina apud eos sic distributa est, vt morborum singulorum singuli sint medici, neque plurium. Sunt autem omnia medicis refertissima. Alii enim oculorum medici sunt, alii capitis, alii dentium, alii alui reliquarumque partium, alii denique occultorum morborum. Quare cum nulli apud eos essent, qui in anatomen praeteris*

f) Bibl. II, p. 74, T. I, ed. Rhod.

g) Histor. II. 4. p. 91, ed. Gale. et II. 84. p. 120.



ceteris incumberent, bone deus! qualis tunc temporis esse potuit huius disciplinae facies! Misera sane illa, manca, paeneque nulla fuit.

At vero, inquiunt, inter *Mercurii* libros etiam quidam *περὶ τῆς τῷ σώματος παρασκευῆς, περὶ νόσων, περὶ ὀργάνων καὶ Φαρμάκων, περὶ ὀφθαλμῶν, περὶ τῶν γυναικείων* (*de corporis constructione, morbis, instrumentis et remediis, oculis mulierumque morbis*) commemorantur a CLEMENTE ALEXANDRINO <sup>h</sup>). Recte. Sed est ille testis multo aetate recentior, quam ut fide anteferendus videatur HERODOTO, et haec omnia ex aliorum auctoritate litteris retulit, quae haud raro lubrica est, et ex fabulosis quibusdam libris repetita. Neque enim hi *Mercurii* vere sunt, neque tantis laudibus digni, cum et nugarum crepundiis pleni sint, et sesquipedalia verba blaterent, eodem fere modo, ut ii, qui *περὶ χρυσοποιίας* agunt, ac DEMOCRITI, ZOSIMI, STEPHANI aliorumque nomine vulgo circumferuntur. Horum in partem aliquam ferreis sepibus tripliciter conditam, ne quid detrimenti caperent aut profanis oculis polluerentur cum nuper, vel inuito custode, incidissem, omnia inueni ipsulsis deliramentis refertissima sic, ut temporis male collocati prorsum me poeniteret. Sed haec obiter.

Restant enim alia, quibus omnis Aegyptiorum *anatomes* vis atque auctoritas tollitur. Nam reputanti mihi eorum consuetudinem, qui gentis huius

<sup>h</sup>) Stromat. VI. p. 457. ed. Lugd. 1616.



huius patroni acerrimique propugnatores extitere, iure meo succensere atque stomachari posse videor, quod in explicandis illis artibus suae opinionioni omnia dederint, caerimoniis sacris et naturae rei nihil. Perspectum enim atque cognitum cuique veterum scriptorum studioso esse censeo, *abstinuisse* priscos homines cum maxime ab ipsis *extispiciis*, atque frugibus auerruncasse deorum iram. Ita enim OVIDIVS <sup>i)</sup>:

*Ante deos hominis quod conciliare valeret,  
Far erat et puri lucida mica salis! —  
Hic, qui nunc aperit percussi viscera tauri,  
In sacris nullum culter habebat opus.*

Nec ab ea sententia alienus est MACROBIUS <sup>k)</sup>; *Nunquam fas fuit Aegyptiis, inquit, pecudibus aut sanguine, sed precibus et thure solo placare deos. Constat praeterea inter omnes, Aegyptios omnium gentium, si quam aliam, fuisse superstitioni longe deditissimos, eoque processisse dementiae, ut quamcunque fere bestiam sacram facerent. Quarum in numero eminent feles <sup>kk)</sup>, canes <sup>l)</sup>, ichneutae, ibis, ursi, accipitres, et ex aquaticis τὸ λεπίδωτὸν, quae omnes omnino Aegyptii <sup>m)</sup> coluerunt, at*  
vero

i) Fastor. I. v. 337.

k) Saturnal. L. I. 7. p. 203. ed. Lugd.

kk) Strab. Geogr. XVII. p. 812. ed. Xyl. Herodot. II. 66. p. 115. ed. Gal. Diod. Sic. Bibl. I. p. 74. ed. Steph. immo vero p. 75. adhuc Ptolemaei tempore miles romanus, qui felem sacrum interfecerat, morte mulctatus fuisse dicitur.

l) Herod. l. c. cap. 67. p. 115. Strab. l. c.

m) Strabo l. c.



vero crocodilum, equos fluuiales <sup>n)</sup>, serpentes, lupos, oues, aquilam, leonem, cet. singuli in singulis prouinciis <sup>o)</sup> violare ausi non sunt; capram denique ac hircum prae ceteris Mendefii magni habuerunt. Hinc facete PINDARVS apud STRABONEM <sup>p)</sup>:

Μένδητα παρὰ κρημνὸν θαλάσσης ἔσχατον,  
Νείλῃ κέρας, αἰγίβατοι ὅθι τράγοι γύναιξι  
μίσγονται.

*Mendetis ad vicina mari praecipitia  
Cornuque Nili extremum, qua salax caprae  
Maritus humanam audet inire feminam.*

Quare non illepide hanc gentem sic risit IUVENALIS <sup>pp)</sup>:

Quis nescit, — qualia demens  
Aegyptus portenta colat? Crocodilon adorat  
Pars haec; illa pauet saturam serpentibus Ibim.  
Effigies sacri nitet aurea cercopitheci,  
Dimidio magicae resonant ubi Memnone chordae,  
Atque vetus Thebe centum iacet obruta portis.  
Illic caeruleos, hic pisces fluminis, illic  
Oppida tota canem venerantur, nemo Dianam.  
Porrum et cepe nefas violare ac frangere morsu.  
O sanctas gentes, quibus haec nascuntur in hortis  
Numina! Lanatis animalibus abstinet omnis  
Mensa. Nefas illic fetum iugulare capellae.  
Neque

n) Herod. l. c. c. 69. p. 116. sequ. et Strab. l. c. p. 811.

o) Strabo l. c.

p) Ap. Strab. l. c. p. 802.

pp) Satyr. XV. v. 1. sequ.

Neque abſimiliter reique oppoſite hanc Aegyptio-  
rum ſuperſtitionem deteſtandam cenſuit SEDV-  
LIVS q) Presbyter:

*Quis furor eſt, quae tanta animos dementia ludit,  
Vt volucrem, turpemque bouem, tortumque draconem,  
Semihominemque canem ſupplex homo pronus  
adoret? —*

*Arboreis alius ponit radicibus aras,  
Inſtituitque dapes, et ramos flebilis orat,  
Vt natos caramque domum, dilectaue rura,  
Coniugisque fidem, famulos, cenſumque gubernent. —  
Nonnulli venerantur olus, mollesque per hortos  
Numina ſicca rigant, verique hac arte videntur  
Transplantatorum cultores eſſe deorum. —*

Erant vero haec bruta animantia ea in venera-  
tione, vt, ſi quis iſtorum aliquod occiderit, ca-  
pitis poena mulctaretur, teſte HERODOTO qq):  
Τὸ δ' ἂν τις τῶν θηρίων τέτων ἀποκτείνῃ, ἢν  
μὲν ἐκὼν, θάνατος ἢ ζυμὴν ἢν δὲ ἀέκων,  
ἀποτίνειν ζυμὴν τὴν ἂν οἱ ἰσέες τάξωνται.  
ὅς δ' ἂν ἰβιν ἢ ἰσηκα ἀποκτείνῃ, ἢν τε ἐκὼν,  
ἢν τε ἀέκων, τεθνάναι ἀνάγκη. Quarum ſi  
quisquam necauerit, ſi volens, morte mulctatur. Sin  
nolens, plectitur ea multa, quam ſacerdotes ſtatuerint.  
Quisquis tamen Ibin aut accipitrem necauerit, ſiue vo-  
lens, ſiue nolens, neceſſario morte afficitur. Quod ſi  
igitur piaculo fuit, has beſtias interficere, ſiue id  
fiat

q) Mirabil. Divin. L. I. v. 229. ſequ. Collect. Londin.

qq) Hiſt. II. 65. p. 115.



fiat pro arbitrato, siue inuitis nobis, multo minus id per leges sacras in humanis corporibus fieri potuit, quibus quanta a priscis hominibus sanctitas attributa sit, fugere, puto, neminem.

Quare etsi quidam apud STRABONEM <sup>r)</sup> sacerdotes, cum omnes Aegyptios in milites, colonos et sacerdotes distribui conscriberet, dicuntur ἐπιμεληταὶ τῶν περὶ τὸν ἄνθρωπον, tamen id non, nisi de obuiis quibusque valetudinis aduersae generibus, iisque κατὰ γράμματα medendis, poterit intelligi. Immo vero horum ipsorum sacerdotum alii, auctore SEXTO EMPIRICO <sup>s)</sup>, abstinerunt prorsum ab animalium capite, alii scapulam pedesque auersati sunt, alii, vt *Isidis* sacerdotes, carnis ouinae esum penitus damnarunt. Καθαροὶ γὰρ, inquit PLATO apud PLUTARCHVM <sup>t)</sup>, ὁ θεμιτὸν ἀπτεσθαι μὴ καθαῶ. περισσωμα δὲ τροφῆς καὶ σκύβαλον ὃδὲν ἄγνόν, ὃδὲ καθαρόν ἐστι. Ex quo intelligitur, nisi me omnia fallunt, multo magis id genus homines, qui his mysteriis initiati credebantur, secandorum corporum humanorum studium negligere omnino oportuisse, quippe anatome nec sine membrorum laceratione vlla est, nec sine sanguinis sordiumque effusione fieri potest.

Ad

r) Geogr. XVII. p. 787. ed. Xyl.

s) Hypotyp. Pyrrh. III. p. 156. ed. Genev.

t) L. De *Isid.* et *Osirid.* p. 352. sequ. T. II. ed. Xyl. Ibidem sacerdotes etiam dicuntur abstinerere a leguminibus, carne suilla, piscibus quibusdam cet. omniaque cibaria sine sale sumere,

Ad subruendam vero hanc de Aegyptiorum anatome sententiam plurimum, si quid video, valet ille veterum nationum ritus, quo *mortuos attingere nefas* existimabatur. Consentiunt hac in re et recentiores quicunque scriptores, et HERODOTVS <sup>u)</sup> maxime: 'Ουδὲ ψάύσαι ἔξεσι, inquit, αὐτῶν ἄλλον ἑδέναι, ἕτε τῶν προσηκόντων, ἕτε τῶν φίλων, ἀλλὰ μὲν οἱ ἰσέες αὐτοὶ οἱ τῶ Νείλῳ, ἅτε πλέον τι ἢ ἄνθρωπον νεκρὸν χειραπτάζοντες θάπτουσι. Quem ne contingere quidem fas est alteri aut proximorum, aut amicorum, nisi ipsis Nili sacerdotibus, utpote maius quiddam, quam hominem mortuum tractantibus ad sepeliendum. Fuit HERODOTVS αὐτόπτης mysteriisque his initiatus, adeoque fide dignissimus. Hinc cum ista maiorum instituta apud Aegyptios nunquam videantur fuisse violata, ecquod mirum est, si multis seculis post PORPHYRIVS et IAMBlichVS eadem litteris prodiderunt? PORPHYRIVS <sup>v)</sup> enim haec de sacerdotibus Aegyptiis habet: Καὶ νεκρῶ μὲν ἀθιγῇ δαῖν εἶναι τὸν ἐπόπτην. διὰ νεκρῶν δὲ τὰ πολλὰ ζώων αἱ διακωνίαι ἐκτελεῖνται. Ac mortuum quidem ab sacrorum suorum inspectores tangi nefas esse statuunt, caesis tamen victimis deorum euocationes partem maximam peragunt. Cuius iniurias cum IAMBlichVS <sup>w)</sup> vellet retundere, bene eleganterque illam caerimoniam multis explicat: Ἐτι τοίνυν τῶν μὲν ἀνθρώπων

u) Hist. II. 90. p. 121. ed. Gal.

v) In Epist. ad Anebon. Aeg. praemissa Iamblichō ed. Gale.

w) L. De Myster. Sect. VI. 1. p. 144.



ἀνδρωπέων σωμάτων ἐπειδὴν ἀπολείπη αὐτὰ ἢ ψυχὴν, ἔκ ἐξεσι θιγγάνειν. τῆς γὰρ θείας ζωῆς ἰχνός τι εἶδωλον ἢ ἔμφασις ἐναποσβέννυται ἐν τῷ σώματι κατὰ τὸ θάνατον. τῶν δὲ ἄλλων ζώων ἔκ ἐτι ἀνόσιον ἄπτεσθαι τεθνηκότων. ἐπειδὴ ἔδὲ κεκωνωνήκασι τῆς θείας ζωῆς. Ἔσι τοίνυν πρὸς ἄλλας μὲν τὸ ἀναΦῆς οἰκεῖον, οἷον τὰς ὕλης καθαρὰς θεάς. Praeterea corpora humana postquam ea deseruerit vita, non licet tangere. Nam in nostro corpore extinguitur per mortem diuinæ vitæ strictura, repræsentatio, apparitio. Cetera vero animalium corpora, postquam mortua sunt, attingere non est nefas, quoniam vitam diuinam nequaquam participabant. Accedit et illud, is cultus nonnullis diis est maxime accommodatus, ne quid morticini tangamus, iis scilicet, qui ab omni materia puri sunt.

Sed vt eo melius patefcat, humana corpora sacra fuisse omnisque lacerationis expertia, liceat nobis etiam hunc locum \*) adducere: Ἀνθρώποις μὲν γὰρ ἐν ὕλῃ κατεχομένοις τὰ ἐσερημένα τῆς ζωῆς σώματα φέρει τινα κηλίδα, διότι τὸ μὴ ζῶον ζῶντι, ὥπερ τῷ καθαρῷ τὸ ῥυπαρὸν, καὶ τὸ ἐν ἔξει τὸ ἐν σερήσει μολυσμὸν τινα ἐντίθησιν. καὶ διότι τῷ μὴ δύνάμιν ἔχοντι τὸ ἀποθνήσκειν ἐμποιεῖ τινα μολυσμὸν διὰ τὴν φυσικὴν τὸ χεῖρον, πρὸς αὐτὸ ἐπιτηδειότητα. Corpora vita cessa contaminant homines in materia detentos, quoniam non viuens viuenti maculam quandam inurit, quemadmodum puro impurum, et habitui eius priuatio nocet. Et quoniam, quod iam mor-

B 2

tuum

\*) L. cit. c. 2. p. 145.



*tuum est, illud quasi inficit per naturalem eo tendentiam, quod habet in se moriendi potentiam. Similiter etiam sensit EURIPIDES y):*

Τὰ τῆς θεᾶς δὲ μέμφομαι σοφίσματα,  
 Ἦτις βροτῶν μὲν εἴ τις ἄψηται φόνος,  
 Ἦδε λοχείας, ἢ νεκρῶς δίγῃ χεροῖν,  
 Βωμῶν ἀπείργει μυσαρὸν ὥς ἡγυμένη.  
 Ἀυτὴ δὲ θυσίας ἤδετα βροτοκτόνοισι.

*Deae vero damno vaframenta,  
 Quae si quis quidem mortalium patrarit caedem,  
 Aut etiam partum, aut cadauera attigerit manu,  
 Eum arcet ab ara, ut impurum existimans.  
 Ipsa vero delectatur humanis hostiis.*

Videtur hac in re (fateor) IAMBlichVS sapere PYTHAGORAE doctrinam et recentior esse, quam ut eius testimonio tuto possis insistere; Sed quicunque hanc auctoritatem temere spernunt, ii et male causae suae consulunt, et se, incredibile, quantum dant turpiter. Constat enim inter omnes, Aegyptios non ex PYTHAGORAE schola prodiisse, sed philosophum hunc potius, quicquid de animorum migratione abstinentiaque ab animalium brutorum carnibus habet, a sacerdotibus istis edoctum fuisse, adeoque non possum non exinde colligere, aut miseram sane et imperfectam Aegyptiorum anatomen fuisse, aut sane, modo hoc

y) In *Iphigen. in Taur.* v. *Iambli. Sect. VI. 1.* p. 282. ed. Gale.



hoc placitum rite intelligam, ne vllam quidem. Quicquid enim attingere, aut, vt de Gallis LV-  
CIANVS <sup>z)</sup> ac de Romanis DIO CASSIVS <sup>a)</sup>  
memoriae prodiderunt, ne adspicere quidem per  
leges sacras licuit, multo minus lacerationibus ob-  
noxium esse potest.

Fac vero, anatomen illam in artis formam  
nihilo secius redigi potuisse, nunquam mehercle  
faciet profectus laetiores, nisi gens illa desinat per  
*superstitionem* delirare. Dici enim vix potest,  
quantum detrimenti ex hac peruersa opinione vel  
apud ipsos christianae doctrinae adseclas ceperit  
res medica. Patres enim, relictis pristinis deo-  
rum sacris, religioni sibi ducebant, cadauera cul-  
tro subiicere, ac TERTVLLIANVS <sup>b)</sup> ipsum  
HEROPHILVM, *quem sexcentos exsecuisse* ait, vt  
*naturam scrutaretur*, lanium per contemptum appel-  
lare haud erubescit. Tam late vero patuit pesti-  
fer ille error, vt ne hodie quidem ab hac sentien-  
di ratione prorsum immunes sint nostri homines,  
quibus haud raro turpe putatur, in propinquorum  
visceribus morborum sedes mortisque causam in-  
vestigare. Quae superstitio cum tam altas radices  
egerit, vt nec dum penitus euelli funditusque ex-  
stirpari possit, quid, quaeso, mirum, si penes  
Aegyptios in isto disciplinarum crepusculo nulla  
prorsus fuit anatome?

B 3

Neque

z) L. De Dea Syr. p. 1075. ed. Bourdel.

a) Rom. Hist. L. 54. p. 332. et L. 56. p. 361. ed. Xyl.

b) L. De Anima, c. 10. p. 481. T. I. ed. Pam.

Neque istorum *pollincturam* contra adferri in argumenti fidem velim, cum, quae inde scientia anatomica videatur repetenda, nusquam videam. Primum enim ille *mortuorum sepeliendorum mos* incredibiliter apud veteres gentes discrepare solet. Graeci enim, vt LVCIANVS <sup>c)</sup> auctor est, cadauera flammis dare, Persae humo condere, Indi suillo adipe imbuere, Scythae deuorare, Aegyptii <sup>d)</sup> muria condire; Aethiopes denique, STRABONE <sup>e)</sup> teste, mortuos in flammis proiicere, alii domi retinere, suillo adipe ceraque circumlitos, alii eos fictilibus loculis terrae circa sacra loca committere, apud eos iurare, eosque sanctissimos putare solebant, alii iterum aliter, id quod more suo sic expresserat SILIVS ITALICVS <sup>ee)</sup>:

*Haud ulla ante tuam, quanquam non parua fatigent,  
Curarum prior exstiterit. Namque ista per omnes  
Discrimen seruat populos, variatque iacentum  
Exsequias, tumuli et cinerum sententia discors.  
Tellure (ut perhibent) is mos antiquus Ibera  
Exanima obscoenus consumit corpora vultur:  
Regia cum lucem posuerunt membra, probatum est  
Hyrcanis, adhibere canes: Aegyptia tellus*

*Clau-*

c) L. De Luctu p. 794. T. I. cf. similem Romanorum consuetudinem ap. Tacit. Annal. XVI. 6.

d) Tacit. Hist. V. 5.

e) Geograph. XVII. p. 822. ed. Xyl. cf. Sext. Empir. Pyrrh. Hypoth. III. p. 156. ed. Gen. Cic. Quaes. Tuscul. I. 45. et, si placet, S. Hieronymum aduers. Iouian. II. 6. p. 364. T. II. ed. Paris.

ee) De Bello Punico Sec. L. XIII. 467. seq.



*Claudit odorato post funus stantia saxo  
Corpora, et a mensis exsanguem haud separat  
umbram.*

*Exhausto instituit Pontus vacuare cerebro  
Ora virum, et longum myrrhata reponit in aeuum.  
Quid qui reclusa nudos Garamantes arena  
Infodiunt? Quid qui saeuo sepelire profundo  
Exanimis mandant Lybicus Nasamones in oris?  
At Celtæ vacui capitis circumdare gaudent  
Ossa (nefas) auro, et mensis ea pocula seruant,  
Cecropidae ob patriam Mauortis sorte peremptos  
Decreuere simul communibus urere flammis.  
At gente in Scythica suffixa cadauera truncis  
Lenta dies sepelit, putri liquentiâ tabo.*

Quae cadauerum condiendorum ratio etsi apud gentes varias varia vsu venit, tamen factum fato, nescio, quo est, vt Aegyptii prae ceteris hac de re apud omnes essent clarissimi, et anatomes scientia haud contemnenda gaudere crederentur. Nec mehercule iniuria, si tantas laudes eorum pollinctura meretur, vt GALENO<sup>f)</sup>, aut quisquis introductionis auctor est, reliquisque huius sententiae patronis videtur. Versabatur vero haec ars in humanorum cadauerum, ceterarumque sacrarum bestiarum conditura, hereditatisque iure quasi a patre ad filium dimanabat, vt DIODORVS SICVLVS<sup>g)</sup> perhibet. Qui mos, si quis alius,

B 4                      incre-

f) Introduct. c. I. p. 360. T. II. ed. Chart.

g) Biblioth. I. p. 82. ed. Steph. vbi expresse pollinctores dicuntur *μισητοί*.

incredibiliter artium disciplinarumque incrementis obstat, adeoque haec pollincturae via non potuit non rudis atque manca esse. Accedit, quod ii, quorum curae hoc muneris demandatum erat, otio dignissimi <sup>h)</sup> videbantur, quia σώματι ὁμοφίλῳ vim inferrent debitis hisce lacerationibus, immo vero ad παραδείγματα quaedam omnia peragebant, a quibus recedere nefas ducebatur. Nulla autem honoris praemiiue specie proposita, qua ratione ista pollincturae pomperia proferri potuerint, plane non video.

Quae vero res ut ex merito perspiciatur ab optimo quoque, neque nos praeiudicatae opinioni dedisse videamur omnia, veritati nihil prorsum, liceat huc iterum verba scriptoris hoc de argumento antiquissimi HERODOTI <sup>i)</sup> adducere, at non neglecta veterum scriptorum fide atque consensu. Οἱ δὲ ταριχεύται, inquit, ὑπολειπόμενοι ἐν οἰκήμασι, ὥδε τὰ σπαραχαιότατα ταριχεύουσι. πρῶτα μὲν σκολιῷ σιδήρῳ διὰ τῶν μυζωτήρων ἐξάγουσι τὴν ἐγκέφαλον, τὰ μὲν αὐτῶ ἔτι ἐξάγοντες, τὰ δὲ φάρμακα ἐγχέοντες. μετὰ δὲ λίθῳ αἰθιοπικῷ ὀξείῃ παρασχίσαντες παρὰ τὴν λαπάρην, ἐξ ᾧν εἶλον τὴν κοιλίην πᾶσαν. ἐκκαθήραντες δὲ αὐτὴν καὶ διηθήσαντες οἶνῳ φοινικηίῳ, αὐτὶς διηθέουσι θυμῆμασι περιτετριμμένοισι. ἔπειτα τὴν νηδὺν σμύρνης ἀκηράτῃ τετριμμένης, καὶ κασίης, καὶ τῶν ἄλλων θυμάτων πλὴν λιβανω-  
τῶ,

h) L. cit.

i) Hist. II. 86. p. 120. ed. Gal.



τῷ, πλήσαντες συρρόαπτουσι ὀπίσω. ταῦτα δὲ ποιήσαντες ταριχέουσιν νίτρω, κρύψαντες ἡμέρας ἑβδομήκοντα. πλεῦνας δὲ τετέων ἐκ ἕξεσι ταριχέουσιν. ἐπεὰν δὲ παρέλθωσι αἱ ἑβδομήκοντα, λήσαντες τὸν νεκρὸν κατελίσσουσιν πᾶν αὐτῷ τὸ σῶμα σινδόνης βυσσίνης τελαμῶσι κατατετμημένοισι, ὑποχρίοντες τῷ κόμμι, τῷ δὲ ἀντὶ κόλλης τὰ πολλὰ χρέωνται Αἰγύπτιοι. ἐνθεῦθεν δὲ παραδεξάμενοι μὲν οἱ προσήκοντες, ποιεῦνται ξύλινον τύπον ἀνδρωπώδεα. ποιησάμενοι δὲ ἐσεργυνῶσι τὸν νεκρὸν, καὶ κατακληίσαντες ἕτω θησαυρίζουσιν ἐν οἰκήματι θηκαίῳ ἰσάντες ὀρθόν, πρὸς τοῖχον. ἕτω μὲν τὰς τὰ πολυτελέστατα σκευάζουσιν νεκρός. τὰς δὲ τὰ μέσα βεβλημένους τὴν δὲ πολυτελεσίην ἐκφύγοντας, σκευάζουσιν ὥδε. ἐπεὰν κλυσιήρας πλήσωνται τῷ ἀπὸ τῷ κέδρω ἀλείφατος γινόμενος, ἐν ᾧ ἐπλησαν τῷ νεκρῷ τὴν κοιλίην, ἕτε ἀναταμόντες αὐτὸν, ἕτε ἐξελόντες τὴν νηδύν. κατὰ δὲ τὴν ἑδρὴν ἐσηθήσαντες καὶ ἐπιλαβόντες τὸ κλύσμα τῆς ὀπίσω ὁδῷ, ταριχέουσιν τὰς προκειμένας ἡμέρας· τῇ δὲ τελευταίῃ ἐξιῶσι ἐκ τῆς κοιλίης τὴν κερδίην, τὴν ἐσηκάν πρότερον. ἥ δὲ ἔχει τοσαύτην δύναμιν, ὥστε ἅμα ἐωυτῇ τὴν νηδύν καὶ τὰ σπλάγχνα κατατετηκότα ἐξάγει. τὰς δὲ σάρκας τὸ νίτρον κατατήκει. καὶ δὴ λείπεται τῷ νεκρῷ τὸ δέρμα μῆνον, καὶ τὰ ὀστέα. ἐπεὰν δὲ ταῦτα ποιήσωσι, ἀπ' ᾧ ἔδωκαν ἕτω τὸν νεκρὸν, ἔδεν ἔτι πρηγματευθέντες. Ἡ δὲ τρίτη ταριχέουσις ἔστι ἡδε, ἥ τὰς χρήμασι ἀσθενεσέρος σκευ-



ἄσαι συρμαίνῃ διηθῆσαντες τὴν κοιλίην, ταρι-  
 χεύουσι ἐβδομήκοντα ἡμέρας, καὶ ἔπειτα ἀπ'  
 ὧν ἔδωκαν ἀποφέρουσιν. *At hi relictī in aedibus*  
*hunc in modum diligentissime condiunt corpus. Ante*  
*omnia incuruo ferro cerebrum per nares educunt, ut*  
*quamque partem educentes, ita locum eius medicamentis*  
*explentes. Dehinc acutissimo lapide aethiopico circa*  
*ilia conscindunt, atque illac omnem aluum protrahunt.*  
*Quam ubi repurgarunt, ac vino palmeo eluerunt, rur-*  
*sus odoribus contusis proluunt; tum aluum complentes*  
*contusa myrrha pura et casia, et aliis (excepto thure)*  
*odoribus, iterum consuunt. Vbi haec fecere, scilicet*  
*nitro abditum septuaginta dies: nam diutius salire non*  
*licet. Exactis septuaginta diebus, cadaver ubi ablue-*  
*runt, sindone byssina totum incisīs loris inuoluunt, gum-*  
*mi illinentes, quo Aegyptii glutinis loco plerumque utun-*  
*tur. Eo deinde recepto, propinqui ligneam hominis*  
*effigiem faciunt, in qua mox inserunt mortuum, inclu-*  
*sumque ita reponunt. Eos autem, qui mediocria volunt,*  
*nimum fugientes sumtum, ita apparant. Clysterem*  
*unguine, quod e cedro gignitur, complent; deinde ex*  
*hoc aluum mortui ipsam, neque scindentes, neque extra-*  
*hentes, sed per secessum, prehensō viae posterioris hiatu,*  
*inferciunt, et tot, quot dixi, diebus sale condiunt.*  
*Quorum dierum ultimo cedrinum unguen, quod prius in-*  
*gesserant, ex aluo egerunt, quod tantam habet vim, ut*  
*vna secum aluum atque intestina tabefacta educat.*  
*Nitrum autem carnes tabefacit, mortuique tantum cutis*  
*et ossa relinquuntur. Vbi ista fecere, ex quo sic tradi-*  
*dere mortuum, nihil amplius negotii suscipiunt. Tertia*  
*conditura haec est, qua adorantur eorum mortui, qui*  
*tenuio-*



*tenuiore sunt fortuna. Ablutionibus ventrem abster-  
gunt, arefaciuntque sale septuaginta per dies, deinde  
tradunt reportandum.*

Ex hoc loco, quem multis adduximus, satis patet, corpora, quae eam subierant pollincturam, diutius permanfisse corruptionis foedae expertia, vt bene apud PLATONEM <sup>k)</sup> SOCRATES expressit. Sed quicquid sit, id genus corpora non, nisi ruditer condita nihil ad approbandam anatomes Aegyptiae veritatem valent. Omnis enim pollinctura facta est maxima cum oscitantia et sine vllis artis legibus, perspexitque eius futilitatem, ni fallor, suo iam tempore GABR. CLAVDERVS <sup>l)</sup> sic, vt omnes has pollincturae vias prorsum reiiceret. Neque, quantum equidem video, iniuria. Triplex enim haec cadauerum condendorum ratio, siue spectes sumptuosissimam, quae, teste DIODORO SICULO <sup>m)</sup>, talenti pretio redimebatur, siue mediocrem, qua, cum viginti minis constaret, ne alium quidem incidere licuit; siue denique parabilem illam, quae sine vlllo impensarum dispendio in pauperiorum hominum cadaueribus fiebat, tam parui profecto momenti est tamque contemnendae auctoritatis, nihil vt magis esse possit.

Quam

k) In *Phaedon*. p. 80. T. I. ed. Steph. cf. Gell. Noct. Attic. X. 10 p. 137. ed. Ald. et Seruius ad *Virg. Aeneid.* III. *Aegyptii periti*, inquit, *condita diutius reseruant corpora, scilicet vt anima multo tempore perduret et corpori sit obnoxia, ne cito ad aliud transeat.*

l) *Method. Balsam. Corp. Hum.* c. 4. p. 55. sequ. ed. Altenb.

m) *Bibl. I.* p. 82. ed. Steph.



Quam manca enim et subitanea isthaec omnia! Quam cito cuncta ex lege maiorumque instituto peragenda ab iis erant, quorum curae hoc muneri demandatum fuit, ne lapidibus obruti in vitae incurrerent periculum! Quanam hinc partium interiorum cognitio ac contemplatio expectanda, et quidnam exinde commodorum in medicinam ipsam redundauit? Nihil profecto, si quid video, adeoque male SALMASIVS<sup>n)</sup> alique defensores rei suae consulunt, qui hinc Aegyptiorum anatomen repetunt, atque plenis buccis extollendam putant. Dilacerare enim corpora, idque raptim, hoc lanionis est, non anatomici, cui id propositum esse debet, ut corporis penetralia interioresque recessus magna cum diligentia indagare iusteque perspicere sciat. Immo vero (crede mihi) lanii nostri, si hac visceratione continetur anatome, hos Aegyptiorum pollinctores quam longissime antecellunt, quippe illis internarum partium situm ac figuram, velint, nolint, sine omni vitae periculo rimari scrutarique semper licuit, his vero non item. Praestat enim saluo et incolumi esse capite, quam temere interiora corporis mortui nosse, cuius scientia ad bene salubriterque viuendum non adeo magni usus est, neque tanti poenitere homines emunt.

Adeste igitur, o vos anatomes Aegyptiae patroni! Fauete linguis. Actum est de illo inuento ilicet. En nobilissimum artis huius peruetustae monumentum, quod in quouis lanione vel inde  
ab

n) Interpret. Hipp. Aph. Sect. IV. de Calculo p. 52.



ab orbe condito, nisi melius et ad rem istam accommodatius, simili saltem modo similique nitore facile reperiatis! O felices nos beatosque medicos, quibus auctoritatis, famae, et antiquitatis, si Dis placet, captandae gratia dudum licuit quemuis hominem gregarium cultroque armatum in collegium adoptare! Saluete igitur, o vos, noua anatomicorum proles! laetiusque indies succrescite. Abierunt illi vestri maiores ad orcum, vbi

*tenebris nigrescunt omnia circum.*

Vos iam, o cara capitula! in eorum locum succedite.

Sed ohe, iam satis est, ne quid detrimenti respublica anatomicorum capiat, aut sermo noster in quosdam crabrones incidat, quos, ita me deus amet! lacefcere vnquam nec licet, nec lubet. Est enim, vt de poetis dicitur, anatomicorum genus irritabile. Hinc eos nolo equidem, illud vero dabunt (spero) strenui isti propugnatores, vt, cum omnis pollincturae ratio apud veteres Aegyptios lacera sit ac imperfecta, neque certa quaedam anatomes illorum prostent vestigia, eam mihi ridere, spernere, negare liceat, donec meliora edoctus fuero. In quo consentientes me praeceteris habere IO. HENR. SCHVLZIVM <sup>o</sup>) et FRID. BOERNERVM <sup>p</sup>) impense gaudeo.

At

o) Hist. Medicin. Ger. I. Sect. I. c. 3. §. 12. seq. p. 26. f. et omnium optime in Hist. Anatom. Spec. I. §. 6. sequ.

p) Diss. Antiquit. Med. Aegypt. §. 60. p. 72.



At vero, inquiunt, PLINIVS <sup>q)</sup> auctor est, *in Aegypto reges corpora mortuorum ad scrutandos morbos infecuisse.* Quis illud negavit? Temporis vt in quacunque re, ita in hoc de Aegyptiorum anatome dissensu cum maxime habenda est ratio, sine qua omnem operam male collocare putandus est, quisquis iudicis cuiusdam Gottingensis more haec non rite a se inuicem secernat. Illud enim anatomes Aegyptiae exemplum ad PTOLEMAEOS pertinet, qui, incredibile, quantum litterarum studiis, et cum primis anatomicae artis incrementis prospexerunt, hincque eis, vt cum CELSO <sup>r)</sup> loquar, videbatur *necessarium esse incidere corpora mortuorum, eorumque viscera atque intestina scrutari. Longeque optime fecisse Herophilum et Erasistratum, qui nocentes homines a regibus ex carcere acceptos viuos inciderint considerarintque, etiam spiritu remanente, ea, quae natura ante clausisset, eorumque posituram, colorem, figuram, magnitudinem, ordinem, durtiem, mollitiem, laeuorem, contractum; processus deinde singulorum et recessus, siue quid inseritur alteri, siue quid partem alterius in se recipit.* Haec demum, amici, anatome est, quam nec ego nego, et ad recentiora tempora spectat, vbi reges ab omni superstitionis vanitate quam maxime alieni erant, ac scholae Alexandrinae commodis quocunque modo prospiciebant; medici autem, modo Alexandriae litteris operam nauassent, magni et clari habebantur. *Medicinae ita studia augen-*  
tur

q) Hist. Nat. XIX. 5.

r) L. De Medicin. I. Praefat. p. 7. ed. Kraus.



*tur indies, inquit, AMMIANVS MARCELLI-  
NVS* <sup>s)</sup> suo adhuc tempore, *ut, licet opus ipsum  
redoleat, pro omni tamen experimento sufficiat medico  
ad commendandam artis auctoritatem, si Alexandriae  
se dixerit eruditum.* At vero Aegyptiorum pollin-  
ctura, si in huius rei fidem proferatur, lubrica est  
et omnium longe inconstantissima. Constat enim  
inter omnes, quam lacera illa, rudis ac imper-  
fecta fuerit, adeoque, nisi totus fallor, priscis illis  
temporibus, quae et ante PTOLEMAEOS fue-  
runt, et proxime in HIPPOCRATIS magni  
aetatem inciderunt, viscera mortuorum scrutari  
atque inuestigare nullo modo licuit.

Abeant igitur et res suas agant feliciter, qui-  
buscunque id genus nugae futesque ineptiae  
perplacent. Umbrae enim rerum vanae inhiant,  
veritas nusquam est, meminerintque velim, quae  
de NARCISSO NASO <sup>t)</sup> prodidit memoriae:

*Credule, quid frustra simulacra fugacia captas?*

*Quod petis, est nusquam; quod amas auertere,  
perdes.*

At mehercle, longe maxima sit oportet, erroris  
vis atque suauitas, incredibilisque doctrinae auitae  
dulcedo, ut caecutire malimus, quam a sueto  
vitae proposito et nobiscum consenescente sentien-  
di ratione temere recedere. Citius enim ex filice  
aquam extorqueas, atque ex auari cistula numos,  
quam veterano cuidam homini persuadeas, nugae  
se adhuc captasse ac verba, quibus nulla subiecta  
fuit

s) Histor. L. XXII. 16. p. 274. ed. Ernest.

t) Metamorph. III. 432. sequ.

fuit notio, a re ipsa vero afuisse se quam longissime; Immo vero iisdem ad *Didonis* similitudinem apud VIRGILIUM <sup>u)</sup> compositis

*Nec magis incepto vultus sermone mouetur,  
Quam si dura silex aut stet marpesia cautes,*

suntque illi haud raro, vt perbelle HORATIVS <sup>v)</sup>,  
eam ob rem tam tenaces propositi,

*Quia turpe putant parere minoribus, et quae  
Imberbi dicere, senes perdenda fateri.*

Hinc tot calamitosae de tribus capellis decertationes; hinc iuniorum contentio; hinc praceptorum, quos coluimus, suspeximus, venerati sumus, ἰσοθεότης; hinc ancipitia in hos εἰδωλομάχης tela; hinc furor et rabies canina in quoscunque aliter sentientes, vel auctoritati magni cuiusdam viri imprudenter oggannientes; hinc denique inter doctos homines rara avis est, si quis ad veritatis lucem non amplius oculis conniueat, aut ancipiti haerens animo cum *Medea* apud OVIDIUM <sup>w)</sup> confiteatur:

*Video meliora proboque,  
Deteriora sequor.*

Quod si non est seruiliter se in sentiendo et imitando gerere, quid tandem sit, iuxta cum ignarissimis ignoro. Perplacet hinc IVLII CAES.

SCA-

u) Aeneid. VI. 471. seq.

v) L. II. Ep. I. 84. sequ.

w) Metam. VII. 20.



SCALIGERI <sup>x)</sup> verba adducere, quibus, dici vix potest, quantus veri splendor quantaque vis inest. *Equidem, inquit, saepenumero miratus sum mortalium vel audaciam, vel pertinaciam, qui tuentur errores, quos, qui commiserunt, si viuerent, emendarent. Neque enim errasse semper turpe est. Est enim initium sapientiae, si non ei ipsi, qui fallitur, at aliis non fallendi. Verum errores fouere, id vero vel extremae est dementiae. — Errata maiorum dissimulanda non sunt, ne et ipsi posteritati imponamus.*

Subruta igitur, ni fallor, veterum Aegyptiorum est anatome ex ipsis aduersariorum argumentis, quibus tanquam fulcris, innitebantur. Constat enim inter omnes, modo haec sine partium studio secum reputent animo, aut nullam sane eam esse, aut vix ac ne vix quidem nobili hoc nomine dignam, et nihilo tamen secius alii, tanquam pro aris et focis contenderent, nouum pro defendenda huius artis antiquitate ac auctoritate argumentum, vt istis videtur, certissimum optimumque in *praeputii circumsectione* quaerunt, quam scimus olim apud Aegyptios vsu euenisse.

Est quidem (fateor) aliquid, neque nego, hanc circumcidendi praeputii consuetudinem apud Aegyptios prae ceteris locum habuisse, quos, auctore HERODOTO <sup>y)</sup>, constat vna cum Colchis et Aethiopibus fuisse solos hoc instituto vsos, Phoenicios vero atque Syros, qui Palaestinam incoluerant, id imitando expressisse. At vero  
pri-

x) De Causs. Lingu. Lat. III. 67. p. 143. ed. quart.

y) Hist. II. 104. p. 127. ed. Gale.

primum ipse HERODOTVS ambigit, vnde de-  
 mum Aegyptii hunc ritum repetierint, eumque  
 ab Aethiopibus profectum esse putat, quia circum-  
 cisionis apud Phoenicios, qui cum Graecis nego-  
 tiantur, vsus nullus sit. Deinde etsi Aegyptii, vt  
 STRABO <sup>z)</sup> perhibet, περιτέμνοντες τὰ παι-  
 δία καὶ τὰ θήλεα ἐκτέμνοντες dicuntur, tantum  
 tamen abest, vt illa caerimonia sacra haberetur,  
 vt etiam secundum HERODOTVM <sup>a)</sup> sacerdotes  
 ipsi partim mutilarent corpus, idque sponte sua,  
 partim omnino negligerent. Factum videtur id  
 negotii a sacerdotibus cum maxime ob munditiei  
 studium, de quibus CHAEREMON Stoicus apud  
 S. HIERONYMVM <sup>b)</sup> auctor est, *quod omnibus  
 mundi negotiis curisque postpositis, semper in templo  
 fuerint, et rerum naturas causasque, ac rationes side-  
 rum contemplati sint; nunquam mulieribus se miscuerint,  
 nunquam cognatos et propinquos, ne liberos quidem,  
 viderint ex eo tempore, quo coepissent diuino cultui de-  
 serui-*

z) Geogr. XVII. p. 824. ed. Xyl. Fallitur hinc vehe-  
 menter Io. Henr. Schulzius, Hist. Med. Per. I. Sect. I.  
 c. 3. §. 37. p. 36. cum de hoc circumsectionis apud Ae-  
 gyptios vsu anceps haereret; id enim ex h. l. satis su-  
 perque patet; at vero nunquam, vt credere fas est,  
 hic mos vim legis obtinuit. Alias enim ab hac caeri-  
 monia nec sacerdotes immunes fuissent.

a) Hist. II. 36. p. 103.

b) Adv. Iouian. L. II. p. 367. sequi. T. II. ed. Frob. cf.  
 Herod. II. p. 53. qua patet, licuisse eis etiam vti carni-  
 bus, adhibita tamen lege quadam, fabis et piscibus au-  
 tem illos prorsum interdictos fuisse. Similiter et apud  
 Diodor. Sic. I. p. 64. et Plutarch. L. De Isid. et Osirid.  
 p. 353. T. II. ed. Xyl. secundum Hecataeum victus re-  
 gum ipse ordinatur.



*seruire; carnibus et vino se semper abstinuerint propter tenuitatem sensus et vertiginem capitis, quam ex paruo cibo patiebantur, et maxime propter appetitus libidinis, qui ex his cibis et ex hac potione nascuntur. Pane raro vefcebantur, ne onerarent stomachum, et si quando comedebant, tusum pariter hyssopum sumebant in cibo, ut escam grauiorem illius calore decoquerent. Oleum tantum in oleribus nouerant, verum et ipsum parum propter nauseam et asperitatem gustus leniendam. Quid loquar, inquit, de volatilibus, cum ouum quoque pro carnibus vitauerint et lac: quorum alterum carnes liquidas, alterum sanguinem esse dicebant colore mutato. Cubile eis de foliis palmarum, quas baias vocant, contextum erat. Scabellum accliuè et ex una parte obliquum, in terra pro puluillo capiti supponebant, bidui triduique inediam sustinentes. Humores corporis, qui nascuntur ex otio et ex mansione unius loci, nimia victus castigatione siccabant.*

Ex his facile colligitur, Aegyptios omnes, cum essent munditiei longe studiosissimi, videri etiam praeputii curam habuisse, sacerdotes vero, vt a re venerea ciborumque vbertate maxime alienos, ita etiam parabili esca viuere fuetos, hunc penis temerandi morem non temere secutos esse.

Quae res cum olim cuiusque arbitrio relinqueretur apud Aegyptios, neque semper in sacerdotes caderet, sequitur perperam hodie facere, qui futili hoc atque lubrico argumento, tanquam firmamento stabilitatis, innituntur. Male enim profecto cum omni re medica, in primisque anatomicæ, factum esset, si quemcunque cultri ministerio



praeputium mutilantem velis habere anatomicum. Nullus profecto, nisi totus fallor, nobili hoc nomine dignus est, nisi qui hanc corporis compagem eiusque structuram bene calleat; calluit autem Aegyptiorum nullus, si eorum doctrinam reputes *de neruo quodam tenuissimo, qui a manus sinistrae digito medicinali ad cor hominis pergere credebatur*, ut APPION apud A. GELLIVM <sup>c)</sup>, MACROBIVS <sup>d)</sup>, HERM. CONRINGIVS <sup>e)</sup>, OLAVS BORRICHIVS <sup>f)</sup>, et IO. HENR. SCHVLTZIVS <sup>g)</sup>, memoriae prodiderunt. Similiter absurda videtur naturaeque rei repugnans illa opinio, qua, auctoribus PLINIO <sup>h)</sup> et CENSORINO <sup>i)</sup>, *cor per quinquaginta annos incrementa capere et tunc demum iterum decrescere* putabatur, cet. Si quis enim vel leuiter tinctus est anatomes cognitione, ridebit profecto id genus nugas meliora edoctus, et eos omnino omnes, qui ab tam rudibus homunculis scientiae tantae tamque praeclarae tyrocinia et antiquitates ausi sunt repetere. Sed haec haecenus. Constare enim inter omnes censeo, anatomen Aegyptiorum tot tantisque magnorum virorum encomiis ornatam nullam esse, nec tanto promissorum hiatu dignam, id quod iam multis ante  
nos

c) Noct. Attic. X. 10. p. 137. ed. Ald.

d) Saturn. VII. 13. p. 550. ed. Lugd.

e) Hermet. Medic. c. 10. p. 90. sequ.

f) Vindic. Hermet. Med. in Praefat. vbi male ista *Conringii* accusatio refellitur.

g) Hist. Med. Per. I. Sect. I. c. 3. §. 18. p. 28.

h) Hist. Nat. XI. 37.

i) De Die Natal. c. 17. p. 116. ed. Lindenbr.



nos demonstrarunt HERM. CONRINGIVS <sup>k)</sup>), HARTMANNVS <sup>kk)</sup>), IO. HENR. SCHVLTZIVS <sup>l)</sup>), FRID. BOERNERVS <sup>ll)</sup>), alii.

Reliquum est, vt de prisco huius gentis ritu, *simulacra mortuorum inter conuiuandum inferendi* paucis edisseramus, praesertim postquam nuper quidam philologus Gottingensis, quem SCHNEIDERVM, studiosum et Seminarii philologici sodalem, esse audio, nos hac de re et inscientiae, et mendacii publice infimulauit. In quo quam durum, iniquum falsumque se ille praestiterit, optime norunt ii, qui a partium studio sunt alienissimi. Aut enim verba mea haud satis intellexit, aut intelligere noluit, cum contra omnem auctorum veterum fidem, quos in mea librorum Hippocrateorum censura <sup>m)</sup>) adduxeram, vniuerse negaret, adhibita vnquam fuisse mortuorum simulacra in conuiujs, quod tantum particulatim verum est.

Insedit enim plurimorum animis peruersa ista opinio, vt Aegyptii vera semper mortuorum cadauera, non simulacra, conuiujs repraesentasse dicantur, idque gemmarum auctoritate vnice freti. Habent quidem haec (fateor) multam veritatis speciem, neque tam proteruae mentis ego sum, vt haec omnia temere negare auisim. At vero

C 3

cum

k) Hermet. Medicin. c. 10. p. 92.

kk) De Origin. Anat. Diss. I. c. 6. p. 35.

l) Hist. Medicin. l. c. p. 27. sequ.

ll) De Medic. Aegypt. Diss. §. 60. p. 82.

m) Sect. III. §. 57. p. 185.

cum maximam partem recentiores illae gemmae sunt, debenturque scholae Alexandrinae, de quo nullus dubito, tum vero ipsis veterum scriptorum, monumentis longe postponenda videntur.

Primus omnium, quantum equidem me legere memini, viuis hunc ritum coloribus describendum curauit HERODOTVS <sup>n)</sup>, qui quo antiquior est et in his mysteriis instructior, eo maiorem fidem promeretur, quippe ex eo omnes omnino, qui multis seculis post ista commemorarunt, praeter ceteris profecisse censendi sunt. Ἐν δὲ τῇσι συν᾽σιῇσι, inquit, τοῖσι εὐδαίμοσι αὐτέων, ἐπὰν ἀποδαιπν᾽γένωνται, περιφέρει ἀνὴρ νεκρὸν ἐν σορῶ ξυλινὸν πεποιημένον μεμιμημένον ἐς ταμάλιστα καὶ γραφῇ καὶ ἔργῳ. μέγεθος ὅσον τε πάντῃ πηχυαῖον, ἢ δίπυχυ. δεικνὺς δὲ ἐκάσῳ τῶν συμποτέων, λέγει Ἐς τῶτον ὁρέων πίνε τε καὶ τερπεύ. ἔσεαι γὰρ ἀποθανὼν τοιοῦτος. ταῦτα μὲν παρὰ τὰ συμπόσια ποιεῦσι. *Apud locupletes eorum, cum multi conuenerunt, et a coena discessum est, circumfert aliquis in loculo mortuum e ligno factum, sed pictura et opere verum maxime imitantem longitudine cubitali omnino aut bicubitali, ostendensque singulis conuiuiarum ait: In hunc intuens pota et oblectare, talis post mortem futurus. Haec illi apud conuiuium faciunt. Quibus Herodoteis verbis quid dilucidius magisque expressum sententia nostra sit, nisi velis studio dedicatae opera in tanto veritatis splendore conuiuere oculis, plane non video.*

Dic

n) Hist. II. 88. p. 118. ed. Gale.



Dic igitur, quaeso, o lepidissimum capitulum! qui me medicum scilicet nuper <sup>nn)</sup> graecas litteras prorsum ignorare, nec legere posse tanta cum impudentia professus eras, quanta est maxima; qui HERODOTVM, tanquam locupletissimum accusationis tuae testem, adduxeras, dic, quaeso, si potes, vtrum illa verba: Νεκρὸν ἐν σορῶ ξυλινὸν πεποιημένον μεμιμημένον ἐς τὰ μάλιστα καὶ γραφῇ καὶ ἔργῳ (*in loculo mortuum e ligno factum, sed pictura et opere verum maxime imitantem*) vere exprimant laruale<sup>m</sup> corporis habitum ossibus cohaerentem, an potius, vt nos explicueramus in tanta sane linguae graecae inscientia, *simulacrum quoddam hominis mortui ligneum accurateque expressum*, idque in mortis memoriam illatum, ne voluptatibus indulgerent impensius, aut ineluctabilis fati curam prorsum abiicerent.

Sunt sane instituta haec veterum Aegyptiorum praeclara omnique laude dignissima, cum ditissimo aequae ac infimo cuique liceret hoc more patrio sine vlllo magnorum sumtuum vti dispendio. At vero eum a priscis inde temporibus sic repetere, vt ipsa propinquorum corpora conuiuis repraesentarentur ad detergenda palati blandimenta, id nec per gentis huius superstitionem fieri licuit, neque ab HERODOTO vnquam commemoratum est, neque denique ad quemquam pertinisset, nisi cui magna numorum vis suppeteret. Consentit mirifice cum hac nostra sententia PLV-

C 4

TAR-

TARCHVS °), qui et alibi illud εἶδωλον ἀνθρώπων τεθνηκότος ἐν κιβωλίῳ περιφερομένον dixerat. Sic enim haec verba probe intelligi ab tyrone quocunque poterunt riteque explicari, quicquid contra dicant nasutuli quidam iudices.

At vero, inquiunt alii, quorum in numero iterum inuidiosus ille laruatusque Gottingensis iudex eminet, DIODORVS SICVLVS °°) auctor est, Aegyptiorum permultos suorum cognatorum corpora quam sumptuosissime myrrha et cedrino condita oleo secum domi habuisse, atque ex istorum forma, incredibile, quantum delectationis cepisse. Praeclare, o amici ac iudices, nisi DIODORVS aetate longe recentior esset HERODOTO. Si enim temporis et in affirmando et negando habenda ratio videtur, cuius impetu multa maiorum instituta aut abolentur penitus, et antiquantur, aut etiam, excusso superstitionis iugo, communia fiunt, quae olim paucorum fuerant, conficitur, argumento nostro exinde fidei nihil derogari detrahiue posse, quicquid alii temere et indicta causa ogganniant. Vtrumque verissimum est, si aetatem et locum spectes: id vero nobis videtur falsissimum, in epulis olim non, nisi vera mortuorum hominum cadauera fuisse exposita. Repugnat enim HERODOTVS, vt supra vidimus, et praeterea DIODORVS ipse hunc ritum *multorum* esse perhibet. Quicquid vero *multorum* est, non potest communis

o) L. Coniuv. Sept. Sapient. p. 148. T. II. ed. Xyl.

oo) Bibl. I. p. 82. ed. Rhod.



munis exempli loco atque generatim adferri, vt philologus ille Gottingensis fecit, nihilque exinde ponderis in confutanda nostra sententia acquiritur. Qua de re factum fuisse existimo, vt LVCIANVS P) more suo i. e. lepide reique apposite hanc Aegyptiorum consuetudinem, qua mortuum *σύνδειπνον* et *συμπότην* faciebant, traduceret quasi atque rideret egregie. Neque ab hac opinione abhorruisse censendi sunt POMPONIVS MELA PP) atque SILIVS ITALICVS q), sic enim ille:

• *Aegyptia tellus*

*Claudit odorato post funus stantia saxo*

*Corpora, et a mensis exsanguem haud separat  
umbram.*

Ex his vero, modo non omnis hebes et plumbeus sum, id solum colligitur, obtinuisse olim hunc ritum apud quosdam Aegyptios, eumque peregrinis hominibus, quorum non erat haec curatius anquirere, visum fuisse communem omnibusque familiarem.

Accedit et illud, quod mirifice a se ipsi dissentiant, qui hoc Aegyptiorum institutum mortuos secum domi habendi conuiuibus inferendi litteris consignatum reliquerunt. PLVTARCHVS r)

enim sic: *Οἱ Αἰγύπτιοι τὸν νεκρὸν ἀνατέ-*  
C 5 *μνον-*

p) L. De Luctu, p. 812. ed. Bourdel.

pp) De Situ Orbis l. 9. p. 17.

q) De Bello Punico Secund. l. XIII. 474. seq.

r) Conviv. Sept. Sapient. p. 159. T. II. ed. Xyl.

μνοντες ἔδειξαν τῷ ἡλίῳ, εἴτ' αὐτὰ μὲν εἰς τὸν ποταμὸν κατέβαλον, τῷ δὲ ἄλλῃ σώματος ἡδὴ κατὰρξ γεγονότος ἐπιμέλονται. *Aegyptii, mortuum, dissecto ventre, soli ostendunt; deinde, intestinis in profluentem abiectis, reliquum cadauer, ut iam purgatum, procurant.* At vero SEXTVS EMPIRICVS<sup>s)</sup>, postquam de aliarum gentium more dixerat. Αἰγύπτιοι δὲ, inquit, τὰ ἔντερα ἐξελόντες ταριχεύειν αὐτὰς, καὶ σὺν ἑαυτοῖς ὑπὲρ γῆς ἔχουσι, quocum mirifice conveniunt CHRYSIPPVS atque CICERO<sup>t)</sup>. STRABONE<sup>u)</sup> denique teste, isti mortuorum corpora, θάπτουσι ἐν μέλιτε κηρῷ περιπλάσαντες, id quod LUCIANVS<sup>v)</sup> per, Ξηράνας τὸν νεκρὸν σὺνδειπνον καὶ συμπότην ἐποιήσατο, expressebat, cet.

Qui scriptores cum tantopere a se inuicem recedant, ut alius aiat, alius neget, colligitur, hoc institutum, ut supra iam monuimus, ad paucos tantum pertinuisse, atque a peregrinis hominibus pro communi omnibusque familiari esse habitum, aliter ac res ipsa postulare videbatur. Hinc causa sua eos cadere oportet, qui ubique cadauera condita volunt, simulacra recusant penitus, adeoque velim meminerint illius apud OVIDIVM<sup>w)</sup>:

*Media tutissimus ibis.*

Apud

s) Pyrrhon. Hypot. III. p. 156. ed. Gen. 1621.

t) Quæst. Tuscul. I. 45.

u) Geogr. L. XVI. p. 746.

v) L. cit.

w) Metam. II. 137.



Apud varios varius hic mos fuit, prouti aut cuiusque libidini visum est, aut per opes licuit. Alius, cui curtam natura dederat supellectilem, lignea propinquorum simulacra sine dubio domi habuit, iisque delectatus est; alius, cum per opulentiam fieri posset, cadauera ipsa myrrha cedrinoque circumlita, adeoque nec tanto sane feruore opus erat, quo quidam antiquitatum patroni non ita pridem ob vuculas excanduerunt. Velitationes enim haud raro verborum sunt, quae si recte attendas veterum scriptorum monimenta, saepenumero sunt longe inconstantissima. *Manes* enim, *genii*, *lemures*, *laruae*, *lares*, quot nomina! Qualis auctorum in adhibendo et explicando dissensio! Aliis *manes* mortuorum animi esse videntur, et hinc, si quis eorum sepulcra violasset, deos *manes* violasse credebatur: Aliis *genii* viuentium esse, *lemures* vero, si a corporis vinculis liberati sunt. Qui si simul incursionibus diurnis nocturnisque domos exagitarant, *laruae*; Sin vero mansueti ac sine turbis essent, *lares familiares* appellabantur. At vero cum haec legeram, venit illud in mentem T E R E N T I A N V M <sup>x</sup>):

*Fecistis probe:*

*Incertior sum multo, quam dudum.*

Videntur enim his verbis saepenumero promiscue vti fuisse veteres, modo velis C E N S O R I N V M <sup>xx</sup>)  
et

x) Phorm. Act. II. Sc. 4. 18. seq.

xx) De Die Natal. c. 3. p. 16. ed. Lindenbr. cf. in not. variae auctorum de genio sententiae.

et APVLEIVM y), euoluere ac quaedam illorum loca inter se conferre. *Apuleius* enim, cui, cum in hoc argumento ex instituto versaretur, fides habenda est, sic eam nominum diuisionem explicuit. *Est et secundo signatu species daemonum, animus humanus exutus et liber, stipendiis vitae corpore suo abiuratis. Hunc vetere latina lingua reperio Lemurem dictitatum. Ex hisce ergo lemuribus, qui posterorum suorum curam sortitus, pacato et quieto numine domum possidet, Lar dicitur familiaris. Qui vero propter aduersa vitae merita, nullis bonis sedibus incerta vagatione, ceu quodam exilio, punitur, inane terriculamentum bonis hominibus, ceterum noxium malis; hunc plerique Laruam perhibent. Cum vero incertum est, quae cuique sortitio euenerit, utrum lar sit, an larua, nomine Manium deum nuncupant, et honoris gratia Dei vocabulum additum est. De geniiis vero ita CENSORINVS: Genius est deus, inquit, cuius in tutela, ut quisque natus est, viuit. — Eundem esse genium et larem, multi veteres memoriae prodiderunt. — Neque absimiliter SENECA yy): Nemo tam puer est, inquit, ut cerberum timeat, et tenebras, et larualem habitum nudis ossibus cohaerentem. SERVIUS denique ad VIRGILIVM z): Apud maiores omnes in suis domibus sepelebantur. Vnde ortum est, ut lares colerentur in domibus, unde et umbras laruas vocamus.*

Qua

y) De Deo Socratis p. 110. ed. Basil. cf. [Lessing] *Wie die Alten den Tod gebildet* p. 68.

yy) Ep. XXIV. p. 80. T. II. ed. Lipf.

z) In Aen. VI. 152.



Qua ex inconstantia veterum factum fuisse videtur, vt LESSINGIVS <sup>22)</sup> σκελέτης omnes in monumentis obuios et haud raro figuram eam, quam SENECA exprefferat, imitantes iure suo reiue apposite pro laruis haberet, audacterque negaret <sup>a)</sup>, eos vnquam id genus habitus offeos adhibuisse ad mortis imaginem exprimendam. In quo, vt rerum humanarum est conditio, alii aliter senserant, eorumque principes et Coryphaei sine dubio fuere KLOTZIVS, ZEIBICHIVS, GOEBELIVS, alii. Habet quisque, cui innitatur, quippe multiplici forma sculptores vsi fuisse videntur, prouti phantasia cuiusque ferret, et modo integram mortui imaginem repraesentandam curarunt, modo etiam quasdam praeter ceteris partes, qualis sine dubio illa musei Brauniani gemma fuit, cuius CHRISTOPH. GOTTL. de M V R R <sup>aa)</sup> nuper meminit.

Caueant igitur, si qui his in rebus obscuris versantur, ne aut nimis festinanter, quaecunque voluerint, hisce in monumentis videant, nulla prorsum habita temporum argumentique ipsius ratione, aut in quauis larua mortis imaginem sibi repe-

22) L. cit. p. 67. sequ.

a) L. cit. p. 3. et 5. nec non p. 51, 55, aliisque locis id satis superque demonstravit. Hinc satis mirari non possum philologi Gottingensis imprudentiam, qui hic iterum (L. cit. p. 437.) at eius est mos fallendique animus, *Lessingium*, tanquam idoneum testem, subscriptorem et adprobatozem, adduxit, cuius sane verba ei, prorsum repugnant.

aa) Denckmaal zu Klotz. Ehre p. 88.

reperisse, saltem diuinasse, putent. Id quod ut multis aliis, ita etiam cum maxime KLOTZIO accidisse dicitur, qui ex VIRGILII <sup>b)</sup> similitudine

*Victus abit longeque ignotis exulat oris,  
Multa gemens ignominiam plagasque superbi  
Victoris.*

Infelicius saltem versati in gemmis lapidibusque haud raro sunt isti rerum antiquarum amatores, et plus, quam artifex praestiterat, sibi videre visi sunt, ut in SENECA moriente, *Venere Victrice, Diana Lucifera*, innummerisque figuris aliis usu euenit.

Haec vero mortuorum simulacra, ut iterum redeamus, vnde deflexerat oratio, effecerunt sine dubio, ut illa in usus adhiberentur successu temporis ludicros, multique eiusmodi *laruarum gesticulationibus* alios voluptate afficerent. Ea enim est mentis humanae indoles, ut lubenter imitando optima quaeuis aeque ac praua effingere allaboramus, adeoque nec mirum, si multi sibi his *lignearum metallicarumue laruarum gesticulationibus* panem lucrarentur. Hinc LUCIANVS <sup>c)</sup> non veritus est *ἄνδρας ἐυλίους* adferre, quos ad eorum, qui BACCHO collocantur, imitationem efformari censuit. Hinc apud HORATIVUM <sup>d)</sup>:

*Duceris ut nervis alienis mobile lignum.*

Hinc

b) Georg. III. 225. sequ.

c) L. De Dea Syr. p. 1096. ed. Bourd.

d) Serm. II. 7. 82.



Hinc denique apud PETRONIVM<sup>e)</sup>: Potantibus ergo et accuratissimas nobis lautitias mirantibus laruam argenteam attulit seruus sic aptatam, ut articuli eius vertebraeque laxatae in omnem partem flecterentur. Hanc cum super mensam semel iterumque abiecisset, ut catenatio mobilis aliquot figuras exprimeret, Trimalchio adiecit:

*Heu, heu, nos miseros! Quam totus homuncio  
nil est!*

*Sic erimus cuncti, postquam nos auferet orcus.*

*Ergo viuamus, dum licet esse bene.*

Quod si vera mortuorum simulacra sunt, ut sunt, satis mirari nequeo, quid esset, quod iudex iste noster delicatulus atque falsus hoc etiam PETRONII exemplo abuteretur ad fidem sententiae nostrae derogandam et fallendos incautos legentium animos. Epulae enim illae Trimalchionis et fictae sunt sine dubio, et laruae argenteae multo recentiores, quam ut exinde priscum Aegyptiorum ritum aut explicare, aut approbare possis. Non enim quaeritur, quid tandem apud ceteras nationes usu venerit, sed quid Aegyptii priscis illis temporibus quae proxime ab HIPPOCRATE COO afuerunt, in conuiujs fecerint. Hinc, quantum equidem ex institutis gentis istius omnium

e) Satyric. p. 115. ed. Mich. Hadr. videtur hic larua argentea eadem esse, quae ap. APVLEIVM forma larualis, sceletum, diciturque etiam ap. eundem hac de re: Ligneolis figuris gestus mouent. cf. Lessingius V. cl. l. c. p. 72.

omnium longe superstitioniffimae colligo, aut certum ex HERODOTI fide est, aut, saltem verissimum, eos non vera mortuorum cadauera, sed simulacra quaedam in mortis memoriam adhibuisse. De recentiori vero aetate, quae in scholae Alexandrinae gloriam inciderat, nullus dubito.

Sed ohe, iam satis est, ne nimis a proposito meo deflexisse videar, aut futor vltra crepidam. Dauus enim sum scilicet, cui per medicinae studia, vt delicatulo isti placet iudici, nullo modo licuit his mysteriis rite initiari. Salutaui (fateor) ista antiquitatum sacraria, non nisi a limite; id vnum tamen nobis dari concedique cupimus, vt, cum per taediosam vitae nostrae rationem gemmas lapidesque inuestigare prohibeamur, ex scriptorum saltem veterum pendeamus testimoniis, non neglecto aut posthabito temporum ordine. Alia enim sine dubio Aegypti facies ante PTOLEMAEOS, alia vero post fuit. Dignae saltem sunt veterum res gestae atque artes memoria nostra, indagatione, reuerentia, caue vero, ne pro Iunone nubem amplectaris teque des turpiter, meminervisque velim semper eorum, quae PASSE-RIVS<sup>f)</sup> simili in re similique dissensione dixerat. *Fateor tamen, inquit, in maxima nos obscuritate versari, cum antiquorum mentem circa res funebres atque animarum statum post mortem indagamus. Sunt enim apud scriptores veteres ambigua quaedam indicia et fugacia lumina, quae nos in suspensionem adducunt,*  
habuisse

f) Paralip. ad. Dempster. p. 6. et 139.



*habuisse illos secreta quaedam numina, quae mortis potestatem haberent animarumque deducendarum, inter quae vnum Mercurium palam agnoscimus. Putauisse praeterea vim animarum expiandarum penes aliquas subterraneas potestates extitisse. Hinc admistae sunt intermediae quaedam sedes, in quibus piorum animae reliqua humanitatis contagia ventilationibus quibusdam paulatim depellerent et purgarent. —*

Aegyptii vt omnium populorum sunt longe antiquissimi, quos litterarum studiis scimus dedisse operam, ita etiam sua laude suisque meritis fraudandi nullo modo videntur, modo videas, ne in re dubia, quantus quantus es, ex sacerdotum calidissimorum commentis ynice pendeas, adeoque facile in errorem incurras. Medicina enim ista certissime fuit ante PTOLEMAEORVM tempora rudis, lacera, imperfecta, *anatome* vero nulla, quicquid rugosa quorundam patronorum frons grauitatis morositatisque contrahat. Non enim video, si mihi videar meliora edoctus placita, quid me prohibeat, quo minus ab eorum auctoritate desciscam atque in veritatis amplexus me coniciam, cui, dum vita superstes erit, totum me dare inque eius contubernio placide consenescere haud grauabor. Id vero peruelim sciant ii, qui aliter hoc de argumento sentiunt, atque iudicant, me haec omnia, quae adhuc dicta sunt, effutire temere noluisse aut quendam lasciuientis ingenii foetum foras dare, sed vt ea, quae nuper adduxeram obiter, iam aduersus philologi Gottingensis calumnias pluribus defenderem. Hinc cum ad scribendum nos accingeremus, certe in *Byblidis*

apud NASONEM g) similitudinem ante, quam scriberemus, dubii saepenumero haesimus. Sic enim ille:

*Incipit et dubitat, scribit damnatque tabellas,  
Et notat, et delet, mutat culpatque probatque,  
Inque vicem sumtas ponit positasque resumat.*

Qua de re cum vel post repetitas curas nusquam tata huius anatomes Aegyptiae vestigia deprehenderim, nunquam mihi tantam eius praestantiam fuisse, quanta est maxima, patiar persuaderi.


Sed iam se proripuit, abiit, euolauit nostra haec de Aegyptiorum viscerationibus scriptiuncula. Videte demum Vos, iudices, quid illi faciendum sit, modo ne sitis istius OVIDIANI h) immemores:

*Iudicis officium est, ut res, ita tempora rerum  
Quaerere.*

Vestra iam tota est. Telis vestris atque sagittis patet nudato quasi pectore. Quae si transfodienda videatur, agite feliciter.

g) Metam. IX. 522. sequ.

h) Trist. I. El. I. 37. sequ.





II.

HIPPOCRATES

CORPORA HVMANA

INSECVERIT,

NEC NE?

II

INTRODUCTION

CORROA HYDRA

THE ECHINAT

MEC 188





II.

HIPPOCRATES  
CORPORA HUMANA  
INSECVERIT,  
NEC NE?

---

**Q**uoties mihi inter monimenta scriptorum veterum, quos semper suspexi, colui, veneratus sum, HIPPOCRATIS magni libri in manus veniunt, (veniunt autem saepissime) toties non possum satis mirari, quid sit, quod is et in tanta olim fuerit auctoritate, nulla vt maior esse posset, et hodiernum plurimum apud omnes, qui recte de rebus statuunt, meritorum gloria valeat. Eminent hoc in numero CELSVS <sup>a)</sup>, SENECA <sup>b)</sup>, SCRIBONIUS LARGVS <sup>c)</sup>, GALE-

D 3

NVS

a) L. De Medic. I. 1. Praef. p. 3. et L. VIII. 4. p. 515. ed. *Krausf.*

b) L. de Breuit. Vit. c. 1. p. 310. T. I. ed. Lips. et Ep. 95. p. 409. T. II.

c) In Ep. Dedic. p. 188. Coll. *Steph.* cf. *Meibom.* Comm in lusj. *Hipp.* p. II. sequ.

NVS<sup>d)</sup>, MACROBIUS<sup>e)</sup>, IUSTVS LIPSIUS, maximeque omnium IO. HEURNIVS<sup>ee)</sup>, VAN HORNE<sup>f)</sup>, innumerique recentiorum alii, quos adducere piget, cum fere omnem in laudando modum excedant. Horret profecto mens rigentque capilli, quoties in id genus elogia incido, quae et omnem veri splendorem hebetant, et aeternam hisce auctoribus maculam inurunt, nec, quem amplius in re tam ardua et inuestigatione omni dignissima sequar, usquam video. Eiusmodi enim ingenii deliramenta, sine vlla dubitatione amplexari, quae cum superstitosae HIPPOCRATIS debentur venerationi, tum ob quendam animi fastum, ne errasse videantur, defendi solent vehementer, id nec docti viri est, nec veram diuini senis auctoritatem decet. At vero temere ad sensum sustinendo tantis clarissimorum hominum suffragiis fidem derogare omnem, et cum alii omnino aiant, impune negare, bone deus! quam indignum illud facinus in veterum merita est. Telis certe transfodiendus odioque Vatimiano dignissimus videtur, quisquis aliter sentire publiceque profiteri audeat!

Subrideret profecto placide HIPPOCRATES meus, si suscitatus ab inferis tot incruentas de diuina eius scientia clades, tot pertinaces de anatome

d) L. De Crisib. III. II. p. 445. sequ. T. VIII. ed. Chart. innumerisque locis aliis.

e) In Somn. Scip. L. I. 6. p. 41. ed. Lugd.

ee) Modus Ratioque Stud. Med. c. 5. p. 169. T. I. et Orat. De Medic. Orig. p. 47. seq. T. II. Opp.

f) Microtechn. Epil. §. 2. p. 522.



tome concertationes, cuius cognitionem summam accuratamque ipse sane magnorum virorum more ingenue deprecaretur, tot denique doctas velitationes suis ipsius oculis, sopore letifero gravique veterno discusso, coram agi cerneret. Aut vanus augur sum, aut certe propugnatores suos, nisi duriter, ac maxima cum animi indignatione, at lepide saltem festiueque traduceret, simili fere modo, quo sophistarum genus olim stomachabundus exceperat. Quantum enim hodiernum ut in omnibus litterarum studiis, ita etiam vel maxime in medicina reliquum sit aut ad inveniendum, aut ad melius explicandum, fugere, puto, neminem, perspexitque id praeter BAGLIVVM g), FÜRSTENAVIVM h), PLAZIVM i) aliosque perquam multos suo iam tempore poeta quidam longè clarissimus. Sic enim ille:

*Multa tegit sacro inuolucra natura, nec ullis  
Fas est scire quidem mortalibus omnia. Multa  
Admirare modo, nec non venerare; nec illa  
Inquires, quae sunt arcanis proxima. Namque  
In manibus quae sunt, haec nos vix scire putandum.  
Est procul a nobis adeo scientia veri.*

Quare huc haud inepte illa accommodes, quae de fluminibus olim CORNEL. SEVERVS k) dixerat:

D 4

Occul-

g) Prax. Med. II. 7. p. 194. seq. ed. Antw.

h) Desid. Med. I. p. 1. seq.

i) Progr. De piis medicor. desider. p. 4. sequ.

k) In Desc. Aetnae 125. seq. p. 1584. T. II. Opp. et Fragm. Vet. Lat. Poetar. Lond. 1713.

*Occulta fluunt tectis adoperta cauernis  
Atque inopinatos referunt procul edita cursus.*

Hinc sane, nisi me omnia fallunt, tam temerarium nefandumque facinus est, nihil ut supra, si diuino seni ex eo, quod nusquam terrarum est, aut saltem lubrico coniecturae fundamento sufficitur, fidem, famam, gloriam, auctoritatem denique conciliare velis. Qua in re cum sophistas imitantur magni isti Hippocratei nominis patroni, in pios manes sunt longe iniustissimi, nec ad OVIDII<sup>1)</sup> exemplum dicere solent:

*Ossa quieta, precor, tuta requiescite in urna,  
Et sit humus cineri non onerosa tuo.*

Media mehercule via incedendum est, o amici, idque omni deposito partium studio, ne aut rei, quam tractandam suscepistis, dulcedine abrepti HIPPOCRATI diuino detis auctoritatis captandae gratia, quod certe temporum recentiorum est, aut etiam, spretis eius monimentis frugi plenis et ob insulsum nouarum rerum amorem prorsum posthabitis, ad riuulos, eosque turbidissimos anhelu decurratis, ad fallendam sitim, neque tamen satis restringendam. Dignissimus omnium est HIPPOCRATES, quem nunquam de manibus deponas, quin inde doctior recedas et ad naturae inuestigationem accommodatior, neque ideo susque deque habendus est illico, si quaedam aut nusquam attigit, aut saltem non satis in iis libris, qui

<sup>1)</sup> Amor. III. El. 9. 67.



qui eius nomine circumferri solent, expressa videantur. *Non enim*, inquit philosophus, *parum cognosse, sed in parum cognito stulte et diu perseuerasse, turpe est, propterea, quod alterum communi hominum infirmitati, alterum singulari uniuscuiusque vitio est attributum.*

Quod vt in omnibus medicinae partibus locum habet, quam, auctore CELSO<sup>m</sup>), totam sibi vindicauerat, HIPPOCRATES, ita etiam vel maxime de eius *anatome* dici potest. Insedit enim quorundam animis ista peruersitas, vt non, nisi Hippocratici medici, videri appellarique velint, quippe a magnis quibusque viris eius praestantiam quouis modo summisque encomiis extolli cognoverunt, adeoque si quos in dissecandorum corporum humanorum arte progressus fecerint, sui nominis gloriae cum maxime consultum esse putant, modo ad HIPPOCRATEM senem referant, quicquid praeclare dictum in medicina vnquam est aut bene in anatome gestum, praesertim si in spinosam illam lubricamque quaestionem incidant, *utrum Hippocrates corpora humana insecuerit, nec ne?* Quod quantis prematur difficultatibus, quantisque pateat ridiculorum hominum scommatis, optime norunt ii, qui hac in medicinae parte non hospites aut peregrini sunt.

Cogitanti igitur mihi innumeram clarissimorum medicorum multitudinem, qui pro veritate anatomes Hippocrateae defendenda strinxerunt gladios, quorumque in numero prae ceteris emi-

D 5

nent

m) L. De Medic. I. Praef. p. 3. ed. Krausf.



nent GALENVS<sup>n)</sup>, ANDR. LAVRENTIVS<sup>o)</sup>, CASP. a REIES<sup>p)</sup>, IO. LANGIVS<sup>q)</sup>, IAC. SPONIVS<sup>r)</sup>, IO. RIOLANVS<sup>s)</sup>, ASELLIVS<sup>t)</sup>, MOEBIVS<sup>u)</sup>, MARSIL. CAGNATIVS<sup>v)</sup>, CAR. DRELINCVRTIVS<sup>w)</sup>, LINDENIVS<sup>x)</sup>, PHIL. IAC. HARTMANNVS<sup>y)</sup>, ALMELOVEENIVS<sup>z)</sup>, HERM. BOERHAAVE<sup>a)</sup>, HALLERVS<sup>b)</sup>, TRILLERVS<sup>c)</sup>, sexcentique alii, venit in mentem subuereri, ne omnium omnino hominum impudentissimus nequissimusque esse, causaque mea penitus cadere videar, si tantis tamque praeclaris nominibus repugnare temere ausim. Sed quic-

n) L. De Placit. Hipp. et Plat. VIII. 1. p. 226. seq. T. V. ed. Chart.

o) Hist. Anat. L. I. Qu. 5. p. 28.

p) Camp. Elys. Luc. Quaest. IV. p. 74.

q) Epist. Med. L. I. Ep. 3. p. 15. ed. Hanov.

r) In Praef. Comment. in Aph. Hipp.

s) Anthropol. I. II. p. 76.

t) L. De Lact. c. 6. p. 16. et c. 13. p. 27. ed. Basil. 'cf. Is. Cattierii Obs. Med. XVIII. p. 61. seq. ed. Frft. 1675.

u) Fund. Med. Phys. p. 10.

v) Obseru. Var. IV. 10. p. 625.

w) Opusc. Anat. p. 8.

x) Medicin. Physiol. c. 6. Art. 15. p. 179.

y) Orig. Anatom. c. 6. p. 40. sequ.

z) Inuent. Nou - Antiqu. p. 218.

a) Praelect Acad. Vol. I. p. 24.

b) Opusc. Anat. V. p. 135. sequ. et Prael. Acad. I. c.

c) Opusc. Medico-Philol. T. I. Diff. IV. §. 3. p. III. seq. quo in loco multa eaque praeclarissima hoc de argumento collegit, recensuit, diiudicauit, ad demonstrandam eam sententiam, Hippocratem vere corpora humana insecuisse.



quicquid mihi hac ex licentia minarum pertimescendum sit, aut periculi iniuriarumque subeundum, (id quod expertus dico) tantum tamen abest, ut ab magnorum istorum virorum partibus stare nobis tuto secureque liceat, ut etiam caussis multis, iisque, ni fallor, certis inducti non possimus non modeste dissentire. Fecerunt id iam ante nos FALLÓPIVS <sup>d)</sup>, HERM. CONRINGIVS <sup>dd)</sup>, PITCARNIVS <sup>e)</sup>, HEVCHERVVS <sup>f)</sup>, GOELICKIVS <sup>g)</sup>, BARCHVSENIVS <sup>h)</sup>, BLANCARDVS <sup>i)</sup>, PASCHIVS <sup>k)</sup>, IO. HENR. SCHVLZIVS <sup>l)</sup>, alii, quorum in castra cum transeundum mihi fuerit, non possum non Hippocrateam anatomen, nisi rudem et imperfectam, saltem non ex corporibus humanis diligenter repetitam pronunciare.

Ex quo enim aliquam temporis mei particulam historiae litterariae dicaram, adeoque eam vel invitis

d) Ap. *Linden.* in *Physiol. Med.* c. 7. Art. II. p. 306.

dd) *Introd. in Vniuers. Art. Med.* c. 4. §. 9. p. 147. ed. Hal.

e) *Opusc. Med.* p. 91. sequ.

f) *Oper. Omn.* p. 637. seq.

g) *Hist. Anat.* §. 14. seq. p. II. et *Hist. Med.* p. 525. sequ. qui tamen omnem in refutando *Hippocrate* modum excessisse videtur aut per inscientiam, aut malevolentiam, cum eum nec thoracis situm perspexisse contenderet. In quo vehementer fallitur *Goelickius.* cf. *Bauhin. Theatr. Anat. Praef.* p. 13. vbi plura.

h) *Hist. Med. Diff.* IX. §. 3. p. 126.

i) *Anat. Reform. in Praefat.*

k) *Inuent. Nou-Antiqu.* c. VI. §. 15. p. 348. seq.

l) *Hist. Medic. Per. I. Sect. III.* c. 2. p. 223. seq. cf. *Hist. Anat. Spec. I.* §. 26.

vitae quibusdam iudiciis ex ipsis fontibus, meae ut mos est, vniuersae hauseram, non neglectis recentiorum hominum libris, dici vix potest, quantis haud raro laborare cognouerim erroribus atque deliramentis eos, qui ante nos obiter isto in argumento versati sunt. Saepenumero enim ne verbum quidem usquam apud veteres, quos suae sententiae auctores patronosque adduxerant, extare intelleximus, aut etiam, cum istorum linguam non satis callerent, ludicris versionum crepundiis freti sese identidem optimo cuique ac harum litterarum gnaro ridendos ac excipiendos sibilo praebuerunt.

Accidit id, si quid video, cum maxime in *anatomie*, quae ut inuentorum post mille secula est longe feracissima, ita etiam multis videtur maioris famae gloriaeque fieri particeps, si eius antiquitates ad HIPPOCRATEM usque et ultra diluvium ipsum deduxerint. Sed temere profecto et magna cum diuini senis iniuria. Nam, teste TERENTIO<sup>m</sup>):

*Nusquam ita quisquam bene subducta ratione ad  
vitam fuit,*

*Quin res, aetas, usus, semper aliquid apportet noui,  
Aliquid moneat, ut illa, quae te scire credas, nescias,  
Et quae tibi putaris prima, in experiundo repudies.*

Ante vero, quam ad refellendam hanc magnorum virorum opinionem me accingam, qua HIPPOCRATES humana corpora infecuisse dicitur, sancte  
iam

m) Adelph. Act. V. Sc. 4. init.



iam polliceor et per pios Coi senis manes iuro, me eum AEscVLAPII *successorem* <sup>n)</sup>, *medicinae principem* <sup>o)</sup>, *Θειότατον* <sup>p)</sup>, *omnis medicinae parentem* <sup>q)</sup>, *medicinae Prometheus* <sup>r)</sup> cet. non habere solum, verum etiam semper habiturum, neque vnquam temere magnam eius auctoritatem negaturum, ne mihi ex praescripta iurisiurandi formula *παράβαίνοντι καὶ ἐπιόρχῃντι τ' ἀναντία τοῖς τέων* accidant; excepta tamen illa sentiendi dicendique libertate, vt, si qua mihi secus videantur, saluo HIPPOCRATIS magni honore, discrepare profiterique illud palam liceat, omniumque maxime scientiam eius anatomicam, etsi aliqua sit et pro istorum temporum more peregregia, ex minuta tamen cadauerum humanorum visceratione nullo modo haustam pronunciare. Hinc, vt in marmoribus Arundelianis apud IO. SELDENVM est, *ἐυορχῃντι μὲν μοι εὖ εἴη. Recte iuranti mihi bene sit.*

Medicina quo longius ab priscis temporibus suisque incunabulis repetitur, eo rudior atque simplicior est, adeoque nec licet vltra heroas graecos transcendere, nisi velis densissimis fabularum tenebris circumfundi et tantum non opprimi.

AESCUL-

n) Plato in *Protag.* p. 311. T. I. ed. Steph.

o) Plin. *Hist. Nat.* VII. 51. et Seneca *De Brev. Vit.* c. 1. p. 310. T. I. ed. Lips.

p) Alex. Trall. VI. 1. p. 278. ed. Guinth.

q) Cels. L. *De Med.* VII. 1. p. 405. ed. Kraus.

r) Theophil. *Protosp. De Fabr. Corp. Hum.* V. 19 cf. Meibom. *Comm. in Iusiur. Hipp.* p. 207. seq. vbi plura referuntur.



AESCULAPII enim ipsius *medicina*, a quo oriundus successione quadam naturae fuerat HIPPOCRATES, tota, quanta quanta est, experientia et usu rerum obuiarum constitit, maxime vero vulnerum curatione. Hinc factum est, ut magna ille nominis et artis celebritate cum apud suos esset, tum apud posteros auctoritate valeret plurimum, adeoque ut CELSUS<sup>s)</sup> litteris reliquit consignatum, *quoniam adhuc rudem et vulgarem illam scientiam paullo subtilius excoluit, in deorum numerum receptus est.*

Rudis mehercule illa fuit atque imperfecta, idque, PLATONE<sup>t)</sup> iudice, quia prisca homines nec gulae blandimentis dediti erant, nec desidia inertique otio prorsum difflebant, aut si in quem forte morbum inciderant, quiete, inedia, pharmacisque solis utebantur.

Obtinuit is etiam mos apud *eius filios*, quorum HOMERUS<sup>u)</sup> meminit, adeoque usque ad *Herodici* tempora, ubi alia multa, inuecta pestilenti morum corruptione, videbantur perquam necessaria. Illi vero praeter herbas et radices, ut auctor PLUTARCHUS<sup>v)</sup> est, nihil nouerant, atque sic aegrotis medebantur. Factum hinc est, ni fallor, ut lepide sciteque hanc priscae medicinae conditionem describeret SENECA<sup>w)</sup>.

*Fuit*

s) L. De Medicin. I. Praef. p. 1. ed. *Kräus.*

t) Politic. I. 4. p. 398. T. III. Cels. l. c. p. 2.

u) Iliad. λ. 630. sequ.

v) Sympot. I. p. 159. seq. T. II. ed. *Xyl.*

w) Epist. 95. p. 407. T. II. ed. *Lips.*



*Fuit sine dubio - vetus illa sapientia, cum maxime nascens, rudis: non minus, quam ceterae artes, quarum in processu subtilitas crevit. Sed ne opus quidem adhuc erat remediis diligentibus. Nondum in tantum nequitia surrexerat, nec tam late se sparserat. Poterant vitiis simplicibus obstare remedia simplicia. Nunc necesse est tanto operosiora esse munimenta, quanto valentiora sunt, quibus petimur. Medicina quondam paucarum fuit scientia herbarum, quibus sisteretur fluens sanguis, vulnera coirent paullatim: Deinde in hanc peruenit tam multiplicem varietatem. Nec est mirum, tunc illam minus negotii habuisse, firmis adhuc solidisque corporibus, et facili cibo, nec per artem voluptatemque corrupto. — Quid alios referam, pergit magnus ille philosophus, innumerabiles morbos, supplicia luxuriae? Immunes erant ab istis malis, qui nondum se deliciis soluerant, qui sibi imperabant, sibi ministrabant. Corpora opere ac vero labore durabant, aut cursu defatigati, aut venatu, aut tellure versata: Excipiebat illos cibus, qui, nisi esurientibus, placere non poterat. Itaque nihil opus erat tam magna medicorum suppellectile, nec tot ferramentis atque pyxidibus. Simplex erat ex simplici causa valetudo. — Antiqui medici nesciebant dare cibum saepius, et vino fulcire venas cadentes: Nesciebant saniem emittere, et diutinam aegrotationem balneo sudoribusque laxare: Nesciebant crurum vinculo brachiorumque latentem vim et in medio sedentem ad extrema reuocare. Non erat necesse circumspicere multa auxiliorum genera, cum essent periculorum paucissima. Bene profecto haec omnia naturaeque apposite. Nam tunc demum, cum homines spretis temperantiae fluidis,*



diis, in voluptates proni essent, auctore HORATIO <sup>x</sup>),

*Macies et noua febrium  
Terris incubuit cohors;  
Semotique prius tarda necessitas  
Leti corripuit gradum.*

Quod si verum est, ut est, sequitur, omnem Asclepiadarum medicinam et paucarum herbarum fuisse, et maxime incantamentis, quales *μαλακὰς ἐπαοιδὰς* PINDARVS et GALENVS <sup>y</sup>) ipse commemorarunt, acceptam ferendam videri. Qua de re cum ob vitae simplicitatem morumque castitatem morborum natura tunc temporis non esset recondita, nec opus fuisse videtur corporis humani laceratione ad interiores mali sedes et latebras detegendas.

Satis igitur mirari non possum GALENI aut qui demum cunque auctor introductionis <sup>z</sup>) est, summam impudentiam. Haec quidem experientia, inquit ille, ratione vacua nondumque rationalis fuit. Ceterum perfectam medicinam et omnibus numeris suis absolutam, nimirum diuinam aio, Aesculapius solus inuenit. Illam vero, quae inter homines versatur, huius successores Asclepiadae posteris acceptam tradiderunt. Sapiunt enim haec verba, ut recte iam praesenserat IO. HENR. SCHULTZIVS <sup>a</sup>) callidum

x) Carm. I. Od. 3. 30. sequ.

y) L. Sanit. Tuend. I. 8. p. 53. T. VI. ed. Chart.

z) Introd. c. 1. p. 361. T. II. ed. Chart.

a) Hist. Medicin. Per. I. Sect. II. c. 2. §. 14. sequ. p. 84.



dum GALENI animum, nimirum ut locus relinqueretur, quaecunque imperfecta et manca essent, hominum negligentiae erroribusque imputandi, adeoque etiam studio deditaque opera omnem temporis rationem neglexisse censendus est, similiter ut HYGINVS, qui AESCVLAPIVM medicinae clinicae inuentorem praedicat, quippe id sacro Asclepiadarum instituto penitus repugnat.

At vero multus prae ceteris GALENVS <sup>b)</sup> est in explicanda *Asclepiadarum anatome*, quae quasi hereditatis iure a patre ad filium transierat sic, ut, cum domi apud parentes a pueritia exercerentur lectione, scriptura, cadauerum dissectionibus, nec administrationibus anatomicis, nec libris indigerent. Ecquid istius hominis nugis leuibusque verbis futilius, ecquid stultius? Qui cum fallere vellet, atque sibi omni-que *Asclepiadarum* sodalitati famam vendicare, si eos anatomen probe a pueris calluisse diceret, ea usus tantum non semper inconstantia et mala fide est, ut modo aiat, modo neget; modo in summas effusus laudes sit, si patrium AESCVLAPII numen ac vniuersum *Asclepiadarum* collegium nominet, idque multis de causis commotus, quas breuiter recensuit IO. HENR. SCHULTZIVS <sup>c)</sup>; modo iterum, ubi ad singulos ventum est, acriter eos perstringat, et quam imperiosa eorum medicina <sup>d)</sup>, quam manca, mutila, rudis istorum anatome

b) Introducť. cit. et pag. cit. Administrat. Anatom. II. I. p. 46. T. IV. ed. Chart.

c) Hist. Medic. Per. I. Sect. II. c. 5. §. 4. seq. p. 143.

d) Galen. Method. Medend. I. 1. p. 2. T. X. ed. Chart.

tome vel post HIPPOCRATIS tempora fuerit, dilucide doceat. Quod si non est iniuste agere, reiue suae fidem omnem derogare, quid tandem sit, iuxta cum ignarissimis ignoro.

Quicumque enim ex sacra *Asclepiadarum* familia prognati erant, ii, necesse est, vnam eandemque viam ac rationem in addiscenda corporis humani natura morborumque curatione didicerint et secuti fuerint, si GALENO huiusque doctrinae patronis fides vlla habenda est. Qui factum igitur est, vt quidam rudes ab anatome essent, alii non item? Ista sapientia, nisi omnis fallor, aut nulla omnino fuit, aut vix nobili isthoc nomine digna, quia, teste PLINIO <sup>e)</sup>, *rudis fuit priscorum vita atque sine litteris*. Videtur hinc in omnem *Asclepiadarum* Sodalitatem illud HERACLITI apud ATHENAEVM <sup>f)</sup> cadere dictum, quo soli medici obesse putantur, quo minus primum inter stultos locum meriti-  
tissimo iure adsignemus grammaticis.

Praeclare haec profecto, nec iniuria. Est enim omnis *Asclepiadarum* disciplina sic comparata, vt tantae scientiae locus nullus sit, eorumque fraudes in aegrorum curatione apud veteres tam famosae sunt, nihil vt supra. Ecquid ista ARISTOPHANIS <sup>ff)</sup> imagine, quam coram populo auda-

e) Hist. Nat. XVIII. 29.

f) Deipnos. XV. 1. p. 666. ed. Dalechamp. cf. Schultze. Hist. Med. Per. I. Sect. II. c. 7. §. 60. p. 182.

ff) In *Pluto* Act. III. Sc. II. 20. seq. cf. si placet, *Suidas* voc. *δομνίως*, p. 764. T. I. ed. Port. vbi bonus *Aesculapii* Sacerdos vtrique aegro, *Plutarcho* Atheniensi ac *Domnino* Syro s. Iudaeo tanquam remedium optimum, com-



audacter pronunciauit, significantius est aut magis veritati consentaneum? Neque latere quemquam puto, quam bene quendam impostorem sub AESCVLAPII nomine mentientem LVCIANVS g) descripserit, adeoque non possum non id genus homines eorumque scientiam parui facere, praesertim cum nullum vsquam extet de illorum anatome certum atque indubitatum documentum.

Fac vero, habuisse quosque huius collegii curiosos leuem aliquam corporis humani notitiam, quam vel extispiciis acceptam ferebant, vel ex obuiis inter bellorum strepitus vulneribus hauserant, numquis illam vere dixerit *anatomen*? Ista enim minutae accurataeque animalium dissectiones, si quae vnquam factae sint, et cuiusque arbitrio videntur relictæ fuisse, et minus cum nostri corporis fabrica conuenire. O miserum mendaciorum artificem, GALENUM, cum his doctrinae Asclepiadeae ludibriis ceteros vellet fallere! Boni enim isti viri, PLATONE auctore ac GALENO gg) ipso teste, ne illam quidem medicinae partem satis excoluerunt, quae in *viæus ratione* versatur, atque omnium longe facillima et perquam necessaria est cum ad bene beateque viuendum, tum ad aegros feliciter persanandos. Quod si

E 2

verum

commendauit carnem suillam, etsi diuerso morbo laboranti. Quod cum alter deprecaretur, neque aliam medendi viam ingredi magnus ille numinis interpres dubitauit.

g) In *Alexand.* p. 473. sequ. ed. *Bourdel.*

gg) L. ad *Thrasylbul.* Hygieine medicinae sit, an gymnast. c. 33. p. 30. T. VI. ed. *Chart.*

verum est, quis nostrum, quaeso, sibi amplius persuaderi patietur, eos nefanda sacrilegaque mortuorum laceratione se vnquam contaminasse?

Accedit et illud, quod GALENVS<sup>h)</sup> ipse sic versatur in describenda anatome, vt duas eius species constituat, quarum alteram κατ' ἐπιτήδευσιν, alteram κατὰ περίπτωσιν appellet. Prior illi, quam nos hodie colimus, dissectionis viae ac rationi satis superque respondet, posterior vero debetur casui fortuito vulnerique magno, fuitque haec quasi empiricorum propria. Iam vero cum omnis veterum medicina sola experientia et vñu constet, ecquam tunc temporis anatomen artificiosam locum habuisse censeamus? Equidem vix crediderim.

Male igitur et rei suae, et HIPPOCRATIS auctoritati consulunt, qui in propugnanda corporis humani laceratione hos *Asclepiadas* testes, auctores, duces atque coryphaeos appellant, idque ex GALENI fide. Iure enim meo stomachari mihi atque succensere posse videor, quoties eius libri in manus veniunt, iique cum maxime, quibus HIPPOCRATI suum decus ac pretium statuere allaborat. Inciderat eius aetas, vt inter omnes constare arbitror, in istorum temporum infelicitatem, cum medicina in varias partes ducta et vi quasi distracta, incredibile, quantum deflexisset a mascula illa forma vereque Hippocratica. Quam vt quasi ab inferis reuocaret, pristinoque

h) Definit. Med. n. 34. p. 236. T. II. et Admin. Anat. I. 2. p. 28. T. IV.



noque splendori redderet, turpi medicorum verno discussio, hoc opus, hic labor erat, quem sibi GALENVS proposuerat, adeoque non mirum est; si suae doctrinae vndiquaque lectae atque ex Peripateticorum maxime scholis ductae pretium aliquod et ornamentum proferendis HIPPOCRATIS diuini meritis conciliandum existimaret. Quod quam saepe fecerit, fumumque pro auro vendiderit similiter, iam non licet amplius per temporis angustias et argumenti huius dignitatem anquirere. Attigit id saltem, ni fallor, olim CASP. HOFFMANNVS, magnum Germaniae nostrae decus, cuius immensam in GALENO explicando operam quis est, qui non laudibus summis ac debitis efferat? Quare cum GALENVS probe perspiceret, bonum medicum fore neminem, nisi in anatome bene versatus sit, ecquod mirum, si et diuino seni pereximiam plenamque interiorum corporis humani partium cognitionem attribueret, et vbique clamaret (liceat CELSI<sup>i</sup>) verbis vti) *verisimile esse, et Hippocratem et Erasistratum, et quicumque alii, non contenti febres et ulcera agitare, rerum quoque naturam ex aliqua parte scrutati sunt, non ideo quidem medicos fuisse, verum ideo quoque maiores medicos extitisse.*

Accedit, quod GALENI actas tot tantisque seculorum interuallis ab Hippocratea recedit, adeoque plurimae de singulari magni huius viri anatome, scriptiones aut penitus interciderant temporis iniuria variarumque sectarum odio, aut

E 3

etiam

i) L. De Medic. I. Praef. p. 13. ed. Krausf.

etiam non, nisi vagis *Asclepiadarum* rumoribus, tanquam firmamento stabilitatis, innitebantur maioris famae gloriaeque aucupandae gratia. Hinc, si quid video, tanta GALENO non semper habenda fides est, quantam, si propius ab HIPPOCRATE afuisset, prae ceteris ob assiduam Coi senis lectionem promereretur, praesertim cum nusquam in spatiosis eius voluminibus quaedam veterum medicorum fragmenta, ut alias solet, in medium adferat, quibus haec *Hippocratea anatome* contineatur. Quibus se ita habentibus, non male, puto, colligitur, GALENI auctoritatem hac in re permediocrem videri, nec tantis tamque eximiis laudibus commendabilem, ut multis etiamnum videtur, siquidem ne in eo quidem secum prorsus consentiat, *simia os iuguli habent, nec ne*, cum modo aiat <sup>k)</sup>, modo iterum neget.

Immo vero re ipsa expertus scio, cum nuper in statuendo librorum Hippocrateorum pretio versarer, quam manca, lubrica, et inconstans eius fides sit, quas verborum ambages adhibeat quam calamistratis haud raro vaframentis quam contortulis ac minutulis conclusiunculis identidem vtatur, ut diu cum dubiis GALENI sententiis conflictatus atque in hoc rerum lubrico semel iterumque circumagitatus, tandem essem multo incertior quam ante.

Quid igitur praeclari, amici, ab isto expectemus homine, in enodanda HIPPOCRATIS  
anato-

k) Admin. Anat. V. 3. p. 114. et Dissert. Ner. c. 11. p. 246. T. IV. ed. Chart.



*anatomy*, cuius nec apud ipsum ullum extat vestigium, ut infra pluribus docere animus est, nec apud eos, qui proxime post eius tempora inclauerunt? Quid dignius magno viro est, quid argumento nostro accommodatius, quam tanto diffidere promissori, qui in re coniecturali non coniecturas solum; verum eas etiam, tanquam verissimas, sine vlla cunctatione adhibendas duxit? Abeat igitur GALENVS, resque suas agat feliciter. Eius auctoritatem, cum nulla sit in re tam incerta, nec idoneis suffulta fundamentis, curaturum, spero, amplius neminem. Sed accedamus propius ad ipsum nostrum HIPPOCRATEM.

Dicitur HIPPOCRATES, cuius tam praeclara monimenta sunt, nihil ut supra, a multis, iisque clarissimis viris profecisse. Quorum in numerum etiam, auctoribus CELSO<sup>1)</sup>, SORANO<sup>m)</sup>, SVIDA<sup>n)</sup> ac TZETZE<sup>o)</sup>, referatur DEMOCRITVS, quem in herbarum cognitione rei-que naturalis studio, praesertim vero in *secandis humanis corporibus*, tantum valuisse aiunt, quantum ista aetate nullus. Quod si verum est, mirari satis non possum, quid sit, quod tot vitiosae corporis partium descriptiones in discipuli libris occurrant. *Pigri enim est ingenii*, inquit philosophus, *contentum esse his, quae ab aliis inuenta sunt.*

E 4

Ex

1) L. De Medic. I. Praef. p. 3. ed. Krausf.

m) In Vita Hipp. p. 951. T. II. ed. Lind. Opp. Hipp.

n) Sub voc. Ιπποκράτης. p. 961. ed. cit.

o) Hist. VII. Chil. 155. 945. p. 958. T. II. Opp. Hipp. ed. Lind.

Ex his vero HIPPOCRATIS magni erroribus facile colligitur, nec in *Asclepiadarum* familia confectiones corporis humani ex instituto et minutatim factas esse, quoniam alias sine partium notatione, sine libris anatomicis nullo modo esse potuissent, id quod GALENVS P) nobis persuadere allaborat; neque DEMOCRITVM quicquam ad sedem insaniae percontandam, nisi brutorum animantium viscera, cultro subiecisse, vt dilucide in epistolis Hippocrateis q) proditum est memoriae.

Accedit et illud, quod, cum rerum insecando obseruatarum numerus augesceret indies, neque memoria vlla ad haec comprehendenda ac retinenda satis tenax fuisse videretur, multa medicorum scripta fierent necesse erat, id quod SOCRATES apud XENOPHONTEM confitetur. Iam vero HIPPOCRATES iis tam parce vsus est, vt ea omnino, quae bene ante eum dicta erant, aut imprudenter negligeret, aut etiam generatim, quia nullius frugi erant, iure suo haberet contemtui: adeoque nobis videtur esse verisimillimum, id genus libros anatomicos nullos, artem vero hanc ipsam nullam fuisse, quippe ipse diuinus senex r) *se et cum multis medicis versatum esse, atque cum eorum filiis discipulisue sermones de rebus medicis habuisse, et multorum scripta accepisse publice profiteretur;*

p) Introduct. c. I. p. 361. T. II. et Administrat. Anat. II. I. p. 46. T. IV. ed. Chart.

q) Ep. Hipp. ad Damaget. p. 914. T. II. ed. Lind.

r) Praedict. II. §. 10. p. 495. T. I.



tetur; neque tamen eorum vnquam meminit, si qui hanc insecandorum corporum artem vel calluissent, vel saltem litteris prodidissent.

Fac vero, HIPPOCRATEM, publica Cnidiorum bibliotheca igne flammisque concremata, ex patria demigrasse, vt post ANDREAM SORANVS<sup>s)</sup>, VARRO apud PLINIVM<sup>t)</sup>, IO. TZZES<sup>v)</sup>, sexcentique alii, litteris prodiderunt, id vnum relinquitur, diuinum senem hoc se scelere polluisse ideo, vt omnes omnino scientiae medicae copias, aut saltem, vt PLINIVS<sup>x)</sup> mauult, tabulas votiuas secum tuto deportaret. Iam vero cum ex aduersariorum fide Cous senex eo procederet audaciae, vt scelere tam foedo atque omnium turpissimo famae suae maculam inureret sempiternam, quid, quaeso, eum prohibuit, quominus, quicquid opum medicarum coram erat, rapaci manu tolleret? Quid tam facinorosum hominem impediuit, quin ex templo libros, qui ad humani corporis viscerationem spectabant, aut secum impune auferret, aut, nisi litteris, constarent illa saltem *Asclepiadarum* mysteria palam aperteque diceret ad maiorem illis inuidiam concitandam? At mehercle nunquam huius criminis se reum fecit HIPPOCRATES, cum id et veritati repugnet, et Graccorum instituto, quo nihil sacrilego foedius, nihil detestabilius videbatur, neque

E 5

eum

s) In Vita Hipp. p. 952. T. II.

t) Hist. Nat. XXIX. i.

v) L. cit. in calc. opp. Hipp. p. 958. T. II.

x) L. cit.

eum hac de re vnquam accusarunt aduersarii, adeoque id tam certum est, quam quod certissimum, *nusquam* id genus aut *libros anatomicos reperi-*tos fuisse, aut viscerationibus humanis operam navasse Coum senem.

Sed multis praeterea causis prohibeor, quominus iis adsentiam, qui HIPPOCRATEM *corpora humana vnquam infecuisse, idque sollerter et ex artis lege, publice profitentur.* Vt enim in quacunque re expendenda omnia ea in consilium adhibenda sunt, quae aut eius veritatem maiori luce collustrant, aut ei repugnant quasi ex transuerso, ita etiam hoc in argumento inuestigatione dignissimo versandum mihi prae ceteris videtur.

Peruaserat igitur priscarum nationum animos pestilens ille error, quo *interiores corporis humani recessus et penetralia penitus indagare nefas existimabatur.* Hinc sane, si quid video, CICERO<sup>z)</sup>: *Corpora nostra, inquit, non nouimus; qui sint situs partium, quam vim quaeque pars habeat, ignoramus.* Locum vero habuit ea e ceteris *superstitio*, quantum equidem scio, apud Aegyptios, ex quarum legibus, vt HERODOTVS<sup>a)</sup>, PLUTARCHVS<sup>b)</sup>, DIODORVS SICVLVS<sup>c)</sup>, IAMBlichVS<sup>d)</sup>, aliique litteris prodiderunt, ne in pollinctura quidem licuit viscera curatius perscrutari. Graeci vero

z) Quaest. Academ. IV. 39.

a) Hist. II. 90. p. 121. ed. Gale.

b) Conviv. Sept. Sap. p. 159. T. II. ed. Xyl.

c) Biblioth. I. p. 82.

d) L. De Myster. Sect. VII. 1. p. 144. ed. Gal.



vero eo processerunt dementiae, ut teste HESYCHIO et ipsos vespillones odio haberent eorumque domicilia extra urbem esse vellent, et piaculo praeterea sibi ducerent, si quis insepulto corpore post fata esset. Hinc ab descensu in orcum AENEAM <sup>e)</sup> Cumaea Sybilla hisce verbis prohibet:

*Iacet exanimum tibi corpus amici,  
(Heu nescis!) totamque incestat funere classem,  
Dum consulta petis nostroque in limine pendes.  
Sedibus hunc refer ante suis, et conde sepulcro.*

et paullo post <sup>f)</sup> iterum, miranti AENEAE cum CHARONTEM, nauitam illum tristem ac squalidum, ab traiectu quosdam arcentem cerneret, Sybilla respondit:

*Haec omnis, quam cernis, inops inhumataque turba est.*

*Portitor ille Charon, hi, quos vehit unda, sepulti.  
Nec ripas datur horrendas, nec rauca fluenta  
Transportare prius, quam sedibus ossa quierunt.  
Centum errant annos volitantque haec littora circum;  
Tum demum admissi stagna exoptata reuisunt.*

Natum hinc est Atheniensium edictum de sepeliendis mortuorum corporibus, quod ex AELIANO <sup>g)</sup> adducere nobis liceat: Ὅς ἂν ἀτάφως  
περι-

e) Virgil. Aen. VI. 151. seq.

f) Aen. l. c. 328. seq.

g) Var. Hist. V. 14. p. 122. ed. Scheff. sed violata haec lex fuit, auctore Thucyd. Bell. Pelop. II. 52. p. 114. ed. Oxon. in pestilentia illa, quae Atheniensibus olim tam perniciofa fuit.

περιτύχη σώματι ἀνθρώπου, πάντως ἐπιβάλλειν αὐτῷ γῆν, θάπτειν δὲ πρὸς δυσμὰς βλέποντας. *Si quis in insepultum cadauer hominis incidat, saltem ei terram iniiciat et ita sepeliat, ut ad occasum spectet.* Similis ratio auitae illius opinionis est, qua sepulcris vim inferre nefas ducebatur. Qua de re bene ac eleganter EVRIDES<sup>h)</sup>:

Κακῆϊνο κέκριται μὴ ἐφυβρίζεσθαι νεκρῶς.  
*Et illud statutum, ne quis violet mortuos.*

Nec minus pie in manes fuisse censendus est PHOENICIDES<sup>i)</sup>:

Γαῖαν ἐπιμοιρᾶσθαι ἀταρχύτοις νεκύεσσι.  
Μὴ τύμβον φθιμένων ἀνορύξεῖς, μηδ'  
ἀθέατα

Δείξεῖς ἡελίῳ, καὶ δαιμόνιον χόλον ὄρουσιν.  
Οὐ καλὸν ἄρμονίην ἀναλύμεν ἀνθρώποις,  
Καὶ τάχα δ' ἐκ γαίης ἐλπίζομεν εἰς φάος  
ἐλθεῖν,

Λείψαν' ἀποχομένων· ὀπίσω δὲ θεοὶ τελέ-  
θονται.

Ψυχὰ γὰρ μίμνεσιν ἀκήριοι ἐν φθιμένοις.

Ter-

h) Phoeniss. Act. V. ii. p. 116. ed. Bas. 1562. cf. Cic. Quæst. Tuscul. I. 45. maximeque L. De Leg. II. 22. seq. ubi multis manium iura explicantur.

i) Monitor. 94. seq.



*Terram impertire insepultis cadaueribus,  
Nec tumulum mortuorum refodias, neque non ad-  
spectabilia*

*Soli monstres, diuinamque iram accersas.*

*Inhonestum est hominis compagem resolvere.*

*Et mox e terra speramus nos in lucem prodituros,*

*Defunctorum reliquias: postea vero dii erunt.*

*Animae namque incorruptae manent in mortuis.*

Habebatur hac de caussa omnium miseriarum maxima, si cui ne post fata quidem placide requiescere liceret, idque periculi cum maxime malis hominibus, latronibus patriaeque proditoribus imminebat, vt AELIANVS<sup>k</sup>) auctor est:

Οὐκ ἦν ἄρα τοῖς κακοῖς ἔδὲ τὸ ἀποθανεῖν κέρδος, ἐπεὶ μηδὲ τότε ἀναπαύονται, ἀλλ' ἢ παντελῶς ἀμοιρᾶσι ταφῆς, ἢ καὶ ἐὰν φθάσωσι ταφέντες, ὅμως καὶ ἐκ τῆς τελευταίας τιμῆς, καὶ τῆ κοινῆ πάντων σωμάτων ὄρμῃ, καὶ ἐκείθεν ἐκπίπτουσι. *Malis ne mors quidem*

*prodest, quoniam neque tunc possunt quiescere, sed aut prorsus destituuntur sepultura, aut quanquam sepeliantur, tamen supremum honorem et communem omnium corporum partem amittunt. Accidit id vel maxime* BESSO<sup>kk</sup>), qui *Darium*, Persarum regem, misere occi-

k) Var. Hist. IV. 7. p. 100. ed. Scheff. cf. Galen. Admin. Anatom. I. 2. p. 27. T. IV. ed. Chart. nec non Caelius Rhodigin. IX. 43. sequ. p. 470. ed. Ald. quo in loco permulta de hoc veterum in sepeliendo ritu et opinionibus adferuntur.

kk) Ap. Diod. Sic. Bibl. L. XVII. P. II. p. 554. ed. Rhod.

occiderat; deinde PHOCIONI<sup>l)</sup> quem Athenienses inhumatum proiecerunt; multisque praeter hos aliis; in primis vero PAUSANIAE, ut CORNELIVS NEPOS<sup>ll)</sup>, PLVTARCHVS<sup>m)</sup>, AELIANVS<sup>n)</sup>, et DIODORVS SICVLVS<sup>o)</sup> commemorarunt. Similiterque DIONYSIO tyranno. Nec, si fides QVINCTILIANO<sup>p)</sup> est, Romanus populus sine eiusmodi exemplis fuit. Aegyptiique, ut idem AELIANVS<sup>pp)</sup> auctor est, ab hoc sepulturae honore POMPEIVM magnum prohibuerunt. De proditoribus vero, quibus prae ceteris hoc supplicii genus pertimescendum subeundumque fuit, vide, si placet, PHOTIVM<sup>q)</sup> et HYGIVM<sup>r)</sup>. Qua ex causa etiam in furias actus AJAX apud SOPHOCLEM<sup>s)</sup> haec mala verba ominatus est:

Κακὸς κακῶς ἀθάπτος ἐκπέσοι χθόνος.

*Malus male insepultus excidat terra.*

Habuit

l) Ap. *Aelian. Hist. Anim.* XII. 6. p. 251. ed. *Gesn.*

ll) In *Vit. Pausan.* c. 5.

m) *L. De fera Numin. Vindict.* p. 555. T. II. et p. 566. ed. *Xyl.*

n) *L. cit.*

o) *Bibl. L. XI.* p. 35.

p) *Declam.* 274. p. 468. sequ. ed. *Obrecht.*

pp) *L. cit.*

q) *Biblioth.* p. 1454. cf. *Euripid. Phoeniss. Act. V.* 321. sq. prae ceteris vero *Thucyd. Hist. Bell. Pelopones.* I. 138. p. 77. ed. *Oxon.* ubi expresse de proditoribus in agro Attico non sepeliendis sermo est.

r) *Fabul.* 72. p. 144. ed. *Mythograph. Lat. Augustin. van Staveren.* 1742.

s) *Ajax.* 1248.



Habuit autem maximam ista opinio vim ad plebeculae militisque animum permulcendum, quae, dici vix potest, quantopere eos ad fortiter pro patria obeundum allexerit et tantum non concitarit. Apud EVRIPIDEM <sup>t)</sup> enim pater, cum filius in proelio mortem oppetiisset, sic secum loquitur:

Ἐμός τε γὰρ παῖς γῆς ὅλολ' ὑπερθανὼν,  
Τέννομα λαβὼν γενναῖον, ἀνιαρὸν δ' ἔμοι.

*Meus enim filius pro patria se deuouens periit,  
Splendidum quidem nomen adeptus, sed triste mihi.*

Tantus vero iis ex Atheniensium et Lacedaemoniorum instituto <sup>tt)</sup> honos habebatur, vt et oratione funebri decorarentur, et sepultura splendida.

Porro etiam religioni Graecis ducebatur, quoties inter se dimicarant, corpora mortuorum negligere, vt de *Alexandro* magno <sup>u)</sup> memoriae proditum est. Qua ex re factum est, vt et victi a victoribus inducias ad sepulturam honestam peterent, et hi vicissim suorum manibus satisfacerent, id quod omnium optime ex Lacedaemoniorum <sup>uu)</sup> exemplo patuit, qui a Thebanis PELO-

PIDAE

t) Phoeniss. Act. V. 4. sequ. p. 116.

tt) *Thucyd.* l. c. vbi *Periclis* oratio simul adducitur. cf. *Plato* in *Menexem.* pl. p. 234. T. II. ed. *Steph.* vbi multis de laudatione funebri et sepeliendi ritu differitur. Similiter *L. De Legib.* XII. p. 960. T. II. et *Lucian.* *L. de Luctu,* p. 809. ed. *Bourdel.*

u) *Diod. Sic. Bibl.* L. XVII. P. II. p. 542.

uu) *Plutarch.* in *Pelopid. Vit.* p. 296. T. I. ed. *Xyl.*

PIDAE corpus humandum petierunt. Immo vero duces exercitus capitis rei fuissent iudicati, si quid isto in negotio aut contra leges fecissent, aut saltem cuncta haec maiorum instituta non sancte observassent. Accedit ea Atheniensium superstitio, ut ATARBEN, ob necatum passerem AESCV-LAPIO sacrum, nulla insaniae aut imprudentiae habita ratione, morte mulctarent. Risit nuper hunc nostrum ATARBEN iudex ille, maleuolus Gottingensis v), sed quo iure, nescio. Non enim (fateor) tam ridiculum videtur, a minori ad maius, ut in scholis loquuntur, colligere.

Quod institutum sacrum cum tam alte omnium insideret animis, ut illud prorsum euellere aut funditus extirpare liceret nemini, facile hinc conficitur, qui aut caesorum in bello corpora attingeret, aut terris iamiam mandata denuo atque clam anatomes gratia surriperet, fuisse profecto neminem. Hinc si qua medicis, qui castra sequebantur, vis atque occasio fuit interiora humani corporis inuestigandi, de quo nullus dubito, perexigua certe atque fortuita fuit haec scientia, nec facile ultra vulnorum externorum cognitionem extendenda. Quae si voluissent aut in viuis hominibus sine necessitate ampliare ad penetralia corporis perspicienda, aut mortuos cultro subiicere, similiter sine dubio, ut duces, in famae vitaeque periculum incurrissent, aut saltem habiti fuissent ob crudelitatem suam odio longe maximo dignissimi:  
id

v) Philolog. Biblioth. Stück VIII. Band I. p. 437.



id quod multis seculis post, auctore PLINIO <sup>x)</sup>, propter crebram secandi vrendique lubidinem Romae accidit *Archagatho*.

Fuerunt certe haec omnia impedimento, quo minus plenior humani corporis internarumque partium cognitio cum in veteribus reliquis tum vel maxime in HIPPOCRATE locum haberet. Qui cum, patria relicta, per Thessaliam ceterasque regiones itinera faceret artis causa, nullo mehercle modo potuit, inspectantibus peregrinis hominibus, aut saltem hospitibus hac superstitionis labe contaminatis, per accuratas atque ex maiorum instituto illicitas dissectiones suo nouarum rerum desiderio satisfacere, praesertim si GALENO <sup>z)</sup> sua fides constat, HEROPHILVM primum hominum viscera rescidisse, non vero animantium, ut apud priscos medicos moris fuerat.

Quod si verum est, et quis est, qui huic testimonio temere refragari audeat? quare ad nostram sententiam refellendam HEROPHILVM eiusque adseclas nuper adduxerit philologus Gottingensis <sup>a)</sup>, quem SCHNEIDERVM esse audio, prorsum non video. De his enim nullus vnquam dubitavi; at vero nondum exinde sequitur, eos insecuisse corpora humana, ergo et HIPPOCRATEM. Non profecto est philosophi sic argumentari. Alias enim necesse esset, quia praeterito seculo omnia sagarum erant plenissima, multo magis

x) Hist. Natural. XXIX. 1.

z) L. Dissert. Vulu. c. 5. p. 279. T. IV. ed. Chart.

a) L. cit. p. 428.



magis id fieri hodie oportere, id quod et rei ipsi, et dialecticorum placitis prorsum repugnat. Deinde HEROPHILVS ceterique anatomici a iudice nostro Graeciae adsignantur, idque, vt nobis videtur, quia ibidem nati erant; at in eo vehementer fallitur. Aliud enim est natione Graecus esse, aliud in Graecia ipsa, proximeque ab HIPPOCRATIS aetate, viscera humana inuestigare. Cadit hoc quam maxime in HEROPHILVM, quippe GALENVS <sup>b)</sup> auctor est, eum in vrbe Alexandrina ad anatomen incubuisse, atque aliquam cerebelli partem *calamum scriptorium* appellasse, nomine a similitudine calamorum ducto, quibus Alexandrini utebantur. Ex quo colligitur, iudicem illum durum atque inuidiosum fucum dedisse lectoribus, cum nos exagitando hinc in Graecia a graecis hominibus humana corpora infecta esse temere illis ac sine vlla veterum scriptorum auctoritate persuadere allaboraret. Non enim de eo disceptatur, vtrum Graeci posteriores, maximeque omnium ii, qui Aegyptum incoluerunt, id fecerint, nec ne; id autem quaerimus, an HIPPOCRATIS tempore in Graecia facta sit minuta quaedam humani corporis laceratio, id quod nunquam credo, vere demonstrari poterit.

Sed largi sumus in magnos clarissimosque HIPPOCRATIS mei patronos. Secuerit diuinus fenex corpora humana ad interiores machinae huius recessus ac penetralia perspicienda, huiusque scientiae vsum in medicinam ipsam deportarit.

Qui

b) Admin. Anat. IX. 5. p. 194. T. IV. ed. Chart.



Qui factum est, o cara lepidaque capita, vt magna ista ars omniumque praeclarissima in ipsis incunabulis iugulata quasi vna cum Coosene misere periret? Vnde ridicula ista *de quatuor venarum paribus descriptio* profecta est, quam tantopere a vero abhorrentem POLYBO, discipulo HIPPOCRATIS et socero, nec haesitanter adiudicant contrariae sententiae patroni? At vero, inquiunt, haec non debentur HIPPOCRATI, quia, GALENO<sup>c)</sup> teste, ne coquum quidem haec falsissima esse lateant. Audio. Sed vnde haec nostis, o Vos, qui tam strenue librorum Hippocrateorum auctoritatem suscepistis defendendam? Neque mehercle virum probum decet, tam proterue cum veterum monumentis agere, atque alia, quae nobis non satis arrideant, temerario ausu expungere, alia vero vna cum libro supposititio patienter ferre. Est enim ea in illos, vt nobis videtur, summa iniuria. Sed restant adhuc alia.

Vnde, amabo, descriptiones illae anatomicae naturae haud satis respondentes dimanarunt, quae apud ARISTOTELEM, PLATONEM, aliosque cum medicos, tum philosophos passim occurrunt, cum illi omnino omnes, vt GALENVS<sup>d)</sup> memoriae prodidit, sua quaeque optima ex his Coi senis monumentis hauserint? Studio certe deditaque opera id genus errores, si meliora ex HIPPO-

F 2

CRA-

c) Comment. in L. Nat. Hom. II. Text. 6. p. 137. sequ. T. III.

d) L. De Vsu Part. I. 8. p. 289. T. IV. et L. Placit. Hipp. et Platon. VIII. 5. p. 235. seq. T. V. ed. Chart.



CRA TE viscerationibusque humanis edocti fuissent, nunquam adoptassent. Id enim repugnat et sapientis viri dignitati, et argumenti, quod tractandum sibi sumserant, accurationi.

Sequuntur DIOCLES CARYSTIVS et PRAXAGORAS COVS, quorum alter, teste PLINIO<sup>e</sup>), *post HIPPOCRATEM secundus aetate famaque extitit*, alter vero ex *Asclepiadarum*<sup>f</sup>) familia vltimus et HEROPHILI praeceptor; vterque autem, vt CELSVS<sup>g</sup>) perhibet, *sic artem hanc exercuisse dicitur, vt etiam in diuersas curandi vias processerint*. Sed eamus iam per singula.

DIOCLES CARYSTIVS ex GALENI<sup>h</sup>) mente, cuius auctoritati, tanquam firmissimo fulcro, innituntur ii, qui HIPPOCRATEM cadauera humana inscuisse contendunt, *primus fuit, qui de re anatomica scriberet*. Quod si verum est, neque tanto temere refragari ausim oraculo, praesertim cum et alias<sup>i</sup>) aperte doceat, veteres medicos, in primisque HIPPOCRATEM, non seorsim de hac arte scripsisse, sed immiscuisse passim, quae commemoratu digna videbantur, ceteris libris, qui in victu et morborum curatione versarentur, bone deus! quam multa tunc temporis in Coe fene falsa sint necesse est! Vnde, quaeso, amici

e) Hist. Nat. XXVI. 2.

f) Galen. L. Dissect. Matric. c. 9. p. 281. T. IV, et L. Method. Medend. I. 3. p. 10. T. X. ed. Chart.

g) L. De Medicin. I. Praef. p. 3. ed. Kraus.

h) Administ. Anat. II. 1. p. 47. T. IV. ed. Chart.

i) Admin. Anat. II. 1. p. 47. T. IV. ed. Chart.



amici, ii dimanarunt libri Hippocratici, qui veram hanc secandi corporis viam ac rationem tradunt, et in quorum auctoritate vnice acquiescitis? Aut enim HIPPOCRATIS vere hi sunt, aut non sunt. Si prius verum est, omnium sane bipedum quadrupedumque nequissimus GALENVS est atque hinc ex merito notandus, qui ad tantum veritatis splendorem hebes diuino seni omnem anatomes auitae gloriam crudeliter detrahendam, aliisque temere attribuendam existimauit. Sin vero isti libri, quibus Hippocratea corporis humani scientia continetur, nobili hoc nomine indigni prorsum sunt, tunc sane vos, o amici strenuique anatomes Hippocraticae defensores! vestramque sortem ex animo doleo. Actum est illicet! Ite exequias. *Nusquam est humana anatome HIPPOCRATIS.*

At vero fingamus, DIOCLI CARYSTIO istum honorem deberi, quod primus omnium litteris consignarit id genus dissectiones humanas, vnde tam misera praeclarae huius artis facies? Est enim manca, illa profecto, lacera, mutila, sic, vt etiam, an vnquam praeter bestias cadauera humana insecuerit, iure meritoque dubitare possis, nisi velis cum ANT. PONCIO SANTA-CRVSZ<sup>k)</sup> sentire. *Anatomes peritia, inquit ille, vt aliae artis partes, ab HIPPOCRATE incepit. Quae incipiunt, non valent statim ultimam obtinere perfectionem. Ita contingit, vt posteritas multa adiiciat.*

k) Comment. in Hipp. L. de Morb. Sacr. Text. 33.

Neque vero firma et tuta satis GALENI fides est, cum hac in re coniecturali modo aiat, modo iterum neget, ut est hoc in genere omnium veterum medicorum, quos vnquam legi, longe inconstantissimus. Ille enim cum alias <sup>l)</sup> DIOCLI tantam rei anatomicae scientiam dedisset, quantum, dubito, an vlli, iterum paullo post sui tam immemor est, ut eum corporis humani structuram vix primoribus quod aiunt, labris <sup>m)</sup> degustasse audacter adfirmaret. O praeclarum summi anatomici elogium!

Idem illud de PRAXAGORA Coo eiusque *anatome* dictum esto. Hic enim, si GALENO <sup>n)</sup> fides sua constat, infeliciter in ista re versatus est, nec ultra prima eius tyrocinia elatus, siquidem ei similiter, ut PHILOTIMO, et placitorum ἀποπλάττων, et eorum, quae inter disseccandum apparent, turpem adsignat inscientiam. Hinc diutius ei non lubet insistere, modo id vnum prius addiderim, quod PRAXAGORAS apud RVFFVM Ephesium <sup>o)</sup> primus illi venae, quae a iecinore ad renes pertingit, *cauae* nomen imposuisse febriumque exinde originem repetiisse fertur. Quod si  
verum

l) L. De Dissect. Matric. c. 9. p. 281. T. IV. ed. Chart. cf. Plutarch. Placit. Philos. V. 7. p. 905. sequ. T. II. vbi multae veterum hac de re dubitationes adferuntur: Macrob. Somn. Scip. I. 6. p. 41. ed. Lugd.

m) Gal. l. et p. cit. et L. Vtil. Part. VIII. 12. p. 500. T. IV. ed. Chart.

n) L. cit. et L. Hipp. et Plat. Decret. I. 7. p. 82. et c. 8. p. 84. T. V. ed. Chart.

o) L. Appellat. Corp. Hum. Part. I. 33. p. 109. Coll. Steph.



verum est, et ex viscerum humanorum contemplatione repetitum, quid, per deum immortalem! isti in Hippocrateis monimentis nomini faciundum est, cum ex philosophorum decretis nulla res ante possit appellari, quam detecta sit? Sed de isthac repugnantia videant benigniores illi anatomes Hippocrateae admiratores. Ego enim haec omnia non, nisi ea de re putavi in medium adferenda, ut exinde patefceret, laceram eam vel post magni HIPPOCRATIS fata, illicitam sine dubio graecis hominibus, adeoque pene neglectam fuisse.

At ARISTOTELES, inquiunt, in natura brutorum animantium visceribusque humanis perscrutandis consenuit, adeoque ei facem praeiuit HIPPOCRATES. Aiunt, neque equidem nego, ARISTOTELEM plurimum temporis huic lacerationis generi consecrare potuisse, partim quod plurima hac de re prostant testimonia PLUTARCHI<sup>p)</sup>, PLINII<sup>q)</sup>, GALENI<sup>r)</sup>, AELIANI<sup>s)</sup>, ATHENAEI<sup>t)</sup>, partim quod ex DIOGENIS LAERTII<sup>u)</sup> fide scripserat libros octo ἀνατομῶν, ἐκλογὴν ἀνατομῶν, ἰατρικὰ, περὶ τῆς λίθου, alia, quorum partem aliquam ad nos peruenire passa est temporis iniuria.

Sed pace magnorum virorum, liceat nobis hic iterum dissentire, auctoritatisque gloriam, quam

F 4

exin-

p) In Vit. *Alexandr.* p. 689. T. I. ed. *Xyl.*

q) Hist. Nat. VIII. 16.

r) L. Dissect. Matric. c. 9. p. 281. T. IV. ed. *Chart.*

s) Var. Hist. IV. 19. p. 110. ed. *Scheff.*

t) Deipnos. IX. 13. p. 398. ed. *Dalech.*

exinde in HIPPOCRATEM ipsum redundare cupiunt, vel incutis iis, funditus deprimere. Male enim rei suae consuluisse videntur, qui eodem, quo HOMERUM olim veteres extollebant, modo praeclara quaevis ex HIPPOCRATE, tanquam promo condo, repetunt, atque hinc quemcunque aliter sentientem flammis ac igni perdendum dant. Talem se prae ceteris praestitit ANDR. LAVRENTIVS <sup>u)</sup>. ARISTOTELES, inquit ille, *omnia fere, quae de natura animalium scriptis mandavit, ab uno didicit HIPPOCRATE, cum tamen ingratissimus vir eius nunquam meminerit.* Neque minoris videtur esse impudentiae, ut Hippocratea firma esset anatome, ad ARISTOTELEM, tanquam anchoram sacram, et testem locupletissimum, confugere. Fac enim, hunc vere inscuisse humana cadauera, num exinde maior fit et certior Coisensis scientia? Equidem vix crediderim, cum et res, et communis vitae ratio possint breui a se plurimum discrepare.

Et quid tunc demum rugarum grauitatisque propugnatorum frons contrahet, si, quouis pignore dato, ne ARISTOTELEM quidem vnquam in humanis cadaueribus tempus suum, otium, operam, studiumque collocasse docuero? Videtur enim hic quoque error famae magni huius philosophi atque auctoritati deberi: cuius splendore si semel hebetantur oculi, videas haud raro, quae nusquam sunt. Ecquis vero nostrum hodie tam hebes est atque plumbeus, (sit venia verbo, cum  
fimi-

<sup>u)</sup> Hist. Anatom. VIII. Quaest. 30. p. 331. ed. Frft.



similiter simili in re centies dixerint veteres auctores, saluo tamen delicatulorum quorundam honore) vt, nec a partium studio alienus esse velit, et ex coniecturis vnice pendere. ARISTOTELES enim tot tantisque subsidiis adiutus in animalium viscerationibus, tantum abest, vt multa praeclare dixerit, vt etiam identidem offendat atque incurrat. Quae, si placet, legas apud OL. BORRICHIVM <sup>v)</sup> atque GALENV <sup>w)</sup> ipsum, quo ἀγύμνασος ἐν ταῖς ἀνατομαῖς diserte appellatur.

Quod vero ad *anatomē humanam* attinet, in qua omnium maxime versatus fuisse dicitur ARISTOTELES, cur multi ante me medici, in primisque IO. HENRIC. SCHVLTZIVS <sup>x)</sup>, dubii haeserint, plane non video, adeoque libenter HERM. CONRINGIO <sup>y)</sup> ac DAN. CLERICO <sup>z)</sup> negantibus ex animo assentiendum esse puto. Scriptor enim quisque, quoad eius fieri possit, ex se ipso explicandus illustrandusque videtur, coniecturis vero in re tam ardua fides nulla adhibenda est. Qua de re cum ipse ARISTOTELES <sup>a)</sup>

F 5

exti-

v) Hermet. Medicin. p. 244. sequ.

w) Admin. Anat. VII. 10. p. 157. T. IV. ed. Chart. cf. Cleric. Hist. Medic. Part. I. L. IV. c. 4. p. 258. ed. Amst. 1702.

x) Hist. Medic. Per. II. c. 2. §. 12. seq. p. 360.

y) Introd. in Vniuers. Art. Med. c. 4. §. 15. p. 153. ed. Hal.

z) L. c. p. 264. etsi paullo post (Part. II. L. I. c. 6. p. 31.) iterum in castra propugnatorum inclinasse videtur.

a) Part. Animal. I. 5. p. 481. T. II. ed. Du Vall. cf. Hist. Anim. I. 16. p. 208. vbi internae hominis partes referuntur inter τὰ ἀγνώριστα μάλιστα, alias vero expresse dixerat: Ὅτι οὐκ ἔστι ἀνευ πολλῆς δυσχερείας ἰδᾶν, ἐξ ὧν συνέστηκε τὸ τῶν ἀνθρώπων γένος.

*extispicia humana detestanda* esse profiteatur, nec interiorum corporis humani fabricationem satis patere, quicquid hoc in genere scitu cognituque sit necessarium, sed ex sola bestiarum similitudine repeti oportere doceat, consequens est, ut nihil commodorum atque auctoritatis ex hac philosophi scientia accedere possit magno HIPPOCRATI, siquidem ea viscerationis humanae laus ad HEROPHILVM potius atque ERASISTRATVM pertinet, ut CLERICVS <sup>b)</sup> GALENI fide fretus, nec rei veritati temere repugnans, satis superque docuit. Abeant igitur et res suas agant feliciter IO. RIO-  
LANVS <sup>c)</sup>, et si qui stant ab eius partibus, qui id vnum videntur moliti fuisse studiosius, ut HIPPOCRATEM, ARISTOTELEM et innumeros praeterea alios hac in medicinae parte longe versatissimos fuisse praedicarent, atque quouis modo extollerent.

At vero diserte ARISTOTELES similitudinem hominum et brutorum animantium commemoravit. Scio. Sed id genus loci, qui in his philosophi monumentis occurrunt, aut coniecturis debentur ac vitiosius expressi sunt, aut ab aliena saltem manu profecti, similiter ut illa IULIANI *Diaconi* <sup>d)</sup>, CYRILLI *Archiepiscopi*, ANASTASII, *Doari episcopi*, *Presbyteri Indi*, medicamenta apud AETIVM <sup>e)</sup>, quae non, nisi male sedulae monachi

b) Hist. Med. Part. II. p. 29.

c) Anthropogr. I. II. p. 73. seq.

d) Ap. Aët. Tetrabl. III. Ser. III. 12. p. 555. Coll. Steph.

e) Tetrabl. III. Ser. III. 12. p. 555. et Tetr. III. Ser. I. 24. p. 464. Iterum Tetr. III. Ser. I. 50. p. 508. et p. 554 et 555. Coll. Steph.



nachi cuiusdam adfiduitati suam debent originem.<sup>1</sup> Huc accedit, quod, cum ex istorum defensorum doctrina famae temperandum esset, neque haec mysteria viderentur aut temere propalanda, aut inscianter effutienda, male sibi salutique suae certe consulisset philosophus, si sacrilegae huius scientiae ex hominum visceribus repetitae notitiam ad vulgi aures peruenire passus esset. Id vero, si quid aliud, philosophi personam cum maxime dedecet. Poterat enim, hoc iugo superstitionis excusso, cuncta corporis humani scrutari penetralia, eaque, neglecta nefandae rei huius mentione, litteris diligenter prodere. Quid igitur eum prohibuit, quo minus *interiorum corporis partium positum, colorem, figuram, magnitudinem, ordinem, duritiem, mollitiem*, et id genus alia naturae humanae apposite exprimeret? Hac profecto via et ratione cum gloriae suae ipse prospexisset, tum grata posteritas tantorum meritorum laete meminisset. Sed, proh dolor! eius anatome vix ultra bestiarum cadauera processit, alias enim non in tam turpes grauesque errores incidisset, *occiput esse vacuum, mulieribus unam cranii suturam, maribus tres a natura datas esse, cerebrum omnino vasis motuque destitui, nervos a corde dimanare* cet.

At vero ipse ARISTOTELES <sup>f)</sup> τὰ παραδείγματα, et τὰ σχήματα appellat, atque τῆς διαγγρα-

f) Hist. Animal. I. 17. p. 212. et L. III. 11. p. 237. T. II. ed. Du Vall. aliisque locis perquam multis. cf. Schultze. Hist. Anat. Spec. II. §. 6. et Io. Riolan. Anthropogr. I. 12. p. 78.

διαγραφῆς τῆς ἐν ταῖς ἀνατομαῖς meminit. Egregie vero, quasi nemo dissectorum et veterum, et recentiorum, imagines partium ad animantium corpora exprefferit. Quem enim nostrum fugit, patrum memoria multa exinde παραδείγματα sumpta fuisse? Nonne maxima anatomicorum cohors, quae pristinis seculis inclaruerant, in bestiarum lacerationibus solis fere acquieuerunt aut saltem inuentorum gloriam inde repetierunt? Sunt ex hoc numero, ni fallor, DEMOCRITVS, GALENVS, SEVERINVS, ALDROVANDVS, CASTELLVS, BRONZERVVS, PANAROLVS, THOM. BARTHOLINVS, ASELLIVS, HARVEIVS, WALAEVS, PECQVETVS, et nostra aetate omnium maxime HALLERVS, cui quantum res medica debeat, et, nisi vanus augur sum, post mille secula debitura sit, vel me non monente perspectum habet optimus quisque. Sed haec de ARISTOTELE haecenus. Non enim huic argumento aliam ob causam immorati sumus, quam vt quosdam a nimia Hippocrateae anatomes veneratione auocaremus, et si fieri possit, ad meliorem frugem reduceremus.

Quod si nec ARISTOTELES atque recentiores medici viscerationibus humanis vacauerunt sic, vt nullus dubitationi amplius locus esset, neque RVFFI<sup>g)</sup> ac GALENI<sup>h)</sup> tempora sic abundarunt cadaueribus, vt ad animantia, simias latro-

num-

g) Appellat. Corp. Hum. Part. I. 2. p. 102. Coll. Steph.

h) Admin. Anat. I. 2. p. 27. T. IV. It. L. III. 5. p. 79. et L. VI. 1. p. 128.



numque infepultorum ossa haud raro confugiendum esset, efficitur, nihil HIPPOCRATIS magni auctoritati detrahi, si eum a pleniori curatiorique humani corporis cognitione, nisi omnino rudem, at saltem mediocriter in ea et probabiliter versatum fuisse consemus.

Taedio profecto iis forem, qui rei litterariae, in primisque antiquitatum medicarum, longe sunt gnarissimi, si, omnium omnino *anatomes Hippocrateae defensorum argumentis* exactius discutiendis, demonstrandum mihi sumerem, quantopere a se ipsi dissenserint hac in doctrina confirmanda. Velim tamen huius rei cupidos prae ceteris ad TRILLER<sup>i)</sup>, viri clarissimi, senisque venerabilis, dissertationem amandatos. Semper enim hic mihi erit magnus APOLLO. A cuius sententia etsi nobis variis de causis recedendum est, tam grauitè tamen omnia, eaque, qua solet, diligentia, accuratione, eruditione denique summa sibi pertractanda sumsit, ut saepenumero, qua ratione hos laqueos elaberer, vix ac ne vix quidem peruiderem. Ea enim gaudet doctrinae varietate, eaque artis medicae peritia, ut eorum, quos ipse senex hic venerabilis legit adhuc diligentiusque versauit, librorum numerus vix iniri queat. Hinc ei hoc in litterarum veterum et medicinae masculae genere vix quemquam noui parem, superiorem certe neminem. In ista enim scriptione academica, quicquid medicorum clarissimi olim de simili

i) Opuscul. Philol. Med. Tom. I. p. 107. seq. in Diss. De HIPPOCR. Studio Anatomico singulari.



simili argumento dissimilique fortuna in vtramque partem conscripserant, tam bene, ut solet, collegit acerrimaque ingenii ac iudicii vi a se inuicem distinxit, ut facile videas, modo animus ab omni partium studio abstrahatur, horum defensorum plurimos in hac demonstranda humanorum viscerum scientia, qua HIPPOCRATES gauisus sit, aut nimium dedisse GALENI auctoritati, ac minutula quadam vsos fuisse diuidendi ratione, aut etiam rem istam delicatulam sane ac errorum feracissimam pertractasse sic, ut in eorum argumentis non tuto semper liceat acquiescere.

GALENO enim, ut supra vidimus, hac in re nullus honos est, nullum pretium. CASP. AREIUS<sup>k)</sup> autem ab HIPPOCRATIS partibus stetit tam strenue, ut eum primum corpora humana insecuisse audacter perhiberet; id quod et GALENI fidem prorsum tollit, et auitas *Asclepiadarum* lacerationes infirmat admirabiliter. IO. LANGIVS<sup>l)</sup> in eo argumento, quod a futuris se deceptum professus erat HIPPOCRATES, sibi mirifice placuit, nihilo tamen secius id vel ex vulnrum natura, repetendum fuit, vel ex obuiis quibusque latronum inhumatorum capitibus facile perspiciendum. MOEBIO<sup>m)</sup> vero videntur quaedam enunciationes, tanquam verissimae atque extra omnem dubitationis aleam positae, quae hoc nomine insigniendae non sunt. ASELLIVS<sup>n)</sup>,  
vt

k) Camp. Elys. Iucund. Quaest. IV. p. 74.

l) Epist. Medicinal. L. I. Epist. 2. p. 14. ed. Hanov.

m) Fundam. Physiol. Med. p. 10.

n) L. De Lactib. c. 6. p. 16. et c. 13. p. 27. ed. Basil.



vt eo maior esset et praestabilior inuenti sui gloria, illudque ab antiquitate fieret diuinius, HIPPOCRATEM ipsum auctorem, ducem, testem, appellauit perhonorifice. CAR. DRELINCVR-TIVS <sup>o</sup>) tam mirus Hippocrateorum meritorum laudator et admirator est, vt venerationi dedisse videatur omnia, veritati autem nihil vel admodum parum. LINDENIVS <sup>p</sup>) vt erat veterum scriptorum cultor integerrimus et vir auctoritatis haud spernendae, ita etiam humani corporis indagatio-nem vel vltra ipsius HIPPOCRATIS aetatem ex-tendere conatur, in quo an bene reique apposite versatus sit, penes alios, eosque iustos antiqui-tatum medicarum aestimatores, esto iudicium. ALMELOVENIVS <sup>q</sup>) probationi coniecturali omniumque leuissimae, ac mutabili, qualis hepa-tis situs est, tanquam firmamento stabilitatis, inni-titur, et nihilo tamen secius libros Hippocrateos GALENI loquacitate corruptos misere fuisse profi-tetur. Similiter se gesserunt IAC. SPONIVS <sup>r</sup>), MARSIL. CAGNATVS <sup>s</sup>), PHIL. IAC. HART-MANNVS <sup>t</sup>), multique praeterea alii, quos iamiam nominare nec licet, nec per partes eundo per-censere placet.

Ex maxima igitur clarissimorum medicorum dissensione, nisi totus fallor, facile colligitur, hanc quo-

o) Praelud. Anatom. p. 8. et passim in Opuscul.

p) Physiol. p. 179.

q) Inuent. Nou-Antiqu. p. 218.

r) In Comment. Aph. Hipp. Praef. et passim in opere ipso.

s) Obseru. Var. IV. 10. p. 625.

t) Origin. Anatom. c. 6. p. 40. sequ.



quorundam doctrinam, qua HIPPOCRATES ex sedula cadauerum humanorum inuestigatione optima quaeuis repetiisse dicitur, non adeo tutam atque certam esse, vt magni nostri aduersarii et sibi, et aliis persuadere cupiunt. Neque ea opus distinctione est, vt *subtiliorem a subitanea, utiliorem a sterili* minusque necessaria *sectione* seiungamus. Si enim eam in HIPPOCRATE desideres corporis humani cognitionem, qua nostra aetate MORGAGNII, HALLERI, MECKELII, NEUBAVERI, LOBSTEINII, alii, omnium oculos in se conuerterunt, tunc profecto videremur in priscorum seculorum dignitatem magnorumque virorum merita longe iniustissimi. Sin vero omnis lis atque disceptationis momentum in eo versatur, *utrum HIPPOCRATES, quicquid scientiae de corporis humani partibus atque fabrica illius libris continetur, ex intimis cadauerum penetralibus sollerter deditaque opera hauserit, nec ne*, tunc sane non possum non plane dissentire pedibusque in contrariam ire sententiam. Prohibent enim haec cum gentis suae *superstitio*, quae illo tempore nondum ex omnium animis exiderat, *instituta maiorum*, ac *argumenta* reliqua longe *grauissima*, quae supra leuiter saltem attigimus, tum vero vel maxime ii ipsi loci, qui in libris *Hippocrateis* passim leguntur, et ab aduersariis, quasi omni exceptione maiores essent, ad pleniorrem eius scientiam anatomicam defendendam adhibentur, lubrico minusque tuto innituntur firmamento stabilitatis, nec opinioni illorum satis respondent.



Primo enim *librorum Hippocrateorum integritas non satis est explicata*, adeoque nec vbiuis licet eorum abuti auctoritate. Quae res etsi aduersariis omnes suas opes eriperet ac propugnacula labefactaret, sic, vt manus victas dare cogerentur, si in oppugnanda hac scientiae Hippocrateae parte tam minute philosophari vellemus, vt multis nuper in  *censura nostra* fecisse videmur; tamen iis, quoniam, hoc pignore dato, certare recusant, omnia ista concedere nobis est animus. Nolo igitur mihi dari, quosdam libros Hippocraticos non esse HIPPOCRATIS. Sint, si ita placeat, omnes, omnino aequabiliterque integri ac tanto dignissimi nomine. Ideone HIPPOCRATES interiorum humani corporis partium posituram, figuram, ordinem, insecando perspexit, quia id genus loci passim occurrunt? Nobis non ita videtur. Quae de re ipsum diuinum senem perorantem audiamus, neglecto tamen omni librorum ordine, prout quisque in manus venerit, posthabitaque magnorum virorum auctoritate, quorum meritis, modo per argumenti veritatem fieri possit, nihil vnquam detraham. Quae propter etsi nondum in litterarum bonarum contubernio et sodalitate consenuerim, nec videar vlla esse nominis gloria conspicuus; etsi denique medicus sim scilicet, adeoque, vt philologo videtur Gottingensi, *Dauus*, non *Oedipus*, id vnum tamen velim mihi dent aduersarii, vt, quae de causa dissentiam, tuto atque sine vlla cunctatione pronunciare mihi liceat. Denegauit enim mihi (o me miserum!) natura illam morum facilitatem animique flexus, vt, veritate aut spreta, aut sal-



tem adulando corrupta, in PYTHAGORAE cuiusdam recentioris auctoritate acquiescam vnice, aut etiam in magistri verba iurando tela hominum aliter sentientium hoc solo: Αὐτὸς ἔφα! retundere allaborem.

Omniū igitur locorum, quae defendendae anatomes Hippocrateae gratia vulgo proferuntur, principem libro περὶ σαρκῶν ἢ ἀρχῶν <sup>u</sup> reperire me memini. Commemoratur enim ibi humor crystallinus cum in hominum, tum animantium oculis reperiendus. "Εστὶ δὲ ὑγρὸν κολλῶδες. πολλάκις γὰρ ὁπώπαμεν ἐπὶ συρῶραγέντος ὀφθαλμοῦ ἐξίον ὑγρὸν κολλῶδες. κῆν μὲν ἢ ἔτι θερμὸν, ὑγρὸν ἐστίν. ἐπειδὴν δὲ ψυχθῇ, ἐγένετο ξηρὸν, ὥσπερ λιβαίνωτος διαφανής. καὶ τῶν ἀνθρώπων καὶ τῶν θηρίων ὁμοίον ἐστίν. Humidum vero oculi glutinosum existit. Saepe enim vidimus in oculo rupto exire humorem glutinosum: Et si quidem adhuc calidus fuerit, liquidus est. Postquam vero perfrigeratus est, siccus euadit, velut thus transparens. Atque hoc et in hominibus et in brutis similiter habet.

Bene haec praeclareque (fateor) omnia, neque equidem nego, praesertim si, quae hunc locum antecesserant, curatius attendas, HIPPOCRATEM, aut quisquis demum huius libelli auctor est, in oculi structura, eiusque tunicis atque humoribus non hospitem atque peregrinum fuisse. Immo vero facile concesserim, eum hac certe descriptione facem praetulisse iis omnibus, qui multis seculis

<sup>u</sup>) L. De Carn. §. 18. p. 123. T. I. edit. Lind.



seculis post hanc in viam ingressi sunt. At vero hinc nondum sequitur, Coum senem studio deditaque opera corporis humani viscerationes suscepisse. Nonne illi, vt erat omnium, qui vnquam fuerunt, sunt, erunt, medicorum in obseruando accuratissimus atque diligentissimus, contingere potuit fabricam oculi ex obuiis quibusque bestiis intelligere, deindeque haec ad hominem ipsum accommodare? Quid, quaeso, eum prohibuit, quo minus in viuientium mortuorumque oculos curiosius intueretur, atque exinde maiorem obseruationi suae fidem conciliaret? Ecquod mirum est, HIPPOCRATEM, cum ex istorum temporum more multus in chirurgiae studio esset, oculorum naturam sedulo inuestigasse? Nec certe eius defuit diligentiae discendique desiderio experimentorum campus, in quo longius exspatiaretur. Fieri enim facile poterat, vt quis aut per vim et legum auctoritatem oculis priuandus esset, quale quid ex ZALEVCI Locrensis instituto vñu venisse auctor idoneus AELIANVS v) est, aut etiam eos morbi vehementia praegressaque inflammatione in abscessum transformari cerneret, id quod, nisi me omnia fallunt, verbis istis, συρροαγέντος ὀφθαλμοῦ, expresserat. *Ingentibus enim et variis casibus, auctore CELSO w), oculi patent. Qui cum magnam partem ad vitae simul et vsum et dulcedinem conferant, summa cura tuendi sunt.* Hinc enim inflammationes, lippitudines, tumores, exulcerationes, caligines, suffu-

G 2

siones,

v) Var. Hist. XIII. 24. p. 258. ed. Scheff.

w) L. De Medicin. VI. 6. p. 346. ed. Kraus.

fiones, resolutiones, et haud raro intus ruptus oculus. *Qui si foras iam ruptus procidit, eodem CELSO x) teste, sine auxilio est.*

Quae vitia cum tantum non semper extrinsecus accidunt, atque offendant, externisque abigantur remediis, satis mirari nequeo, quid sit, quod hac de re multi, iique clarissimi medici HIPPOCRATEM humana corpora infecuisse gloriantur. Incidunt enim medici ocularii, quales in primis CELSI y), MARTIALIS z) atque GALENI tempore perquam multi inclaruerunt, quotidie in id genus morbos: curant inflammationes, ulcerationes, abscessus, suffusiones, et sexcenta praeterea mala, idque haud raro ex artis lege medicorumque formulis, etsi leuissimam profecto de oculi natura cognitionem habeant. An ideo ii haec omnia sic, ut DVVERNEIVS, ZINNIVS, aliique fecerant, ex ipsis humani corporis lacerationibus addidicisse censendi sunt? Minime gentium. Imagunculis et bestiarum oculis sua quaevis haud raro debent, adeoque non male colligitur, HIPPOCRATEM oculi fabricationem similiter intellexisse, cetera vero tulisse fato in acceptis.

Alius locus in libro *περὶ καρδίας* a) occurrit, quem multis adducere fas est. *Καὶ τὴν καρδίην ἀποθανόντος, ἣν τις ἐξεπιστάμενος τὸν ἀρχαῖον κόσμον*

x) L. c. p. 348.

y) L. V. 6. p. 352.

z) L. VIII. Epigr. 74: et L. XI Epigr. 56. et iterum L. XI. 85.

a) L. De Cord. §. 8. p. 292. T. I. ed Lind.



κόσμον ἀφελών, τὴν μὲν ἀποσερήσει, τὴν δὲ ἐπανάκλινεῖ, ἔτε ὕδωρ αὖν διέλθοι ἐς τὴν καρδίην, ἔτε Φῦσα ἐμβαλλομένη. *Et si quis veteris eximendi cor animalis mortui, moris gnarus, aliam auferat, aliam reclinet, neque aqua, neque flatus immissus in cor penetrarit — Quid inde, amici? Fuitne igitur HIPPOCRATES in perscrutanda viscerum internorum natura longe versatissimus? Non ita est, nec ipsi FOESIO <sup>b)</sup> videtur. Nam ipsa illa verba, ἣν τις ἐξεπισάμενος τὸν ἀρχαῖον κόσμον ἀφελών, videntur mihi, etsi lynceis non praedito oculis, scholam Alexandrinam, aut si mauis, vulgaria sapere extispicia, adeoque non mirum est, si is, a quo libellus iste profectus est, hunc ritum inter omnes constare arbitraretur. Fac vero, HIPPOCRATEM ipsum interna corporis humani viscera sedulo rimatum esse, vndenam iterum, quaeso, perridicula illa et peruetusta ALCAEI <sup>c)</sup> opinio, quam hisce verbis expressit: Πίνει δὲ καὶ ἐς λάρυγγα, τιτθὸν δὲ, οἶον καὶ ὁκόσον αὖν λάθοι, διὰ ρύμης ἐσρυνέν. *Bibit autem et in guttur ac arteriam, minus vero et quantum latere possit, per rimam illapsum? Cur in demon-**

G 3

stranda

b) L. Not. ad h. l. p. 324. ed. Francof. 1621. vbi haec verba ad antiquum sacrificiorum ritum referuntur, in quo cor eximebatur et aris imponebatur, ut de rerum euentu certior diuinatio institueretur. Sic Foësius, testemque adducit Galen. L. Placit. Hipp. et Plat. II. 7. p. 106. T. V. ed. Chart. Sed ibi (fateor) nihil hac de re praeter cordis naturam ex Chrysippi sententia legitur.

c) Ap. Gell. Noct. Att. XVII. 12. p. 246. ed. Ald. et Macrob. Saturn. VII. 15. p. m. 559. sequ. vbi paullo aliter locus ille adfertur. cf. Hipp. L. h. §. 1. p. 289. T. I.

stranda experimentorum veritate sues, illud pecudum genus ἔκ ἐπιμελές, ἔδὲ Φιλόκαλον, ipse appellat, non homines, quas saltem mortuos similiter poterat consulere? Cur denique alio loco <sup>d)</sup> ex discisso maclatorum animantium corde fidem sibi parare allaborat, neglecta humani corporis mentione? Huc accedit, quod praeter alia multa, quae de cordis fabricatione cum sollerter lecta reique apposite dicta sunt, tum vel maxime desumpta ex animantium cadaueribus, HIPPOCRATES ipse in eius vasis etiam τῶν ἀορτέων <sup>e)</sup> meminit, idque paullo post per μεγάλην ἀρτηρίην, explicandum putavit. Iam vero bonus GALENVS <sup>f)</sup>, cuius auctoritas, incredibile, quantum hac in re multorum fascinauit oculos, hanc aortae gloriam ARISTOTELI demum, non HIPPOCRATI, adsignavit. Adeste igitur, o vos, qui strenui estis Hippocratei nominis vindices! Adeste atque videte, qua ratione sint haec omnia inter se concilianda. Nam

*Frigidus, o pueri, fugite hinc, latet anguis  
in herba;*

*Parcite — nimium procedere; non bene ripae  
Creditur.*

Sed haec haec tenus. Progrediamur ad alia.

Verfatur

<sup>d)</sup> Hipp. L. cit. §. 9. p. 293.

<sup>e)</sup> L. cit. §. 7. et 8. p. 292. et §. 9. p. 293. cf. si placet, Foëssi Oecon. Hipp. voc. ἀορτή, p. 66. seq. ubi variae huius vocabuli significationes rite accommodataeque rei explicantur, omisso tamen hoc loco, in quo non potest non aortae nostrae respondere.

<sup>f)</sup> L. Art. et Venar. Dissect. c. 9. T. IV. ed. Chart.



Versatur liber ille Hippocraticus, quem vulgo  
 περὶ ὁσέων Φύσιος g) inscribunt, in ordinanda  
 ossium natura, neque, vt nobis videtur, infelici-  
 ter, quippe haec descriptio est satis accurata. Vi-  
 dentur vero haec prae ceteris commemoratu digna:  
 Ἐπίπροσθεν δὲ κατὰ τὸ σῆθος, χαῦνον καὶ  
 μαλθακὸν τὸ ἄκρον ἔχουσα, εἶδος ῥεβοιδέσα-  
 τον τῶν ζώων. σενότατος γὰρ ταῦτη ὁ ἄνθρω-  
 πος ἐπ' ὀγκῶν. *Ab anteriore autem parte iuxta*  
*pectus, laxam ac mollem summam partem habentes,*  
*specie prae cunctis animalibus maxime obtorta. Hac*  
*enim parte angustissimam molem homo habet.* Dixit  
 (fatebor enim) HIPPOCRATES, humanam natu-  
 ram a bestiis plane abhorrere, proferunturque ibi-  
 dem in medium κληίδες περιφέρεις, quae certe  
 non, nisi hominis, sunt. Sed, pace magnorum  
 virorum, quare hanc ob causam HIPPOCRATES  
 in cadauerum humanorum inuestigatione totus  
 fuisse dicendus sit, iuxta cum ignarissimis ignoro.  
 Fac enim, eum inter peregrinandum varia artis  
 ministeria obiisse, et vel ipsos Aegyptios, si ad  
 coniecturas lubet confugere, scientiae adaugen-  
 dae gratia adiisse, insecuitne hinc ipse corpora  
 humana, quia fortasse ibidem pollincturae cuidam  
 interfuerat? Adeone occalluisse medicorum ani-  
 mos, vt ludicris sese fabulis totos dent, modo  
 quid decoris et ornamenti exinde Hippocrateo  
 nomini accesserit? Nouerat Celsus senex ossa, eo-  
 rumque naturam, ordinem, positum, quippe haec

G 4

facile

g) L. Off. Nat. §. 5. p. 295. T. I. ed. Lind. Ap. Foëf. vero  
 in L. Mochlic. locus iste quaerendus est.



facile patent oculis, idque aut ex maleficorum cadaueribus didicerat, quae, ut supra docuimus, insepulta ob facinorum suorum turpitudinem relinquebantur, aut etiam fuisse quandoque casu quodam interiora corporis aperta credibile est. *Interdum enim*, inquit CELSVS <sup>h)</sup> ex empiricorum mente, gladiatorem in arena, vel militem acie, vel viatorem a latronibus exceptum sic vulnerari, ut eius interior aliqua pars aperiat, et in alio alia: ita sedem, positum, ordinem, figuram, similiaque cognoscere prudentem medicum, non caedem, sed sanitatem molientem, idque per misericordiam discere, quod alii dira crudelitate cognouerant. Ob hoc ne mortuorum quidem lacerationem necessariam esse, quae etsi non crudelis, tamen foeda sit, cum aliter pleraque in mortuis se habeant. Quantum vero in viuis cognosci potest, ipsa curatio ostendat.

Similis ratio loci illius est, quem in libro *περὶ Φλεβῶν* <sup>i)</sup> legere me memini. *Τὰ κῶλα ἔχει κοινῶς μείζω. ἡρτηται δὲ ἐκ τῶν μεσοκόλων· ταῦτα δὲ ἐκ νεύρων ἀπὸ τῆς ῥάχιος ὑπὸ τὴν γαστέρα.* Intestina crassa homo maiora, quam canis habet. *Dependent autem ex mesenterii membrana, quae mesocolon hac parte vocatur. Mesocolon autem ex nervis de spina sub ventrem.* Eadem vero fere verba iterum L. *Ἐπιδήμ. 5.* <sup>k)</sup> expressa sic sunt, ut alius  
ex

<sup>h)</sup> L. De Medicin. I. Praef. p. 12. ed. Kraus.

<sup>i)</sup> L. De Ven. §. 1. p. 297. T. I. ed. Lind. at ap. Foëf. L. Off. Nat. p. 274. Sect. III. continetur.

<sup>k)</sup> Epid. VI. Sect. IV. p. 808. T. I. Priori loco habet ed. Lind. *κοινῶς*, similiterque Foëf. l. c. *Chart.* vero *κυνός*.



ex alio sumtus videatur, nisi quod hic legatur, τὰ κῶλα ἔχει οἷα κυνὸς, μείζω δέ. An quid hoc testimonio dilucidius? Neque tamen haec, quae medicorum clarissimi illi inesse putant, vspiam video, partim quod hoc in loco editiones tantum non omnes, quas adhuc inspicere nobis licuit, a se discrepant incredibiliter, et plerumque κοινῶς habent, id quod τῷ ἐπιπολὺ respondet, partim quod is, a quo profectus iste liber est, nimius in demonstranda quatuor venarum origine est, in quem errorem, si vnquam viscera humana insecuisset, nullo modo incidere poterat, neque etiam haerere, vnde venarum per corporis anfractus deductarum prima repetenda sit. Id vnum addidisse sufficiat, libellum hunc posteriorem, paucis exceptis maculis, quas aut inscientia offuderat, aut alleuerat incuria, accuratione aetatem Hippocraticam quam longissime superare, atque esse bonarum rerum feracissimum.

Alia in mentem venit aegri *Maliensis historia*, quae L. Ἐπιδημ. έ. <sup>1)</sup> legitur. In qua cum omnis eorum posita fides, spes, auctoritas sit, qui HIPPOCRATEM viscera humana indagasse perhibent, li-

G 5

ceat

At in L. Epid. leg. *Lind. Foëf. et Chart.* κυνὸς, et consentit *Galen.* Comm. in h. l. IV. Text. 7. p. 479. T. V. vbi haec omnia dicit ab *Hipp.* εἰς ἀνάμνησιν τῶν ἀνατομικῶν θεωρημάτων scripta fuisse. Sed addit *Foësius*: *Et hic totus locus adeo vitiose describitur in omnibus exemplaribus, ut Aldini codices asteriscum vitii indicem hic apponant.* Vulgaris autem lectio, κυνὸς, quam priori loco inuenias, quamque plurimi virorum doctorum sequuntur, profecta a *Cornario* est.

1) L. Epidem. V. §. 13. p. 778. T. I. ed. *Lind.*



ceat nobis verba ipsa, ut hoc in argumento fas est adducere: Ὁ μαλιεὺς, ἅμαξα αὐτῷ ἐπὶ ἡλθε ἄχθος ἔχουσα ἐπὶ τὰς πλευράς, καὶ κατῆξε τῶν πλευρῶν· καὶ χρόνων αὐτῷ ὑπέστη πύον κάτωθεν τῶν πλευρῶν. ὑπὸ τὸν σπλῆνα καυθεῖς, ἔμμοτος ὢν, ἀφίκετο ἐς δέκα μῆνας. ἀνατμήθην τὸ δέρμα ὅπῃ ἐφάνη ἐς τὸ δέρτρον ἐπὶ θάτερα ἀφίκεσα. καὶ πρὸς τὸν νεφρὸν καὶ πρὸς τὰ ὀστέα ἐπὶ ἡλθε σαπρά. τέττε ἦτε σχέσις τῷ σώματος παρέλαθεν, ἐπίχολος ἔσα, καὶ ἐν τῷ σώματι ἡ σηπεδὼν ξηρὴ τῷ δέρτρῳ πολλή, καὶ ἄλλων σαρκῶν, ἃς ἔδει αὐτίκα ἐμβάλλειν, εἴ τις ἐδύνατο. Ξηρῷ Φαρμάκῳ, ἕως ἰσχύειν τινα εἶχεν ὁ ἄνθρωπος. ἀπὸ γὰρ τῶν ὑγρῶν ἔδεν ἐπεδίδω, ἀλλ' ἐσήπετο. ἀπὸ δὲ τῶν μοτῶν, ἰσχομένῃ τῷ ὑγρῷ, ῥίγος ἐλάμβανε καὶ πυρετὸς, καὶ ἐσήπετο μᾶλλον. ἐπέρρει δ' αὐτῷ σαπρὸν τι, ὑπομέλαν, δυσώδες. πρὶν δὲ ἐπιχειρήσῃν ἰητρούεσθαι, οἷον ἐκάσης ἡμέρης συχνὸν διεπέρα ἔξω. ἦν δ' ἔκ εὐροον. ἐγνώσθη τὸ εἶναι πορρώτέρῳ τὴν φύσιν τῷ νουσήματος ἢ ὑπὸ τὸ δέρμα. πάντα ἂν ὀρθῶς πάσχων ὅμως ἔκ ἂν ἐδόκεε σωθῆναι, καὶ διάρροια καὶ ἐπέλαβεν. *Maliensi currus onustus inductus est supra costas, et costas confregit, et per tempus substitit ipsi pus infra costas: Vstus sub splenem penicillis ac linamentis utebatur, et pervenit ad decem menses. Resecta vero cute, caverna apparuit ad tenue intestinum utrinque procedens, et ad renem, et ad ossa procedebat putrida. In hoc non animaduersum est, quod et corporis habitus biliosus erat, et in corpore putredo sicca tenuis intestini multa, et aliarum carniū, quas statim eiicere oportebat, si quis potuisset sicco pharmaco,*

dum



*dum robur aliquod homo habebat. Nam ab humidis nihil remittebant, sed putrescebant: a linamentis vero inditis cum humor sisteretur, rigor corripiebat et febris, et magis putrescebat. Affluebat autem isthic putridum quiddam, subnigrum, graueolens. Priusquam curationis aggressio fieret, quotidie multum foras penetrabat. Erat autem non probe fluidum. Cognitum est, naturam morbi esse magis remotam, quam subter cutem. Quod si vero etiam omnia recte facta essent, tamen non videbatur servari posse, etiamsi ventris profluuium ipsum corripuisset.*

In quo loco tantum scientiae anatomicae sibi reperisse videbatur MARSILIUS CAGNATVS<sup>m)</sup>, ut haec omnia diuina prorsum atque ex interiori corporis humani cognitione petita fuisse existimaret. Sed vehementer fallitur. Conferenti enim mihi omnem HIPPOCRATIS magni imaginem, qua illud mali genus expresserat, id vnum videre videor, inflammationem vehementem, costis ex curru pondere fractis, natam fuisse, quae tandem in abscessum sinuosum et intus ruptum transiit. Quod pus cum tandem medicus decem mensium spatium, cute resecta, emittere vellet, accidit, ut iusto serius intelligeret, cauernam illam, quam sibi sanies haec quasi per cuniculos fecerat, vim variis visceribus inferendo, transuersim ad renes et ossa usque peruasisse summo cum vitae sanitatisque periculo. Hinc non potuit non ex diutina inflammatione malaque medendi via nasci dira exulceratio, subnigri graueolentisque puris exitus, febris  
lenta

m) Var. Obseru. IV. 10. p. 628.



lenta, debilitas summa, misera denique mors. *At quis credat, inquit MARSILIUS CAGNATUS, tam immanem in viuo corpore sectionem factam esse, ut abdominis internae partes, et renes, seu ex his alter, oculis adspici potuerit? Debuisset enim abdomen inuerti et necesse fuisset attollere et versare intestina; quam immanitatem, ut viuens aliquis ferre possit, ne cogitatione quidem ullus est locus! Quidni illud viuens ferat, mi MARSILI? aut chirurgus animo intrepidus morbo tali quouis modo resistere audeat, siquidem, auctore CELSO, summis in malis summa tentanda sunt remedia? Nonne apud GALENUM<sup>n)</sup> simile pueri malum reperiri memineras, quod et ossi pectoris acciderat, et omnium fuerat longe periculosissimum? Longe plura certe magisque exitiosa vulnerum genera eum in sauciis militibus detecta sunt, tum in Anglorum Gallorumque chirurgorum scriptis legere me memini. Haec vero vitia corporis gravissima interdum feliciter persanata sunt, interdum vero omnem medicamentorum vim ac virtutem eluserunt, siquidem, ut recte olim OVIDIUS,*

*Interdum docta plus valet arte malum,*

*aut etiam, vbi morbus iam inueterauit, sinistrum profecto augurium est, auctore CLAUDIANO<sup>o)</sup>:*

*Veteri post obruta morbo*

*Corpora, paeonias nequicquam admoueris herbas.*

*Vlcera possessis alte suffusa medullis*

*Non leuiore manu, ferro sanantur et igni.*

*Ne*

n) Admin. Anat. VII. 12. p. 161. T. IV. ed. Chart.

o) In Eutrop. II. v. 11. sequ.



*Ne coeat frustra mox eruptura cicatrix.*

*Ad viuum penetrant flammæ, quo funditus humor*

*Defluat, et vacuis corrupto sanguine venis*

*Exundet fons ille mali.*

Quare in certissimam spem ingredior, fore neminem, qui hoc in loco praeter externi vulneris curationem eamque ob altiore[m] mali sedem penitus neglectam, aliquid videat. Idque hisce verbis Hippocrateis edoctus scio, Ἐγνώσθη τὸ εἶναι πορρώτερον τὴν φύσιν τῆς νοσήματος ἢ ὑπὸ τὸ δέρμα. *Cognitum est naturam morbi esse magis remotam, quam subter cutem.* Incidit enim HIPPOCRATES ex chirurgorum more cutim ad pus et saniem auferendam; Sed specillo mali sedem exploraturus cum altius illud penetrasse animaduerteret, quam ut medicationi amplius locus esse videretur, animum hastamque abiecit, aegri salute desperata.

At vero anatomes Hippocrateae defensoribus telorum abunde est, quae ut prorsum retundas, hoc opus, hic labor est. Nouum enim eius argumentum ex libro περὶ ἁρθρῶν p) repetitur. HIPPOCRATES ubi humeri luxationem anteriora versus fieri posse pernegarat, haec fere in sententiae suae approbationem, proferenda existimauit. Εἰ

ΤΙΣ

p) L. De Articul. §. 1. p. 756. T. II. ed. Lind. et iterum §. 43. p. 799: Foësius vero ad h. l. p. 781. ed. Francof. 1621. *Humeri articulum, in anteriorem partem elaboratur, non contendit Hippocrates, neque id videre illi contigit*, cet. Vidit vero multipliciter Galenus Comment. in h. l. I. p. 303. T. XII. ed. Chart. cf. Vesal. De Corp. Hum. Fabr. I. 24. p. 58. ed. Bas.

τις τῆ βραχιόνος ψιλώσῃ μὲν τῶν σαρκέων τὴν ἐπ' ὤμῳ, ψιλώσῃ δὲ, ἣ ὁ μῦς ἀνατείνει, ψιλώσῃ δὲ τὴν τένοντα, τὴν κατὰ τὴν μασχάλην καὶ τὴν κληΐδα πρὸς τὸ σῆθος ἔχοντα, φαίνοιτο ἂν ἡ κεφαλὴ τῆ βραχιόνος εἰς τὸ ἔμπροσθεν ἐξέχουσα ἰσχυρῶς, καίπερ ἐκ ἐκπεπτωκυῖα. — περὶ δὲ νῦν ὁ λόγος, ὃδέποτε εἶδον, ὃδὲ εἰς τὸ ἔμπροσθεν ἐκπεσόν· ὃ μὲν ἰσχυριέω γε ὃδὲ περὶ τούτου, εἰ μὴ ἐκπέσῃ ἂν ὅτως, ἢ ὄχι. *Si quis in brachio supernam humeri partem carnibus denudarit, denudarit autem, qua parte musculus sursum tendit. Nudarit item tendinem, qui sub alis et iuxta claviculam ad pectus est, apparuerit utique caput brachii in anteriorem partem, reliquum autem brachii os ad externam partem incuruum* — *Verum de quo nunc est sermo, nunquam vidi in anteriorem partem elapsum; non tamen affirmarim ne de hoc quidem, an ita excidat, nec ne. Egregie quidem haec omnia magnique HIPPOCRATIS nomine dignissima; Sed (fateor) quidvis iis potius, quam fuetas humani corporis lacerationes inesse puto, praesertim cum teste FOESSIO<sup>q)</sup>, hoc in libro incredibiliter a se differant veteres codices, adeoque iterum mihi a IOLANNO<sup>r)</sup>, HALLERO magno<sup>s)</sup>, aliisque viris clarissimis dissentire liceat. GALENUS<sup>t)</sup> enim ipse, cuius fides ceteris videtur hac in re omni exceptione*

q) L. cit. p. 781.

r) Anthropogr. I. cit.

s) Praelect. Acad. Boerh. Proleg. P. I. p. 24. et pluribus Progr. Quod corp. hum. secuerit Hipp. in Opuscul. Anat. p. 136. sequ.

t) Comment. in h. I. I. Text. 4. p. 292. T. XII.



ptione maior, haec omnia *per maciem explorari investigarique posse* perhibet. Didicerat praeterea haec Cous senex, ni fallor, multiplici vsu atque experientia, siquidem apud veteres<sup>u)</sup> moris fuit, varios ab aegris motus exigere: vnde non poterat non commodorum plurimum ad musculorum naturam ac sedem perspiciendam in discipulos et chirurgiam ipsam redundare. Ecquis vero est qui haec eadem in HIPPOCRATE accidere potuisse, temere negare audeat?

Neque minus credibile est, HIPPOCRATEM in quaedam humeri vulnera grauiora incidisse, qua in sententia GALENVS<sup>v)</sup> fuisse videtur. Quae cum altius se insinuarent oculisque subtraherent, non dubitauit et suae famae, et aegri saluti prospicere *manu strenua, stabili, nec vnquam intremiscente, vt chirurgus apud CELSUM<sup>w)</sup> esse debet, animo intrepidus, immisericors, sic, vt sanari velit eum, quem accepit, non vt clamore eius motus vel magis, quam res desiderat, properet, vel minus, quam necesse est, secet; sed perinde faciat omnia, ac si nullus ex vagitibus alterius affectus oriatur.*

Hinc fortasse olim HIPPOCRATES casu fortuito quaedam intellexit similiter, vt GALENVS<sup>x)</sup> multis seculis post, cum communis carbunculorum dirissimorum lues Asiae infensa esset, situm musculorum interiorumque quarundam corporis partium

u) Galen. Admin. Anat. I. 2. p. 28. T. IV. ed. Chart.

v) L. Placit. Hipp. et Plat. IX. 4. p. 255. seq. T. V.

w) L. De Medicin. VII. Praef. p. 406. ed. Kraus.

x) Admin. Anat. I. 2. p. 28. T. IV.

tium naturam indagavit. Qua de causa sine dubio meminit sollerter auferendae eius carnis, quam hodie *musculus deltoideus* appellant; Hinc ingulum commemoravit, quod *claviculae* respondet, *tendinem musculi pectoralis*, aliaque quaedam haud spernenda, quae HALLERVS V. Cl. bene docuit atque eleganter explicuit etsi, si dicendum, quod res est, illa de *musculo deltoide doctrina* non adeo certa his verbis contineri nobis videtur, ac GALENVS y) ipse, omni dubitatione posita, aperte testatus est.

Neque eo *simiarum* confugio opus est, quo ad refellendam illius argumenti dignitatem, quod a iugulo repetitur, multi virorum clarissimorum sibi cauere solent.

Largiamur, haec omnia ex humano corpore sumpta esse, quippe, ut alias apud HIPPOCRATEM z) est, ἐτεροίη φύσις ἀνθρώπου ταύτη ἢ τῶν ἄλλων ζώων. Quid inde? Num ideo Cous fenex in minutula diligentique viscerum humanorum scrutatione totus fuit? Non ita videtur, quoniam illud os inguli et omnium oculis patet, et magna illa scientiae pars ex laruali facinorosorum hominum latronumque habitu nudis offibus cohaerente facile fuit comparanda.

Alter locus, quem supra ex libro περὶ ἄρθρων adduximus, quique in *vertebrarum luxatione versus interiora*, eaque omnis medellae experte versatur, vehem-

y) Comm. in L. De Artic. l. c.

z) L. cit. §. 15. p. 771. ed. Lind.



vehementer arrisit IO. RIOLANO ad gloriam HIPPOCRATIS magni extollendam, adeoque audiamus iterum ipsum senem: "Ως ε δὴ ἔδ' ἐμβαλεῖν οἶον τε ἔτε κατασεῖσαι, ἔτ' ἄλλω τρόπῳ τινὶ, πρόδηλον τὸ τοιῆστον, εἰ μὴ τις διαταμὼν τὸν ἄνθρωπον, ἔπειτα ἐσπασάμενος ἐς τὴν κοιλίην, ἐκ τῆ εἰσωθεν τῇ χειρὶ ἐς τὸ ἔξω ἀντωθείοι, καὶ ταῦτα νεκρῷ μὲν οἶόν τε ποιεῖεν, ζῶντι δὲ ἔ πάνυ. Itaque si tale contingat, palam est, quod neque concutiendo, neque alio quodam modo reponi possit, nisi quis dissecto homine, et manu in ventrem iniecta inquisitionem faciat, et ex interna parte ad externam manu retrudat. Atque haec in mortuo quidem fieri possent, in viuo autem non item. In quo si quis vere HIPPOCRATEM in humanam anatonem incubuisse repererit, per me quidem licet: Ego vero (fatebor enim) tantae perspicientiae non sum, ut mihi id exinde demonstrandum sumam. HIPPOCRATES enim hoc in loco vertebrarum naturam et positum bene expressit, sed haec omnia, ut aut in vulneribus interdum se offerunt, aut in quouis obuii malefici corpore patent oculis. Hinc fastuosorum quorundam medicorum iactantiam risui expositurus: *Lepidi mehercle estis, inquit, atque ridiculi homines, qui cum sitis omnium longe imperitissimi, in id genus luxationibus per lucri turpissimi studium vosmet ipsos datis sibilo excipiendos, irridendos misereque diuexandos. Illud enim experimentum, de quo mirifice ad rudem plebeculam fallendam gloriamini, non, nisi in mortuo corpore peragi et posset, et deberet, si per leges patriaque instituta esset licitum.*



Neque illa quidem verba <sup>a)</sup> sunt silentio praeter-  
eunda: *Στενωτάτην πάντων ζώων ἄνθρωπος*  
*κοιλίην ἔχει ἀπὸ τῆ ὀπισθεν εἰς τὸ ἔμπροσθεν,*  
*ποτὶ καὶ κατὰ τὸ σῆθος.* *Angustissimum ventrem*  
*ex omnibus animalibus homo habet, quantum ad magni-*  
*tudinem attinet, a posteriore ad anteriorem partem, in-*  
*superque etiam iuxta pectus.* Videtur enim diuino  
seni ea dissectionis via et ratio, quam his pro-  
missoribus ad exsequendum proposuerat, nullo  
modo accommodata satis, eamque ob rem pror-  
sum negligenda, neque mehercule tam ardua res  
est, variam pectoris conformationem vel in viuo-  
rum corporibus inuestigare.

At vero RIOLANVS <sup>b)</sup>: Adeone, inquit,  
impudentiae ac temeritatis processisse quosdam  
medicos, ut ne veterum quidem scriptorum testi-  
moniis fidem habeant? Quidni haec apud GALE-  
NUM <sup>c)</sup> legi comminiscuntur: *Maioribus nostris,*  
*Apollini, Hippocrati, Apollonio et ceteris Santoni-*  
*cis, placuit mortuorum viscera scrutari, ut scirent, unde*  
*vel quomodo morerentur; hoc autem nobis facere ipsa*  
*humanitas prohibet, eo, quod ipsis scrutantibus omnia*  
*manifesta atque aperta sunt.* Lubrica profecto esset  
et omnium longe inconstantissima magni HIP-  
POCRATIS anatome, mi RIOLANE, si id genus  
testibus solis niteretur. Male enim (credo) APOL-  
LINEM

a) L. cit. §. 44. p. 800.

b) Cf. Anthropogr. I. 2. p. 31. sequ. et c. 11. p. 73. sequ.

c) L. De Nat. et Ord. cuiusque Corp. Part. c. 2. p. 328.  
T. V. ed. Chart.



LINEM imberbem decuisset culter anatomicus, neque quid auctoritatis hoc ex testimonio diuino feni nascitur, quippe haec scriptio et longe recentissima est, temporum ratione oscitanter neglecta, et GALENI doctrinae ex assè repugnat, qui aliis in libris <sup>d)</sup> hanc medicinae partem vehementer commendauit, eamque vel ex ipsa simiarum <sup>e)</sup> laceratione hauriendam.

At, inquiunt aduersarii, aerea hominis tabe confecti statua apud PAVSANIAM <sup>f)</sup> occurrit, quam APOLLINI Delphico HIPPOCRATES medicus dicasse fertur. Scio, haec vulgo ab iis proferri, qui medicinae fata conscripserunt, quosque ne per transennam quidem quod aiunt, nuper inspexerat Philologus Gottingensis <sup>g)</sup>. Alias non tam ruditer et inhumaniter nobis obiecisset, quae ne in mentem quidem venerant. Ego enim ipse hoc exemplum, quo vtuntur isti homines ad demonstrandam Hippocrateam anatomen, minus tutum ac certum esse pronunciaui, neque profecto adeo ridendus videar, vt maleuolo illi ac inuidioso iudici placuit, si LVCIANVM <sup>h)</sup> testem adduxero, videri apud veteres, nisi omnes, at saltem multos, eosque superstitiosos, bonae valitudinis

H 2

gratia

d) L. Vtil. Part. VI. 4. p. 420. T. IV.

e) Admin. Anat. III. 5. p. 76. L. VI. 1. p. 128. L. VII. 10. p. 157. et L. Vtil. Part. XVII. 1. p. 699. T. IV. ed. Chart.

f) Phocic. p. 328. gr. et vers. p. 278. ed. Frft. 1583.

g) L. cit. p. 433. sequ.

h) Philopseud. p. 336. ed. Bourdel.

gratia positas in domibus statuas HIPPOCRATEM referentes, qualis ei lepide ioculanti Ἰπποκράτης χαλκῆς est.

Sed redeamus ad PAVSANIAM, cuius verbis, tantum abest, ut ad credendum inducar, ut etiam ne latum quidem a proposito meo recedendum putem vnguem. Primum enim haec omnia rumoribus et famae <sup>i)</sup> debentur, quae, poeta iudice, est

*Malum, quo non aliud velocius ullum,  
Mobilitate viget, viresque crescit eundo. —  
Tam ficti prauique tenax, quam nuncia veri.*

Quid igitur mirum, si harum nugarum auctores, similitudine quadam nominis adhibita, legentium animos alliciant, atque in errorem inducant, sic, ut huius inuenti gloriam ad artificem potius, quam HIPPOCRATEM ipsum pertinere non intelligant? Deinde facta quidem est (fateor) HIPPOCRATIS medici mentio; At vero cum septem saltem apud veteres occurrant viri, qui, ut SVIDAS <sup>k)</sup> et TZETZES <sup>l)</sup> memoriae prodiderunt, nobili isthoc insigniuntur nomine, quis ille sit, a quo ista statua consecrata est, hoc opus, o amici, hic labor est. Quod si aut coniectando fueritis adsecuti, aut saltem probabiliter deduxeritis, non grauabor vobis amplius respondere. Id vnum enim exinde colli-

i) Virgil. Aen. IV. v. 174. sequ.

k) In Vit. Hipp. ad calc. Opp. Hipp. T. II. p. 962. ed. Lind.

l) Hist. VII. Chil. 155. ad calc. Opp. Hipp. T. II. p. 959.



colligitur, statuam illam Delphicam non, nisi aegro cuidam ex mortis faucibus erepto acceptam ferendam esse, qui in valitudinis redintegratae memoriam HIPPOCRATEM quendam aereum curarat efformandum.

*At, (o deorum quicquid in caelo regit*

*Terras et humanum genus!)*

*Quid iste fert tumultus? Et quid omnium*

*Vultus in unum me truces? 11)*

Quid illi susurrus, clamores, atque detestationes, quas vndiquaque audio? O te hominem, omnium bipedum quadrupedumque pessimum! Dii deaeque te omnes perdant, qui in pios HIPPOCRATIS magni manes es iniurius. Nostine, quae praeclare olim HORATIVS <sup>m)</sup> cecinit:

*Dignum laude virum musa vetat mori,*

*Caelo musa beat?*

Adeone te anatomes verae contemptorem, ut vel ipsi HIPPOCRATI hunc honorem immisericorditer creptum velis?

Falleris vehementer iterumque falleris, o amice, si haec in me cadere villo modo posse censeas, aut cum larvis atque umbris pugnes necesse est. Eadem enim, quae olim PETRVS CASTELLVS <sup>n)</sup> id genus contemptoribus respondit, iam

H 3

tibi

11) *Horat. L. Epod. Od. 5. v. 1. sequ.*

m) *Carm. IV. Od. 8. v. 28. sequ.*

n) *Ap. Pasch. Inuent. Nou. Antiqu. c. 6. §. 15. p. 350.*

tibi meo nomine dicta existimato: *Audiui quendam, inquit, insufurrantem: Sordidus est carnifex, non decet grauitatem medicam cadauera tractare. Satis est ex Galeni, Vesalii, et aliorum libris corporum constitutionem discere. Recte quidem! Dicito nunc: Quis est carnifex? Respondebo: Egone qui cadauera seco, an tu, qui occidis viuos? Dic, si Galenus, Vesalius et similes alienis libris contenti fuissent, quos legeremus perfectos anatomicos libros? Asylum est ignorantium vituperare, quod ignorent. Sicut nemo nauta ex libris, ita nemo anatomicus, et consequenter sine oculata anatomes inspectione nemo perfectus medicus.*

HIPPOCRATIS igitur auctoritas et anatome nulla est? Minime gentium, sed similiter, ut bene olim GALENVS<sup>o</sup>): Τὸν Ἱπποκράτην εὐρετὴν τε καὶ οἶον πατέρα τῶν δογμάτων τιμήσωμεν. "Αυτὴ γὰρ καὶ δικαία τε ἐστὶν ἅμα καὶ πρέπασα τοῖς ὀτίων ἀγαθὸν ἐξευρεῖσι τιμὴ, μήτε κατακεκρύφθαι τὰ εὐρήματα αὐτῶν, μητ' ἀγνοεῖσθαι τοῖς ἀνθρώποις, ἀλλ' αὐτὰ τε φαίνεσθαι, τὴν δ' εὐρεῖσαν αὐτὰ μέθοδον γινώσκεισθαι. ἔτως γὰρ αὐτοῖς καὶ τὸ θαυμάζεισθαι κατὰ τὴν ἀξίαν ὑπάρξει. Hippocratem inuentorem ac veluti patrem dogmatum venerabimur. Hoc est enim iustum simulque decens praemium eorum, qui quodcunque tandem in vita bonum inuenerunt, ut videlicet inuenta ipsorum non occultentur, neque hominibus sint ignota, sed tum ipsa appareant, tum ratio et methodus, quae ipsa inuenit, cognoscatur. Sic enim et pro dignitate ipsos in admiratione constitui continget.

Est

o) L. De Respir. Diff. II. 1. p. 246. T. VII. ed. Chart.



Est vero HIPPOCRATES, per deum iuro! maxima sane gloria summisque encomiis ob peregre-gia sua facinora dignissimus, qui corporis humani naturam, quoad eius per patria instituta licuit, diligenter perscrutando prima verae medicinae fundamenta iecisse perhibeatur. Hinc in eius moni-mentis memini me legere *hominem, quantus quantus est, vasculis constare*, id quod multis seculis post RVYSCHIVS dilucide aduersus MALPIGHIVM demonstraui; *corpus innumeris gaudere glandulis P)* iisque per totum corpus diffusis, quarum natura spon-giosa sit, mollis et vasculis instructissima, quae si disse-centur, succum album plorent; Cerebrum q) proxime ad glandulae naturam accedere, binisque circumuestiri tunicis r); A cerebro dimanare medullam, eiusque esse sine dubio propaginem; Fabricam oculi, maximeque lentis crystallinae s), esse perquam admirabilem; Au-rem t) instructam quodam meatu esse, cuius ministerio aer ad membranam tympani allapsus sonum gignat;

H 4

Cor

p) Hipp. L. de Glandul. §. 1. sequ. p. 414. T. I. ed. Lind. cf. L. De Carn. §. 13. p. 119. T. I. et Trillerus V. Cl. Diff. De Hipp. stud. Anat. p. 128. Opusc. T. I. vbi haec omnia praeclare docteque, vt eius est mos, explicuit.

q) L. De Glandul. §. 7. p. 418. cf. Wharton Adenogr. c. III. p. 18. vbi simul haec adf. quadam adhibita cir-cumscriptione.

r) L. De Loc. in Hom. §. 5. p. 365. T. I. et L. Morb. Sacr. §. 6. p. 330. T. II.

s) L. De Carn. §. 18. p. 123. et L. Loc. in Hom. §. 5. p. 365. T. I.

t) L. De Carn. §. 16. p. 121.

*Cor* <sup>u)</sup> naturam muscoli imitari, atque modo laxari, modo iterum stringi, gaudere praeterea binis ventriculis, valvulis, auriculis, munitumque quadam esse tunica, quae rore perpetuo madefiat; *Pulmones* <sup>v)</sup> aspera arteria, quae anulis suis et lingula praedita sit, constare, praetereaque componi vesiculis atque quinque fibris; *Lienem* <sup>w)</sup> vasculis et fibris constare, iisque aranearum telae simillimis; *Vesiculas seminis* <sup>x)</sup> in faui modum vesicae urinae accumbere, atque canales illos, qui a rene proficiscuntur obliquos in summam vesicam insinuari; *Corpus* omne transpirationi patere cet. Sunt enim id genus placita sexcenta alia, quae si quis nosse penitus velit, adeat, quaeso, LINDE-  
NIVM <sup>y)</sup>, ALMELOVEENIVM <sup>z)</sup>, HALLERVM <sup>a)</sup>,  
MORGAGNIUM <sup>b)</sup>, et omnium maxime Illustr.  
TRILLERVM <sup>c)</sup>, atque hinc discat, quanti vel  
fine

u) L. De Cord. §. 4. p. 289. et L. De Anat. §. 1. p. 287. T. I. cf. Trilleri Comment. ad h. l. nec non L. De Ven. §. 27. p. 311. T. I.

v) L. De Anat. §. 1. p. 287. T. I.

w) L. De Carn. §. 9. p. 117. et L. De Ven. §. 27. p. 311. T. I.

x) L. De Ven. l. c. et L. De Anat. §. 2. p. 288. T. I.

y) Physiol. Med. c. 5. Art. 10. p. 135. et passim plurimis in locis hanc Hippocrateae doctrinae praestantiam sibi demonstrandam sumit.

z) Inuent. Nou - Antiqu. l. c.

a) In Boerh. Method. passim et Opusc. Anat. p. 133. sequ. et Prael. Boerh. Acad. Proleg. p. 24. Vol. I. cf. Clerc. Hist. Med. Part. I. L. III. 3. p. 110. sequ. ed. Amst. 1702.

b) Epist. Anat. l. 88. p. 122.

c) In Diff. cit. et in Comment. ad Hipp. L. De Anat. pluribus. Haec enim tota digna sunt, quae attentius legantur



sine sollerti viscerum humanorum inuestigatione habendus sit HIPPOCRATES. Facem enim mehercle praeiuit anatomicis patrum memoria nostraque aetate longe clarissimis, GALENIS, VESALIIS, FALLOPIIS, EVSTACHIIS, BELLINIS, WHARTONIS, BARTHOLINIS, PEYERIS, RVYSCHIIS, BOERHAAVIIS, aliis, quos omnino omnes per temporis angustias perhonorifice nominare prohibemur.

Versatus est, — adeste, o vos, quorum haec scire interest, — versatus est Cous senex in explicanda viscerum natura non infeliciter, etsi haec omnia ex sola animantium laceratione vulnerumque curatione sumfisse censendus est. In quo etsi piis HIPPOCRATIS magni manibus vim intulisse videar, id mihi dabunt (spero) iusti et aequi harum rerum iudices atque arbitri, ut dissensionis meae rationes diligenter commemorasse nobis liceat. Id enim nec temere nec indicta causa factum est, neque profecto eo animo, ut exinde quid detrimenti capiat aut respublica medica, aut saltem diuini senis auctoritati detrahatur. Ego

H 5

enim,

gantur quasque ediscantur, adeoque mehercle *Trillerus* V. Cl. malo aduersus integerrimos *Hippocratis* magni cultores videtur esse animo, cum iis plenam atque omnibus numeris absolutam librorum Hippocrateorum editionem iusto diutius subtrahat atque quasi inuideat. Spero enim non solum, verum etiam confido, fore, ut omnes omnino interpretes atque commentatores, qui fuerunt, sunt, erunt, et doctrinae varietate adsequatur, et diligentia summa, assiduitate, haud incorrupta, denique accuratione incredibili antecessoribus suis antistat plurimum.

enim, si quis alius, in veterum scriptorum veneratione totus sum, et quem deus cunque diem aut fors dederit, perdidisse mihi viderer, si quem sine meo HIPPOCRATE praeterire finerem. Neque vero adeo meus est, ut ille aut omnium omnino errorum expers esse videatur, aut etiam ex HELMONTII <sup>d)</sup> iudicio, *rarissimi doni vir et adeptorum particeps, cuius industriam non tulerint alii.*

Media via, o amici, in extollendis magnorum virorum meritis incedendum mihi esse semper credidi, ne quid limulis intuerer oculis, aut etiam eorum auctoritati nimis indulgerem. Hinc quominus HIPPOCRATEM hisce in rebus offendisse intellexeram, eo plus operae, studii, laborisque adhibendum duxi, ut, deuitandis iis erroribus, in quos per istorum temporum inscientiam vel nolens inciderat, et proponendis ad intuendum praeclaris eius facinoribus, medicus tandem (prae-fiscine dixerim!) euaderem vere Hippocraticus. Bene enim olim Iul. Caes. SCALIGER <sup>e)</sup>: *Nihil, inquit, infelicius iis ingeniis, quae mordicus sentiunt, maiores nostros nihil ignorasse.*

At vero iterum multi nobis compressis quasi intra se labiis ogganiunt, atque, praecunte OVIDIO <sup>f)</sup>, identidem succlamant:

*Quis furor est, quae nocte latent, sub luce fateri?*

*Et quae clam facias, facta referre palam?*

Qui

d) Promiss. Auctor. Col. 2. p. 7.

e) Exercit. 306. p. 875. ed. Hanov.

f) Amor. III. Ep. 14. v. 7. sequ.



Qui si HIPPOCRATI anatomes humanae gloriam inuideres, satius erat tacere, quam imprudentius nugando eius obesse nomini? Factum est illicet, amici! Peccauius, si verum eloqui nefas est. Audiatur igitur illud tribunorum plebis: *Veto*, et statim causa cecidimus, modo nostris iudicibus ita videatur.

*Cedamus. Leue fit, quod bene fertur, onus.*

Id vnum adhuc nobis adidisse sufficiat atque verbis MORGAGNII g) magni simili in re similiter perorantis vti: *Si qui eam de HIPPOCRATE opinionem habent, inquit, quam si ullo de homine habere liceret, de ipso in primis habendam faterer, nulla ut defensione egere, nulli ut suspicioni erroris obnoxium credant, ii poterunt in eius scriptis acquiescere, securi ceterorum. Qui autem illa eo sunt animo sumturi, ut, si quid forte minus placeat, id reprehendant, hos vero etiam atque etiam rogatos volo, ut se tantisper ab eo iudicio sustineant, dum illi HIPPOCRATIS loco respondentem in scriptione mea locum perlegant. Saepius enim aut ita defensum, aut ita excusatum inuenient, ut aut nulla reprehensione opus esse intelligant, aut si qua forte, ea certe, quae cum aliqua tamen laudatione sit coniuncta. Sicubi autem viderint, vero cogente, me ire in alia omnia, non continuo HIPPOCRATEM arguant, sed sic existiment potius, idem illum facturum fuisse, si diutius (serius) vixisset, si spatium dato plura obseruare, plura animaduvertere, plura etiam legere potuisset.*

g) Comment. De Vita et Script. Valsalv. p. 21. Opusculi Medic. P. II.

*tuisset. Nam quamvis magnus illa tempestate Anatomicus fuerit, non ei tamen licebat, quid a posteris inueniendum esset, diuinare. — Ad extremum quicquid displiceat, me potius et consilium meum, non animum reprehendant. Si quid autem forte a me felicius alicubi aut obseruatum, aut animaduersum, aut constitutum esse crediderint, non mihi illud, sed HIPPOCRATI ipsi acceptum referant; Qui nisi me olim adolescentulum (scriptis suis) ad haec studia instituisset, nisi quaerendo praeiuisset, obseruando praeluxisset, (adde, nisi alii in eius veneratione nimii fuissent, meque aliter sentientem habuissent contemptui) nihil a me horum susceptum esset. Sed de HIPPOCRATIS magni anatomicae hactenus.*





III.

DE

MORTIS GENERE,

QVO CLEOPATRA

PERIIT.







### III.

## DE MORTIS GENERE, QVO CLEOPATRA PERIIT.

---

**Q**mnium feminarum, quarum insignis  
semper apud posteros erit nominis glo-  
ria, maxima certe censenda est *Cleo-  
patra*, quae vt ceteras longe antecellit astutia, fastu,  
cupiditate, scelerumque turpitudine, modo suis  
satisfecisse videatur desiderijs, ita etiam tantorum  
facinorum memoriam cum omni posteritate adae-  
quauit, praesertim quia, auctore *LVCANO*<sup>a</sup>),

*Immodice formam fucata nocentem,  
Nec sceptris contenta suis, nec fratre marito,  
Plena maris rubri spoliis, colloque comisque  
Diuitias Cleopatra gerit cultuque laborat.*

Factum hac de caussa est, vt et plurimas sexus sui  
superaret ingenio, et, vt fert femellarum leuitas,  
formae, nimium, quantum crederet, si quidem ei  
fere similiter, vt *Phrynicho* apud *PLVTARCHVM*<sup>b</sup>),  
canere licuit:

Σχήμα-

a) *Pharsal.* L. X. v. 136. seq. p. 705. ed. *Burmann.*

b) *Sympos.* VIII. Quaest. 9. p. 732. T. II. ed. *Xyl.*

Σχήματα δ' ὄρχησις τόσα μοι πόρεν, ὕσσ'  
ἐνὶ πόντῳ

Κύματα ποιῆται χείματι νύξ ὀλοή.

*Tot mihi subiecit gratas saltatio formas,*

*Hyberna fluctus quot mare nocte daret.*

Qua ex re tandem dimanarunt rixosa repudia, discordiae turpes, digladiationes foedae, clades internecinae, mors denique in carcere misera. Constat enim inter omnes puto, nisi in historia peregrini sint atque hospites, quantum formae eius pulcritudini accesserit ex mellitis suauiusque orationis veneficiis ad inescandum fallendumque *Antonii* animum. Quae cum minus ferirent *Augusti* victoris constantiam, atque *Cleopatra* regina, irritis suis artibus voluptatumque lenociniis, seruari se triumpho intelligeret, tandem, desperatis rebus, omnique muliebri metu posito, *aspidis* morsu, aut, ut aliis videtur, *veneno sumto*, mortem sibi in custodia consciuisse dicitur.

Est vero ista res in tanto veterum scriptorum dissensu nec inuestigatione prorsus indigna, cum exinde statuariorum pictorumque error, nisi me omnia fallunt, in exprimendo *Cleopatrae* vultu serpentisque societate corrigi facile possit, nec etiam medicum omnino dedecet, quippe omnium optime is, si quis alius, *de aspidum natura morsusque vi letifera* iudicare mihi posse videtur. Id quod an ego quidem ex veterum scriptorum monumentis rite deduxero aut assecutus utcunque fuero, alii me



me longe praestantiores atque antiquitatum medicarum magis gnari videant.

*Cleopatram*, triumphalis dedecoris impatentissimam vitaeque pertaesam, manibus sibi violentis caedem esse machinatam, id est, in quo omnes omnino consentiunt: At vero qua potissimum ratione id effecerit, magna adhuc inter auctores lis est. Aliis enim, ut PLUTARCHO<sup>c)</sup>, DIONICASSIO<sup>d)</sup> RHEDIO et LANCISIO<sup>e)</sup> cet. videtur hunc sibi citam mortem ex praesentissimo veneno peperisse; alii vero, quorum in numero prae ceteris eminent ipse ille dubius PLUTARCHVS, HORATIVVS<sup>f)</sup>, VELLEIVS PATERCVLVVS<sup>g)</sup>, SVETONIVS<sup>h)</sup> FLORVS<sup>i)</sup>, EVTROPIVS<sup>k)</sup>, alique praeter hos multi, illud mortis horrendae genus ab aspidum morfu repetunt. Idque, quantum equidem video, non iniuria.

Primum enim ii, qui in contrariam pedibus eunt sententiam, non, nisi coniecturis innituntur. Quibus, si alia omnia nos deficiunt, fides sua et auctoritas deneganda non est. At vero in tanta  
veterum

c) In *Vita Anton.* p. 955. T. I.

d) *Biblioth.* p. 306. ed. *Steph.* et vers. p. 278.

e) In *Morgagn.* *Aduers. Anat.* P. III. *Epist.* II. ad *Lancis.* p. 22. sequ.

f) *Carm.* I. *Od.* 37. v. 21. sequ.

g) *Histor. Rom.* II. 8.

h) In *August.* c. 17.

i) *Hist. Rom.* IV. 11. p. 227. ed. *Blancard.*

k) *Breuiar. Hist. Rom.* VII. 4.

veterum scriptorum turba, quorum aut aetas ipsa in illa *Cleopatrae* tempora incidit, aut qui paullo post in ea gente vixerunt, vbi haec gesta fuerant, nefas profecto est tam temere dissentire, atque *venenum, quod soporem inferat*, simpliciter accusare, vt *LANCISIUS* doctrinae ostentandae causa fecisse videtur. Etsi enim *Cleopatrae* reginae id genus veneni dirum, testibus idoneis *DIONE*<sup>l)</sup> et *GALENO*<sup>m)</sup>, semper ad manus fuisse equidem facile largiar, neque negem, dari quaedam, quae diem supremum accelerant sic, vt morte, quasi somno, solutus videaris; id tamen nos peruelim huius sententiae patroni edoceant, vnde certo sciant, *Cleopatram* eadem ipsa periisse scientia, quam sibi, vt *PLUTARCHVS*<sup>n)</sup> memoriae prodidit, multiplici vsu et experientia in bestiis atque capite damnatis compararat ad perspiciendum, qua quodque vehementia et vi quasi insita ageret. Deinde *PLUTARCHVS*<sup>o)</sup> ipse, cui tantum fidei attri-  
buunt

l) L. cit.

m) L. De Theriac. ad *Pison*. I. 8. p. 940. T. XIII. ed. Chart.

n) L. cit. p. 949.

o) L. cit. Ibi adfert *Φάρμακα θανάσιμα*, quae et *ἀνώδυνα*, diciturque expresse *Cleopatra* regina distinxisse τὰς ὠκυμῶρας τὴν ὀξύτητα τῆς θανάτης δι' ὀδύνης, et προτιέρας τάχως ἐκ ἔχσας, idque tractasse quotidie; primas vero dedisse *aspidi*, quia eius morsus sine vlla anxietate ac conuulsione saporem grauem torporemque induxerat, (ἀνευσπασμῷ καὶ τεναγμῷ κάρῳ ὑπνώδῃ καὶ καταφοράν ἐφελκόμενον) idque cum molli oris sudore sensuumque stupore in somni profundi similitudinem! (ἰδρῶτι μαλακῷ τῆς προσώπου, καὶ τῶν αἰσθητηρίων ἀμαυρώσει, παραλυμένων ῥαδίως καὶ δυσχεραινόντων πρὸς τὰς ἐξεγέρσεις καὶ ἀνακλύσεις, ὥστε εἰ βαδίως κατιύδοντες.) Cf. si placet, *Aelianus Hist. Animal.*



buunt opinionis huius auctores, sibi hac in re non satis constat, quippe venenum illud, cuius naturam non satis exprefferunt veteres, aut soporiferum fuerit necesse est, aut ab aspidibus sumtum. Iam vero prius nullas vibices adiunctas habere potest, quales in nobili hac femina inuentae sunt, eaeque nec ab vlla vi externa profectae (alias enim *Cleopatra* in venenorum scientia male profecisset;) posterius contra, quod ab *aspidibus* repetitur, non gustu, sed in vulnere nocet, vt CELSVS P) litteris reliquit consignatum.

Reliquum igitur est, vt, quare iis ex animo adsentiamus, qui placidam hanc *Cleopatrae* reginae mortem ab *aspidum* ictu deducendam putant, paucis demonstremus. Ad credendum enim atque adfirmandum nos impellunt, tum multae aliae causae, tum vero maxime expressa veterum scriptorum testimonia. PLVTARCHVS q) enim, etsi dubius quodammodo haesisse videtur in definiendo mortis genere, partim quia in monumento iuxta ANTONIVM sedens *Cleopatra*, peractis precibus, ab homine ignoto fucus, vnaque aspidem accepisse dicebatur, partim quia alii reginam aspida hydriae inclusam ad arduum istud negotium exequendum reseruasse, alii venenum secum habuisse

I 2

con-

Animal. IX. 11. p. 189. ed. *Conr. Gesner.* qui mirifice cum *Plutarcho* consensit, immo vero c. 22. p. 266. circulatoris cuiusdam meminit, quem secundo die post, quam *ἰοφός* aspidis dentes expertus erat, mors placida sustulerat.

p) L. De Medicin. V. 27. p. 309. ed. *Kraus.*

q) L. cit. p. 955.

contenderant; tamen in re tam dubia et incognita negare non audet, quaedam aspidis vestigia (σύρ-  
μυς τινὰς αὐτῆ παρὰ θάλασσαν) cubiculo fe-  
nestraeque respondentia in littore apparuisse. Quod  
si verum est, conficitur, bestiolam illam, scelere  
patrato, feminisque in soporem actis, delapsam  
e manibus clanculum se ad littora sueta cognitaque  
proripuisse.

*Cleopatra* enim, (erat certe omnium facino-  
rum peritissima) primo *tentaui oculos ducis frustra*,  
vt cum *FLORO* <sup>r)</sup>) loquar; deinde ad ferrum con-  
fugit. Quod cum ei *PROCVLEIVS* vna cum re-  
liquis mortis instrumentis eripuisset, quidni, ama-  
bo, quaeuis potius, quam lentum venenum expe-  
riri debuit? Tunc enim, quare, vt *VELLEIVS* <sup>s)</sup>),  
auctor est, custodes frustrata sit ad inferendam  
aspidem, plane non video. Neque (credo) id vn-  
quam experiri *Cleopatrae* reginae placuit, quoniam  
et muliebriter viuere didicerat, et viriliter mori.  
Fas certe est illam sic obiisse suum diem, quippe,  
*HORATIO* <sup>t)</sup>) teste idoneo ac fide dignissimo, illa

*Generosius*

*Perire quaerens, nec muliebriter  
Expauit enssem, nec latentes  
Classe cita reparauit oras.  
Ausae et iacentem visere regiam  
Vultu sereno fortis, et asperas  
Traetare serpentes, ut atrum  
Corpore combiberet venenum,  
Deliberata morte ferocior.*

Quocum

r) L. cit.

s) Hist. Rom. II. 87.

t) L. cit.



Quocum mirifice consentit et *Cleopatrae* animus vitaeque praegressae ratio, et VELLEII atque FLORI testimonium. Ille enim: *Cleopatra*, inquit, *frustratis custodibus, illata aspide, morsu sane eius, expers muliebris metus, spiritum reddidit.* Hic vero postquam irritos reginae conatus, quibus *Caesaris* amorem diligenter sollicitarat, multis descriplisset; *Quod ubi desperavit a principe, inquit, seruarique se triumpho vidit, incautiorem nata custodiam, in mausoleum (sepulcrum regum sic vocant) recipit, ibi maximos, ut solebat, induta cultus, in differto odoribus solio; iuxta suum se collocavit Antonium, admotisque ad venas serpentibus, sic morte, quasi somno, soluta est.* Hinc sane colligitur, *Cleopatram* nec per suam venenorum scientiam potuisse hanc mortis horrendae viam, ex aspidis morsu spernere, cum forsitan hoc auxilii genus iam ad manus esset, atque eius vis pestifera omnium longe praesentissima esse videretur, neque forsitan per vitae taedium voluisse in vno veneno acquiescere, sed vim alterius altero quasi acuisse, ut multorum certe est opinio. Quid enim prohibet, quo minus ab hac femina magna quaevis, atque indecora facinora maxime in rebus desperatis, fieri potuisse credamus? Nouerat certe *Cleopatra*, quae erat mentis astutia, *Augustum* quiduis sibi potius, quam hanc placidam mortem esse concessurum, sed quam primum facinoris huius nuncius ad eum peruenerit, *Psyllos* vulnere admoturum, ut venenum atque virus mortiferum exsurgerent. Nec fefellit, cum id ita euenisse litte-

ris prodiderint DIO CASSIUS <sup>u)</sup>) atque SVENTONIUS <sup>v)</sup>).

Hinc forte nisi multis de caussis prohiberer, quo minus in hanc sententiam ingrederer, facile concederem ad dissensum doctorum hominum auferendum, *Cleopatram* reginam, utroque veneno hausto, somno correptam placido diem suum obiisse. Talem enim certe eius imaginem in AUGUSTI triumpho gestari post PLUTARCHVM vidit PROPERTIUS <sup>w)</sup>). Sic enim ille:

*Brachia spectavi sacris admorsa colubris,  
Et trahere occultum membra soporis iter.*

Hanc vero similitudinem mirifice, si quid video, expressit illud, quod MORGAGNIUS <sup>x)</sup>) commemorat: *Cleopatrae morientis simulacrum antiquo opere et summo artificio perfectum. — In ea enim statua aspis est, inquit ille, non pectori adnota (qua in re pictores scilicet nostri peccant, historiae veritatem, ut Petrus Victorius animaduertit, deserentes) sed ita brachio alligata, ut ipsius vinculi constrictione irritari et ad mordendum prouocari videatur. Accedit in simularis corporis habitus, ut non tam morientem, quam placide dormientem spectare credas. O praeclarum artificem! O praeclariorem in iudicanda statuariae artis venustate MORGAGNIUM! Veteres enim,*  
dici

u) Bibl. l. c. p. 306. ed. Steph. et vers. p. 278.

v) In vit. August. c. 17.

w) L. III. Eleg. II. v. 53. sequ.

x) Epist. cit. p. 22.



dicti vix potest, quantopere votis a diis immortalibus expetierint *εὐθανασίαν* illam somno simillimam. Hinc EPICVRVS philosophus

*Stygias ebrius hausit aquas,*

et ANTONINVS ex scriptorum fide non tam mori, quam placide quiescere visus est.

Restat, vt, quid de *aspidum* genere ac morfu apud veteres medicos legatur, quam diligentissime breuissimeque anquiramus, atque hac ratione de mortis genere, quo *Cleopatra* regina periit, fiamus demum certiores. Horrenda sane illa est *aspidum* descriptio, apud NICANDRVM<sup>y)</sup>:

Φράζεο δ' ἀναλέαις μὲν ἐπὶ Φρικτὴν Φο-  
λίδεσσιν

Ἀσπίδα Φοινήεσσαν, ἀμυδροτάτον δάκας  
ἄλλων.

Τῇ μὲν γάρ τε κέλευθος ὁμῶς κατ' ἐναν-  
τίον ἔρπει.

Ἀτραπὸν ὀλκαίην δολιχῶ μῆρυνγματι γα-  
σρός.

Ἡ καὶ σμερδαλέον μὲν ἔχει δέμας· ἐν δὲ  
κελένθῳ.

Νωχελὲς ἐξ ὀλκοῖο φέρει βάρος· ὑπνα-  
λέοις δὲ

Ἀιὲν ἐπιλλίσσασα φαίνεται ἐνδυκὲς ὄσσοις.

Ἀλλ' ὅταν ἢ δᾶπον νέον ἔασιν, ἢ τινα αὐδὴν

I 4

Ἀθρήσῃ,

y) Theriaca v. 157. p. 11. ed. Gorraci. et. pag. 12. ed. Colon. 1530. cf. *Lucan. Pharsal. IV. v. 724. p. 292. ed. Burm.*

Ἀθρήση, νωθρόν μὲν ἀπὸ ῥέθεος βάλεν  
ὑπνον,

Ὀλκῷ δὲ τροχώσαν ἄλων εἰλίξατο γαίῃ,  
Σμερδαλέον δ' ἀνὰ μέσσα κάρη πεφρικὸς  
αἶρεαι.

— — ψαφαρὸς δ' ἀναπίμπλαται αὐχὴν

Ἀκριτα ποιφύσσοντος, ὅτ' ἀντομένοισιν  
ὀδιταῖς

Ἀἶδα προσμάχεται ἐπιζαμενὲς κοτεῖσα. —

*Funestam et squamis arentibus aspidam diram*

*Obserua, qua non monstrum est ignavius ullum.*

*Illa viam recta repens insistit, et alium*

*Longam aduersa trahens, directo tramite fertur.*

*Terrificum visu corpus, quod tarda per ipsum*

*Voluit iter tractu pigro; semperque putatur*

*Nictans clausa graui concedere lumina somno.*

*At simulac vocem vigilantibus auribus hausit*

*Aut strepitum sensit, torpenti excussa veterno*

*Contortum corpus sinuosum versat in orbem,*

*Horridaque in medio dirum caput exserit alte.*

— — *Cum vero incanduit ira*

*Et lethum minitans venientibus obuia, saeuit,*

*Squallida colla tument, et lato sibilat ore. —*

*Sunt vero plures diuersaeque aspidum species, inquit*

*SOLINVS<sup>yy</sup>), verum dispares effectu ad nocendum.*

*Dipsas siti interficit, hypnale, quod somno necat, teste*  
*etiam*

<sup>yy</sup>) In Polyhist. c. 27. p. 51. ed. Paris. Sed negat et  
pernegat *Salmasius*, (Exercit. Plin. p. 341. sequ.) dari  
tot tamque varias aspidum species, quot multis veterum  
videntur, quia temere inter se confunduntur.



etiam Cleopatra, emitur ad mortem cet. Hinc apud Aegyptios, ut auctor AELIANVS <sup>a)</sup> est, *sedecim aspidum species*, commemorantur, at, ex GALENI <sup>a)</sup>, AETII <sup>b)</sup>, et PAVLLI mente, reuera non, nisi tres sunt, quarum vna *terrestris* appellatur, altera *chelidonia*, vel ob riparum confectiones *aquatica* <sup>c)</sup>; tertiae denique *ptyas* nomen est, atque colore cinereo, viridi et ad aurum accedente illa cum maxime exsplendescit. Huius veneno correptam Cleopatram periisse PAVLLVS perhibet, neque temere ei refragarer, nisi dira ista symptomata, quae ab AETIO adiudicantur ptyadi, viderentur placidam reginae mortem prorsus tollere. Sed haec obiter, cum omnis res in eo maxime versetur, Cleopatrane ab aspidum morfu perierit, nec ne.

Quae aspides etsi forma paullulum a se inuicem discrepant, tamen, auctore AETIO, *accessiones et signa communia sunt in iis, quos aspides momorderunt.*

I 5

z) Animal. Hist. IX. 4. p. 187. ed. Conr. Gesn.

a) L. De Theriac. ad Pison. I. c. 8. p. 940. T. XIII. ed. Chart. et ap. Paullum Aeginetam L. V. 18. p. 542. Coll. Steph. et ed. gr. p. 166.

b) Tetrabl. IV. Serm. I. 20. p. 621. Coll. Steph.

c) Cf. Lucan. Pharsal. IX. v. 609. vbi illa certe verba:

*Stabant in margine siccae*

*Aspides, in mediis sitiebant Dipsades undis,*

de hac specie videntur intelligenda: Symptomata vero dipsadis vid. ap. Lucianum, L. De Dipsad. p. 824. ed. Bourd. Haec enim gignit dolores ἀλήκτας, ἐκκαία, καὶ σήπα, καὶ πίμπρασθαι ποιεῖ, καὶ βεῶσαι, ὥσπερ εἰ ἐν πυρὶ καίμενοι. cet.



*runt.* Sed audiamus hac de re *Dioscoridem* <sup>d)</sup>, qui malorum ab aspidum morsu oriundorum naturam tam accurate expressit, nihil ut supra. Τοῖς δὲ ὑπὸ ἀσπίδος δηχθεῖσι, τὸ μὲν δῆγμα ὅμοιον τοῖς ὑπὸ βελόνης κεντήμασι μικρὸν παντελῶς φαίνεται χωρὶς τῆς ἐπάρσεως· καὶ αἱμάτιον δὲ ἔχει πολὺ, ἀλλὰ βραχὺ καὶ μέλαν ἀποσάξει. ταχῆα δὲ αἱμαύρωσις ὀμμάτων καταλαμβάνεται· πόνος τε ὅλος τῷ σώματι πολυειδής, παντάπασιν ἐλαφρὸς καὶ ἐκ ἄτερ ἡδονῆς παρακολουθεῖ. διὸ καλῶς ὁ Νικάνδρος πεφώνηκε.

καμάτῃ δ' ἄτερ ὀλλυται ἀνὴρ,  
 χροῖαν ἀτρόπιος καὶ χλοανθήs. καρδιωγμὸς ὀλίγος, μέτωπον δὲ συνεχῶς ἀνασπᾶται, βλέφαρα κινεῖται μετὰ ἀναισθησίας ὁμοίως ὑπνῶ· καὶ τῆτοις θάνατος συναίρει μηδὲ τρίτον ἡμέρας διαλιπών. *Ab aspidē commorsis vulnus perquam exiguum, quasi ab adaucta acu, citra tumorem conspicitur. Sanguis non ita copiosus, immo perpaucus, idemque ater extillat; Ac dē repente acies oculorum hebetatur, totoque corpore dolor multiplex, sed omnino levis, et non sine voluptate consequitur. Quapropter recte Nicander cecinit:*

*At vir perit absque dolore.*

Color

d) *Theriac.* c. 17. p. 430. ed. *Sarac.* Est vero hic ap. *Nicandrum* locus *Theriac.* v. 188. p. 12. ed. *Gorr.* simulque adiicitur ad hoc mortis genus vere significandum:

Ἰπνηλὸν δ' ἐπὶ νῶκαρ ἄγχι βιοτόιο τελευτήν.

*Membra graui tantum pereunt torpentia somno.*

vbi *Schol.* p. 13. καμάτῃ δ' ἄτερ, per, χωρὶς δὲ ὀδύνης ἀπόλλυται ὁ ἀνὴρ, at vero νῶκαρ, per ὁ κάρος, ἤγεν ὁ ὕπνος, οἶοναί ἔστι καίρωσις, explicandum censuit. cf. *Paullus* l. cit.



*Color minime constat, at potius maligne virescit: accedit exigua stomachi rosio, frons assidue reuellit, palpebrae sine sensu conuiuent, veluti urgente somno, atque inter haec, vix interposito diei triente, mors ipsaprehendit. Similiter quoque AELIANVS<sup>dd)</sup>, PAVLVS, ACTVARIVS atque AETIVS, nisi vt hic quaedam adhuc morbi signa adferantur tum aspidum communia, stupor, pallor frontis, refrigeratio, assidui hiatus, colli inclinatio, capitis grauitas, segnities et collapsio in somnum profundum, ad finem vero et conuulsio, tum etiam quaedam ptyadi propria, quae sunt caligo oculorum, cordis dolor, faciei tumor ac auditus corruptio, mors tardior cet.*

Huc accedit, quod hoc aspidum virus sanari vlllo modo posse AELIANVS<sup>e)</sup> audacter negat. Praeterea auctor est AETIVS, in demorforum vulneribus puncta bina quidem dari, si sint ab aspidemare orta, at vero quatuor, si femellae virulentiae debeantur, idque, quia hoc veneni genus ὀξύτατον καὶ διαδραμεῖν ὅκιστον est. Quare haec omnia peruelim rite cum PLVTARCHI<sup>f)</sup> verbis conferas,

dd) Hist. Animal. IX. II. p. 189. vbi dicitur τὸ τῆς ἀσπίδος δῆγμα πρῶτατον, idque Cleopatra teste.

e) Hist. Animal. II. 6. p. 27. ed. Gesn. cf. L. IX. 61. p. 206. vbi similiter, vt apud ceteros auctores, veneni huius natura, duo morsus puncta et aspidis in littore vestigia commemorantur.

f) L. cit. cf. Schol. Nicandri p. 12. vbi τὸ ἀμύδρον, quo simili in re vsus Nicander est, explicandum putat partim per ἀσθενῆς, partim etiam per εὐκίνητον καὶ χαλεπὸν, idque Demetrio ac Archilocho testibus.

ras, qui *Cleopatrae* reginae brachium binis punctio-  
nibus tenuibus exilibusque (δύο νυγμαὶς λεπταὶς  
καὶ ἀμυδράς) interstinctum, imaginemque eius  
sic expressam, aspide alligata, et in triumpho simul  
prolatam ab *Augusto* fuisse perhibet. Quocum  
etiam satis conueniunt *AELIANVS* atque *DIO*  
*CASSIVS*<sup>g)</sup>, qui πεντήματα λεπτὰ περὶ τὸν  
βραχίονα αὐτῆς (puncturas exiguas in brachio eius.)  
inuenta esse auctor est. Quare huc non male  
accommodes illud *PHAEDONIS* apud *SENE-*  
*CAM*<sup>h)</sup>: *Minuta quaedam animalia, inquit, cum mor-*  
*dent, non sentiuntur, adeo tenuis illis et fallens in pericu-*  
*lum vis est. Tumor indicat morsum, et in ipso tumore*  
*nullum vulnus apparet.*

Fallitur hinc vehementer *PAVLLVS*<sup>i)</sup>, cum  
*GALENI* auctoritate, nescio, qua fretus, mam-  
mae sinistrae serpentem admotam fuisse perhibet.  
Nusquam enim in libris Galenicis haec reperire  
mihi licuit, adeoque haec sine dubio rumore ad

PAVL-

g) Bibl. L. 51. p. 306. ed. *Steph.* et vers. p. 278. vbi varia  
hominum hoc de mortis genere iudicia multis enarran-  
tur, quorum alii eam ex aspidum veneno repetebant,  
alii vero ab acu, qua capillum componere solita esset,  
eaeque veneno inuncta, cuius ea fuerit natura, ut cum  
corpori alias nullum damnum iniungat, ubi primum  
tamen sanguinem vel minimum attigerit, mortem et  
celerrimam, et absque omni dolore adferat cet. Facta  
vero haec omnia sunt *Epaphroditi* eunuchi negligen-  
tia, qui *Cleopatram* quam minimo dolore diem supre-  
mum obire voluerat.

h) Epist. 94. p. 395. T. II. ed. *Lips.*

i) L. De Re Med. V. 18. p. 542. Coll. *Steph.* et p. 166. ed.  
gr. *Basil.* 1538.



PAVLLI aures peruenerunt. Neque vero Caesar de *Psyllis* profecto cogitasset, nisi id genus vibices serpentum morsus portendissent. Caue tamen, ne hisce artificibus hanc veneni sugendi artem propriam quasi ac familiarem fuisse censeas. Neque hercules, inquit CELSVS<sup>k)</sup>, scientiam praecipuam habent hi, qui *Psylli* nominantur: Sed audaciam usu ipso confirmatam. Nam venenum serpentis, ut quaedam etiam venatoria venena, quibus Galli praecipue utuntur, non gustu, sed in vulnere nocent. Ideoque colubra ipsa tuto estur: ictus eius occidit, et, si stupente ea (quod per quaedam medicamenta circulatores faciunt) in os digitum quis indidit, neque percussus est, nulla in ea salua noxa est. Ergo quisquis, exemplum *Psylli* secutus, id vulnus exsuxerit, et ipse tutus erit, et tutum hominem praestabit. Illud interea ante debet attendere, ne quod in gingiuis palatoue, aliaue parte oris vlcus habeat.

Quibus se ita habentibus, facile ad perspicendum est, quare LVCANVS<sup>l)</sup> dixerit *aspida somniferam*,

k) L. De Medicin. V. 27. n. 3. p. 309. ed. Kraus. Cf. si placet, *Plin. Hist. Nat.* VII. 22. et L. VIII. 25: *Ammian. Marcellin.* XXII. 15. p. 358: *Reines. Var. Lect.* I. 8. p. 26.

l) *Pharsal.* L. IX. v. 701. p. 661. ed. *Burm.* vbi plura de variis serpentum generibus. Cf. *Marckland. ad Statium Silv.* III. 2. v. 119. vbi ille sic dixerat:

*Anguiferamque domum, blando qua mersa veneno  
Aetias Ausonias fugit Cleopatra catenas.*

Inprimis vero *Salmasium ad Solinum*, ni fallor, p. 541. sequi. ed. *Sarac.*

*feram*, et quo prae ceteris mortis genere perierit *Cleopatra*.

At vero, inquiunt aduersarii, nonne eadem mortis vestigia ab quocunque veneno, quod soporem inducit, repeti atque oriri possunt? Minime gentium. Multis enim prohibemur caussis, quominus huic opinioni temere assentiamus. Venena enim, quae hoc nomine apud veteres male audiunt, prae ceteris sunt, *DIOSCORIDE* <sup>m)</sup> teste, *hyoscyamus* <sup>n)</sup>, *colchicum* <sup>o)</sup>, *solanum maniacum*

m) Alexipharm. p. 401. ed. Sarac.

n) *Dioscorid.* Lib. cit. c. 15. p. 407. vbi effectus eius *mentis alienatio, qualis ex ebrietate est*. Cf. et *Cael. Aurel. Acut. Morb.* I. 4. p. 16. ed. *Annon.* *Oribasius Medicinal. Collect.* XI. 1. p. 447. Coll. *Steph.*: *Galenus L. Simpl. Medic. Facult.* p. 238. T. XIII. VIII. 20. Tres autem sunt eius species, *L. Mater. Medic.* IV. 69. p. 269. quarum binae *insaniam et soporem* inducunt, *tertia mitissima et in maritimis ruderibusque est*. Cf. *Nicander Alexiph.* p. 158. ed. *Gorraei.* *Aët. Tetrabl.* IV. Serm. I. c. 67. p. 644. Coll. *Steph.* vbi *iactatio corporis cum distentione, exsolutio animi deliquio similis, oculorum rubor, pruritus, tremor*, cet. Similiterque ap. *Xenophonem Oeconom.* οἱ τὸν ὑπερνάρων φαρμόντες παράπληγες dicuntur.

o) Appellatur etiam *epheumerum*, cuius dirissimos effectus ad viuum depinxit *Nicander Alexiph.* p. 146. formam vero, vt solet, *Dioscorid. Mat. Med.* IV. 84. p. 278. et sedulo distinxerunt *Paullus* (*L. De Re Med.* VII. 3. p. 621. Coll. *Steph.* et *Oribasius Medicinal. Collect.* XI. p. 423.) Sunt vero signa veneni huius, auctoribus *Diosc.* (*Alexiph.* c. 5. p. 404.) *Aëtio* (*Tetr.* IV. Serm. I. 57. p. 642.) *Scribonio Largo* (*De Composit. Medicament.* c. 61. p. 226. Coll. *Steph.*) *pruritus in ore omni-que corpore, qualis urticae aut squillae esse solet, erosio stoma-*



um p), aconitum q), mel Heracleum r), psyllium

*stomachique aestus, adiuncta gravitate, malo vero aggravescente, sedes etiam cruentae.*

p) *Solanum maniacum* s. *Dorycnium* ap. *Dioscorid. Mat. Med. IV. 74. p. 272. et Alexiph. c. 6. p. 405. ed. Sarac.* partim in varias species diuiditur, partim etiam temere negligitur. Quam dissensionem quomodo sustulerit *Saracenus*, vide p. 127. *Nicander* certe, (*Alexiph. p. 154.*) cuius descriptio est omnium elegantissima, illud et colore, et sapore lac retulisse perhibet, eius vero vim soporiferam opio mitiorem *Dioscorides*. Cf. *Aët. Tetr. IV. Serm. I. 58. p. 642. Paullus* (*L. De Re Med. VII. 3. p. 619.*) et *Galenus L. Simpl. Medic. Facult. VIII. 15. p. 237. T. XIII. ed. Chart.* Sequuntur eius haustum singultus continui, linguae mador, aut potius, ut ap. *Paulum* in cod. *Ald.* et ap. *Nicandrum* est, siccitas, vomitus, et sanguinis profusio vehemens, crebra desidendi cupiditas, tormina, alius mucosa, qualis dysentericorum est, cet.

q) Ap. *Dioscorid. (Mat. med. l. c. p. 275. et Alexiph. c. 7. p. 405.)* male audit ob vertiginem, oculorum lacrumationem, pectoris et praecordiorum gravitatem, quibus ab *Nicandro*, (*l. c. p. 129.*) *Scribonio Largo*, (*Composit. Medicam. c. 56. p. 225.*) *Aëtio*, (*l. c. c. 59. p. 642.*) et *Paullo* (*L. De Re Med. VII. 3. p. 612.*) adduntur oris gingivarumque constrictio, rosio stomachi, dolor laterum et intestinorum crudelis, ructus, tormina, gravitas capitis, temporum tremor, visus hebetudo rerumque spectabilem duplicatio, et si diutius malum subsisterit, tremor totius corporis, titubatio, qualis ebriorum est, sensuum obnubilatio, inflatio per omne corpus diffusa cet. Cf. si placet, *Oribas. Medicinal. Collect. XI. p. 451.* ubi species omnes describuntur, et praeterea *Plutarchum* (in *Vit. Anton. p. 937. T. I. ed. Xyl.*) ubi herbae similis similem scenam ad vinum expressit, quam legisse poenitebit puto neminem

r) Ap. *Dioscorid. Alexiph. c. 8. p. 406.* illud similiter, ut aconitum, et manifestari, et curari dicitur.



lium <sup>s</sup>), coriandrum <sup>t</sup>), taxus <sup>u</sup>), carpasi succus <sup>v</sup>),  
sardonina

s) *Dioscorid.* Mat. Med. IV. 70. p. 270. eius formam et imaginem dedit, eique attribuit vim refrigerantem, similiterque *Paullus* (L. De Re Med. VII. 3. p. 646.) et *Oribas.* (Collect. Med. XI. p. 450.) cet. At vero *Dioscorid.* Alexiph. c. 10. p. 406. eodem modo, quo *Aëtius*, (l. c. c. 62. p. 643.) atque *Plinius* (Hist. Nat. XXV. 11.) eius potionem sequi adfirmat torporem totius corporis, anxietatem animi, resolutionem cet.

t) *Dioscorid.* (Alexiph. c. 9. p. 406.) cf. *Galen.* L. Simpl. Medic. Fac. VII. 43. p. 194. T. XIII. ed. Chart. ubi *Dioscorides* emendatur, *Scribonius Largus* (Compos. Medic. c. 53. p. 224.) *Aëtius* (l. cit. c. 61. p. 643.) *Paulus* (L. De Re Medic. VII. 3. p. 628.) qui omnes omnino post eius haustum sequi dicunt foedum plantae huius odorem exspirationibus iterum redditum, raucitatem, insaniam ebriorum simillimam, blaterationes impudicas, quibus *Nicander* (Alexiph. p. 140.) prorsus adfentit.

u) Imaginem eius dedit *Dioscorides* Mat. Med. l. c. c. 80. p. 276. Cf. *Paullus* (L. De Re Med. VII. 3. p. 641. Coll. Steph.) Varia autem apud varios eius est appellatio, quam nunc non lubet amplius anquirere, cum non huius loci sit. A *Plinio* enim (Hist. Nat. XVI. 10.) *baccae*, et a *Plutarcho*, ni fallor, in *Symposio*, et *Dioscoride* ipso, *umbra letifera* dicitur. Inducit vero frigus totius corporis, suffocationem, mortem celerem, in quo *Dioscorides* prae ceteris consentientem habet *Aëtium* (l. c. c. 64. p. 643.) Immo vero *Caesar* (De Bello Civil. VI. 31.) auctor est idoneus, *Catiulcum*, regem dimidiae partis *Eburonum*, *taxo*, cuius magna in *Gallia Germanique* copia est, se exanimavisse.

v) *Succus Carpasi*, cuius *Dioscorides* (Alexiph. c. 13. p. 407.) et *Aëtius* (l. c. c. 65. p. 643.) meminerunt, inducit soporem graviorem, sensuum hebetudinem sine ullo dolore, sudores ac repentinam strangulationem cum exitioso saniei reiectu.



*sardonias herba* <sup>w)</sup>; *similiter pharicum* <sup>x)</sup> *toxicum* <sup>y)</sup>,  
*ixias*

w) Commemorarunt eam *Dioscorides* (Alexiph. c. 14.) et *Aëtius* (l. c. c. 66.), eiusque signa sunt, *mentis alienatio, convulsiones cum rictu oris ac labiorum*, (hinc enim *risus Sardoni* nomen accepit) atque demum *mors praesentissima*.

x) *Pharicum* refertur ab *Aëtio* inter medicamenta simplicia, sed a *Scribonio Largo* (Composit. Medicin. c. 63. p. 226. Coll. Steph.) dicitur ex compluribus componi gustumque habere *nardi*, quocum fere conveniunt *Dioscorides* (Alexiph. c. 19. p. 409.) atque *Nicander* (l. c. p. 157.) Cuius descriptio cum omnium optime referat ea signa, quae a potu pharico nascuntur, liceat nobis verba eius ex *Gorraei* versione adducere.

*Nec vero pharici potus (tam certa videntur  
 Signa) latere potest, quod sensu torquet acerbo  
 Maxillas, nulloque sapit discrimine nardum.  
 Perturbat mentem, tremebundaque membra resolvit,  
 Et patitur miseros lucem non amplius unam  
 Vivere.*

Cf. *Salmas.* ad *Solin.* p. 241. sequ. ubi multis hoc de medicamento disseritur.

y) *Toxici* meminerunt *Dioscorides* (Alexiph. c. 20. p. 409.) *Scribonius Largus* (l. c. c. 62. p. 226.) *Aëtius* (l. c. c. 70. p. 645.) omniumque optime *Nicander* (l. c. p. 143.), cuius verba, quia omnem signorum faciem exprimunt, relictis reliquis, hic potissimum adducamus. A toxici enim potu

*Lingua homini inflatur, distentaque labra tumorem  
 Circum ora attollunt, et magna mole grauantur.  
 Ore sputis sicco, rimis gingivae fatiscit.  
 Horror saepe quatit trepidantia corda: furore  
 Exundat diro mens exagitata veneno.  
 Balanteis imitatur oves et mille furores*



*ixias* <sup>2)</sup>, *mandragoras* <sup>a)</sup>, *succus papaueris* seu  
*opium*

*Concipit, exclamat, feruenti ut concitus ira,  
 Cui vitale caput violentus ademerit ensis:  
 Aut veluti cui templa Rheae et libamina curae  
 Aeditua, in plateas, nona quando luna reuertit,  
 Fertur, et Idaeos campos ululatibus implet;  
 Tum trepidi horrescunt, audita voce, bubulci;  
 Sic miser in rabiem versus fremit ille rugitque,  
 Et torua, in morem taurorum, lumina torquens,  
 Exacuit dentes et spumam fundit ab ore.*

Cf. si placet *Saracenum* in Schol. ad h. l. *Dioscoridis* p. 128. vbi dissensus ratio, quoad pharicum, prorsum diluitur, adduciturque in rei auctoritatem *Nicandri* Scholiastes p. 59. ed. Gorr. at ed. Colon. 1530. p. 77. seq. Sed (fateor) nusquam auctorum, quos citat, nomina adhuc inuenire potui.

<sup>2)</sup> *Ixias* commemoratur ab *Dioscoride*, (*Alexiph.* c. 21. p. 409.) *Aëtio* (l. c. c. 71. p. 645.) et *Scribonio Largo*, (l. c. c. 60. p. 225.) eiusque signa sunt, *vehemens linguae inflammatio et tumor, mentis alienatio, intestinorum murmura ac rugitus, alius nulla, animi deliquium* cet.

<sup>a)</sup> *Mandragorae* varias species memorant *Dioscorides* (*Mat. Med.* IV. 76. p. 273. it. *Alexiph.* c. 16. p. 408. atque *Oribasius* *Collect. Medicin.* XI. p. 427.) eius vero vires *Paullus* (*L. De Re Med.* VII. 3. p. 632.) Symptomata haec eius potionem sequi dicuntur, *sopor, exsolutio, vehemens veternus* (καταφορά ισχυρά κατὰ μηδὲν διαφέρουσα πάθος τῆ λεγομένης ληθάγρος) *vocis amissio*, quibus ab *Aëtio* (l. c. c. 68. p. 644.) adiiciuntur *languor, moeror, refrigeratio*, interdum *mentis perturbatio*, quid? quod ab immaturis omnia peiora dicuntur accidere, *ardor circa corporis superficiem, linguae orisque siccitas, oris hiatus fortisque aeris reciprocatio*, tandem *convulsio atque mors*. Cf. *Theophrast.* *Hist. Stirp.* IX. 9. p. 179. ed. *Heins.* et *Plin.* *Hist. Nat.* XXV. 13.



opium<sup>b)</sup>, denique *cicuta*<sup>c)</sup> ipsa, quam ex Athenien-  
 K 2 nienfium

- b) Variæ sunt *papaveris* species, quas omnes *Dioscorides* (Mat. Med. IV. 64. p. 265.) rite a se inuicem seiungendas existimavit. Cf. *Alexipharm.* c. 17. p. 408. Inducitur autem eius potione, vt *Aëtius*, (l. c. c. 69. p. 644.) *Scribonius Largus* (l. c. c. 48. p. 223.), alique testes idonei perhibent, *veternus*, *qualis ex mandragora nasci solet*, *refrigeratio*, *pruritus vehemens*, *oris hiatus*, *nariumque distorsio*, *labrorum tumor*, *singultus*, *praecordiorum distentio*, *respiratio parua*, *et frigida*, *pallor*, *liuor unguium*, *ad finem conuulsio*, *denique mors*. Haec omnia sic *Nicander* (*Alexipharm.* p. 159. ed. *Gorr.*) expressit naturae perapposite:

*Faecundi lacrymam quicumque papaveris hausit,  
 Hunc sopor altus habet, glaciali frigore summi  
 Torpescunt artus, nec lumina caeca recludit,  
 Commissis sed vinc̃ta genis immota tenentur.  
 Undique permulto corpus sudore grauique  
 Extillat, pallet facies, sunt feruida labra;  
 Vincula malarum soluuntur, anhelitus imo  
 Exiguum frigensque simul spiratur ab ore.  
 Saepe etiam obtortae nares vel liuidus unguis,  
 Aut oculi sunt certa caui praesagia mortis.*

- c) *Cicuta* etiam apud veteres infamis atque famosa est, eiusque meminerunt *Dioscorides* (Mat. Med. IV. 79. p. 276. et *Alexiph.* c. 11. p. 406.) *Scribonius Largus*, (*Composit. Medicament.* c. 47. p. 223.) *Plinius*, (*Hist. Nat.* XXV. 13.) *Galenus*, (L. Quod animi mor. corp. temp. sequ. c. 3. p. 448. T. V. ed. *Chart.* et passim alibi) *Aëtius*, (l. c. c. 63. p. 643.) *Oribasius*, (*Collectan. Medicinal.* XI. p. 425. Coll. *Steph.*) *Celsus*, (L. De Medic. V. 6. p. 245. ed. *Kraus.*) alique innumeri, quos omnes adferre nec lubet, nec opus est. Videtur vero illud prouisum pridem venenum, quod *Tacitus* (*Annal.* XV. 64.) memorat, sine dubio *cicuta* esse. Horrenda profecto plantae huius pestiferae signa sunt, *vertigo*, *caligatio*



nienſium lege bibendam ſumſit S O C R A T E S, cuius exinde mors tam placida fuit, vt deſcriptionem eius apud P L A T O N E M <sup>d)</sup> omnibus iis velim commendatiſſimam, quorum intereſt ſcire, veterum cicuta ſatis noſtrae reſpondeat, nec ne.

Sed nec omnibus aequale virus ineſt exitioſum, aut ſaltem ſomniferum, nec ſatis haec cum iis ſignis conueniunt, quae in Cleopatra moriente uſu veniſſe

*gatio oculorum vehemens, ſingultus, mentis alienatio, ſumma extremarum corporis partium refrigeratio, ſegnities, timor, ſuffocatio, liuor, conuulſio, miſeraque ex reſpiratione intercluſa mors. Hinc iterum bene Nicander, (Alexiph. p. 141.) ingenioſiſſimus ille naturae perſcrutator veriſſimusque in tam peſtiferis euentibus atque ſignis exprimendis artifex. Sic enim ille de cicuta:*

*Haec primum tentat caput et caligine denſa  
Inuoluit mentes; oculi vertuntur in orbem:  
Genua labant. Quod ſi cupit ocyus ire, caducum  
Sustentant palmae corpus, faucesque premuntur  
Obſeſſae, et colli tenuis praeccluditur iſthmus.  
Extremi frigent artus, latet abditus imis  
In venis pulſus, nihil inſpiratur ab ore.  
Fata inſtant, Ditemque miſer iamiam adſpicit atrum.*

d) In *Phaedon*. p. 117. T. I. ed. Steph. Commemorantur ibidem multa, quae ad cicutae naturam intelligendam haud contemnendi momenti ſunt, praefertim verò p. 63. ab veneni huius artifice atque cuſtode requiritur *parca confabulatio, ne calor inde naſcatur, aut venenum bis terue repetendum ſit*; portione autem ſumta, *ambulare licet, donec quaedam pedum grauitas accidat, tunc requies, refrigeratio, mors.*



venisse inter omnes constat. Quae si rite perpendaris, vincitur, *Cleopatram non ex veneno sumto, neque ex cicutae virulentia*, tam placide obiisse, ut multis videtur, praesertim cum ista venena, quae adhuc in medium duximus proferenda, auctore DIOSCORIDE <sup>e)</sup>, similiter ac dissimiliter agant, neque vllum eorum mortem doloris expertem, placidam, somnoque simillimam acceleret.

*Soli igitur aspidum morsui haec accepta ferenda sunt, ex cuius veneno, ut GALENVS <sup>f)</sup> litteris reliquit consignatum, repentina mors euenit. Neque vero id amplius facile neges, si memineris, illud mortis genus et historicorum fidei medicorumque veterum placitis accomodatum satis esse, et abunde respondere Cleopatrae reginae moribus. Quam enim facile est reginae tot stuprorum caediumque gloria insigni, ac in nocendi arte versatissimae, varias vitae finiendae vias inuenire! Quid eam, salute desperata, prohibuit, quo minus, SENECA <sup>g)</sup> praeunte verbis, ita se alloqueretur: Quid gemis, demens? Quid exspectas, ut te aut hostis aliquis per exitium gentis tuae vindicet, aut rex a longinquo potens aduolet? Quocunque respexeris, ibi malorum finis est. Vides illum praecipitem locum? Illac ad libertatem descenditur. Vides illud mare, illud flumen,*

K 3

men,

e) In Praef. ad Alexipharm. p. 401.

f) L. Quod animi mor. corp. temp. sequ. c. 3. p. 448. T. V. ed. Chart.

g) L. De Ira III. 15. p. 76. T. I. ed. Lips.

*men, illum puteum? Libertas illuc in imo sedet. Vides illam arborem breuem, retorridam, infelicem? Pendet inde libertas. Vides iugulum tuum, guttur tuum, cor tuum? Effugia seruitutis sunt. Nimis tibi operosos exitus monstramus, et multum animi ac roboris exigentes. Quaeris, quod sit ad libertatem iter? Quaelibet in corpore tuo vena.*

Sic demum atris sub auspiciis et ex aspidum morsu Cleopatra regina venenum magno sumsit animo, atque

*Tum breuiter dirae mortis aperta via est.*

Hinc se molliter composuit placideque obdormiuit, quasi re bene gesta. Actum est, amici! Ite demum, si placet, exequias.



















